



自古文治之光莫 唐虞其次成周其時聲教覃敷
 貢 周禮職方所掌王會所呈此皆地不 寶
 故凡 不翹英領 為宇宙生色而郡國
 之誌由此起矣在邑地處西 秦漢以來寡所表白
 宋元以後風 漸開迨至我
 朝統一 涵養百年民豐物阜衣食足而禮義生其
 規模文物固已迥超秦漢而人才政治彬彬足紀無
 我

皇上聖德 拓地數萬里荒徼海外莫不 內向貢

序

圖臣 星羅密布蔚然 天地之大文虞唐虞成周
 何多 莊雖小邑寧可任 略不文以 然自
 陋乎 邑志之所以不可 亟蓄也歲戊子余以
 署奉

命視學陝甘授士之暇即蒐羅誌乘考訂得 蓋誌乘

注事 規而繳揚約 均有 文獻之 寧可
 以苟焉而作乎甬上邵君強於政治自丙夏迄今兩
 泣在邑 之士庶安其政而服其 興廢舉墜 有
 成績 餘輯邑 以示余余受而 條 紊

於邑之所應存應者 古人紀事編年之要
開來所 人與地而俱傳者非耶余故不 弇陋
而為之序時

乾隆歲次己丑嘉平月既望

欽命提督陝西學政東武劉墀

序

二

新脩莊浪縣志序

余自丙子夏奉

簡命來尹茲土甫入境即訪求莊浪志不得竊怪敬爾官
者代有聞人何他郡邑皆有志而在獨闕如會其時
有事伊犁莊雖邑亦協辦台務忽忽又封祿
每一出疆查賑送兵經旬累月始得返：則案牘
勞形矣 己卯縣地災一切撫字疲精耗神更無暇
商及也庚辰 大兵凱捷歲亦有秋而余復以烏
私情願乞終養以故於茲事卒有志焉未逮然時猶

序

未悉其難也甲申秋服闋控都遵例引

見奉

旨以原缺補用念將重知縣事可復不續成此志乎爰於
守部之暇博採經史苟叅志傳莫得彙成一帙無如
平郡十 援古証今建置沿革皆歷歷可稽而在之
從來槩無可攷雖名儒如宋 纂脩元史尚闕其沿
革而不錄嗚呼益亦難已比丁亥補任復事訪求始
得王公舊志一帙乃康熙六年重脩者也然自明嘉

靖間竇公

創於前迄今王公輯成於後經百餘年

豈無文人學士能補其未備而於沿革始末以及人物藝文曾未補葺成編文獻無徵不曼、其難哉雖然知其難而妄為之固前人之所訶也畏其難而終於不為亦後人之所惜也夫作事莫難於謀而事不妨於略其荒遠而不可紀者既付之無可如何其迄今而可信者又聽其泯沒而無傳乃復之視今不猶今之視昔乎前志已慨乎言之矣余心竊惧焉謹就所見聞叅之舊志者闕之信者傳之寧歸簡易勿慙固陋復有作者討論脩飾而潤色之

序

二

安知不更有起而匡余不逮者哉

肯在

乾隆三十四年八月既望重知莊浪縣事軍功紀錄六次甬上邵陸題於此地官舍

增脩莊浪志畧序

志者記也所以昭信傳疑以繼往而開來者也莊志自有明嘉靖間竇公草創於始迨我

朝王邵二公纂脩於 繼中間疆域財賦官師人物以及民風土產無不秩然備俱燦然竝陳矣固非莫為之前疆美 彰 為之後雖盛弗傳也余自癸卯夏涖莊翻閱之餘竊嘆前人之勞搜博採如 其勞討論編輯如此 備為之前者厥功不既偉矣乎第邵公去今二十餘年矣 疆域不改財賦依然其間

序

一

官師遞更人物間出倉署之補脩壇廟之增易若不從而脩輯日復一日積年成世其不至嘆無徵而憾缺畧者幾希况改縣為丞設兵守汛尤沿革建置之一大陞降哉余有志於此久矣祇得甫 涖任投值兵燹防守調度朝夕靡寧繼以差務頻仍席不暇煖至庚戌秋案牘少暇始事增脩補其缺畧爰其夔夫則庶乎可觀矣後之涖茲土者 而輯之為莊邑昭信傳疑以繼往而開來焉是志也 不敢謂踵事增華亦可以昭示來許矣詎 曰留以有待也任其嘆

無微而憾畧也邵是為序
肯

乾隆庚戌初秋分知在浪縣事晴齋耿光文書於署之
晴雲書屋

序

莊浪志略目錄

卷一

原圖

卷二

星野氣候附

卷三

疆域

卷四

山川古蹟附

莊浪志畧

目錄

卷五

城池倉署附

卷六

壇廟

卷七

田賦

卷八

鹽政

卷九

兵制

卷十

風俗

卷十一

物產

卷十二

學校

卷十三

科舉 武科武并附

在浪志畧

目錄

卷十四

職官 武職附

卷十五

名宦

卷十六

鄉賢

卷十七

人物

卷十八

節烈

卷十九

災祥

卷二十

藝文

知縣邨 陸纂脩

分縣耿光文重訂

邑庠生石文忠敬書

莊浪志畧

目錄

三

莊浪志畧凡例

一志之體裁有二曰編年曰紀傳紀傳昉於尚書編年昉於左傳厥後使家因之是編一倣通志以編紀為體叙而不斷

一氣候異宜沿革殊時詎容脫略然而星野疆域統之矣故第攷其從來附入之以便覽

一有山川自有形勝有田賦自有戶口有城池自有倉庫公廨歸入一處若網在綱有條不紊

一莊邑偏小地不產鹽又無塘汎何益法兵志之有然

莊浪志畧 凡例

前志已載之矣有其舉之莫敢廢也

一仙釋流寓他志皆備舊志仙釋載曹貞女事然歿而為神非飛昇證果者比且已入廟祀故不贅流寓如丁晉通志亦例之矣然攷之一統志今涼之平番縣實為莊浪衛當年謫戍疑在此地故不敢附會

一莊志附入郡志者趙浚谷先生撰也卷帙最少其邑之有志自萬全竇公文始嗣是衛公東魯續之王公鍾鳴脩之經今百餘年矣隔越既久文獻無徵欲從而拾遺補闕完其未備能乎故第名之曰志略

增補莊浪志畧續例

一莊由縣改丞職官吏役雖有沿革仍照舊志列入於
裁革者另著明之及沿革未全沿革未全革者分析出
之不敢刪削舊志亦存古之一端爾

一舊志云莊無塘汎原明制也後因乾隆甲辰遂回之
變新設營伍職官兵制因並補入

一莊志自邵公重脩後至今廿餘年矣中間壇廟倉署
更易補脩暨前任職官邑中貢舉並諸藝文詳為續
刻不敢掛漏

莊浪

卷一 城角

一舊志名曰莊浪縣志略因縣治也今改為丞尚名曰
縣似名實不符因於未改之前所謂縣者因之既改
以後但稱莊浪因總名之曰莊浪志畧云

一志中舊有應避諱字樣暨語句間有未妥者細加校
閱改刊不敢因襲

分知莊浪縣事耿光文續識

莊浪志畧卷之一

地畵

舊志明知縣衛東魯曰邑無分大小皆有地畵前志無
 圖其地土廣狹縣志遠近舉不可得而知也爰畵四
 境以便覽察自丙子來莊在所過東西南北四鄉殆
 遍凡與隣近毗連處所益無不踰越而至焉間嘗按
 其山川稽其道里其廣狹遠近按畵而索之靡勿
 合此則入境者所須知矣其餘城畵縣治畵皆歷歷
 其如繪者也用是不改其舊志原畵

莊浪志畧 卷一地畵

東至馬家寺十里靜寧州地界



北至朱庄溝三



西至雷小莊一百十里 靜寧州地界

莊浪志畧

卷一 地畧

二


知縣王鍾鳴曰志何昉乎太昊氏雲龍紀官以名畜
 何昉乎禹功既成畜神奸於鼎大章豎亥步東西朔
 南之極以為正此志畜所自肇也有志不可無畜有
 圖乃以成志道里繡錯封域一延莊即未若通國巨
 都誇王會乎某地之接某邑某壤之連某州裏尺幾
 何錯牙幾何其間山川之迴環民居之奠麗孰里孰
 溝孰坊孰鄙當必有按帙周知縣指指掌者撫斯畜
 也先王分田制邑域民封疆之界猶有存者下吏
 實切淵冰焉豈徒以明控馭供坐遊而已耶


城圖

知縣王鍾鳴曰城何以圖資觀警也稽莊自戰國由
 元建城後隸屬不一置為路尋改為州以至有今日
 其置為路也則建路之城改而州也則猶州之城中
 間幾經治亂室廬豁谷之已非年代運世之迹異而
 城郭依然無恙者豈非巖爾堅牢終古不拔者耶嗚
 呼三里之城民人社稷在焉尚其勤修和以縣輿志
 矢保障以信民情勸農作時訓練以保群生則固本
 寧邦金湯永奠斯圖其可長勒不朽也夫

莊浪志畧

卷一城圖





莊浪志畧

卷一城郭

四

知縣邵陸承脩縣城碑記

我

朝

聖聖相承百有餘年仁漸義摩教四訖西陲之役

皇上神武奮揚闢地二萬餘里幅員之廣亘古未有久矣

衆志成城不恃金湯環衛而已固如磐石泰山矣乃

猶以

內府充盈思所以散而布之者

詔發帑金大脩天下城垣甘肅城通七十座應補修者四

十六處莊浪輿馬

思至渥典至鉅也粵稽莊城古未有建置元時始設為路
奪降為州明初仍之洪武八年以縣名通志載莊城
僅州一里許設西北兩門或傳舊有東門隨墊之造
南門然皆湮沒無考今延袤二里七分零週圍五百
餘丈高約三丈廣自一丈八尺至二丈有奇門二南
曰鎮遠北曰拱極蓋明嘉靖間邑令張公瑜建
康熙五年壬令鍾鳴修之者也歷今又百年年矣
垣廢址保障何存余竊病之庚辰歲將與平靜回原

莊浪志畧

卷一 城箇

五

一休請修奈莊邑僻處山陬素鮮物產輓運維諸
苦竭蹶且軍需甫息民力稍紓遂乞烏私志焉未逮
丁亥孟冬補任適奉檄應斯役戰戰兢兢懼不能勝
幸闔邑人民願効子來又得華亭縣尉胡君誠襄事
司訓武君諛縣諭黃君玉衡協贊焉凡內外新築者
四百餘丈削屢者加半建門樓四座水溜十八道北
列角臺二東西列敵臺九環以堞堞繚以女牆鎖之
以馬道門二座自二月開工迄九月而落成是役也
動

帑一萬一千一百零計期二百餘日名雖脩補實同新
造更名南為朝陽門址為迎恩門而兩甕城名仍循
其舊示不忘所自也彌望樓臺壯麗雉堞崢嶸屹屹
閑閑克成鑠鑰視向之傾頽剥落者頓覺今昔改觀
庶幾哉費不虛糜工歸實用無負

上憲慎重工程之至意矣雖然余不敢貪為己力也
時和歲稔得土之宜因水之利上資

國帑仰遵

憲示中藉僚友之勸勸下賴士民之踴躍夫是得已安

莊浪志畧

卷一城畜

六

意鳩工如期告竣也不然任大責重如斯其艱不徒
保固三年當思作屏百世余雖不惜費不省工不累
民殫心竭力矢慎矢勤其遂能固全湯於億萬載也
哉是為記

改脩南甕城跋

稽康熙五年王公鍾鳴舊志載當時莊貧日甚議者
謂在城朔高南下逐山走水宜塞南門以迴逝流開
東門以納生氣邑紳柳君翹才亦請闢東門而塞南
門庶幾風藏氣萃如以地方貧瘠一時遷難鳩工可

於南城外築一高垣稍曲東面至羅家庄暫開小門
東向上蓋高樓曰生氣樓此諸君子於百年前所苦
補救無從留以有待者也余素不信堪輿未悉舊志
初估時不及議更比鳩工日在城上周覽情形南北
兩門一体直瀉殊乖形勝諸父老明知去水過堂形
似反弓大非邑利者苦於工多用完不敢請余偶訪
舊志閱之知前所云云因之慨然自任曰乘此動
帑興脩而不及時改作更待何時爰詳明
制憲即或數逾原額亦愿以廉俸濟之幸

莊浪志畧

卷一城衛

七

上憲可其事於是決計更新改門東向卑者高之隘者
廣之雖積日累工幾殫心力然一轉移間而地利得
人望酬今而後我莊士民室盈婦寧印纍綬若則皆
今日發

帑興工幸逢

盛治之所致也其可不永感


皇恩共思保護也哉樓成名之曰生氣仍前志也深復望
也於是乎書


莊署簡

知縣王鍾鳴曰簡署治者壯邑觀也莊為僻陋官署
 幾經興廢今一脩治煥然維新雖產物財賦差遜而
 邑治之門舍水道無不合法洵足簡以志
 按莊治署良龍來脉負癸揖丁兼子上應天 星垣
 之氣以庚子庚午分金坐女宿九度天才星向柳星
 十一度吉星次屬少陽以水為体所宜者金所惡者
 土所妬者火所生者水而九星錯綜於坎之八方者
 乃卦爻變動五行相生自然之位也

莊浪志畧

卷一署簡





莊浪志畧

卷一 署前

知縣邵陸新建退食堂記

改莊署後樓三楹 五椽惟四前任董公朱衮建

自順治六年己丑歲廡後東西增築四楹歲久傾

岌岌乎殆陸於丙子夏初抵任每退食不遑寧虛


欲議脩會時動置 歲遭 雹不暇理丁亥冬復之

官傾頽益甚 辦城工雖懷枕裡無暇及此今春雨

水盛宅門圯不數白樓墻崩將壓焉余瞿然曰城池

官署志書陸向欲修舉者今幸而城垣修志略成獨

衙署缺焉是殆欲陸併力而營也能憚老辭瘁乎於



是改作大平房五楹高如其樓之舊前後墻兩簷各
深五尺中增九尺之寬為一丈三尺兩次間亦增寬
一丈二尺東列兩楹為書室深如之而廣則不能加
增限於地也興工於四月八日迄七月而落成費至
三百餘金視向之傾頽剝落覆壓時虞者今則規模
宏敞得以退食委蛇矣嗟乎官非世守署如傳舍日
復一日任延一任非力不足即勢不便此前令所由
生嘆也今按之例得在前後任廉俸內均攤或千金
或七八百金顧既備嘗莊之清苦又見均攤者物

議紛紛也爰是勉力捐脩後之君子尚其有鑒於余
心

莊浪志略卷二

星野氣候附

帝王世紀

天地設闢未有經界之制及黃帝受命

始作舟楫以濟不通乃推分星次以定律度陳氏曰九州十二域或繫之北斗或繫之二十八宿或繫之五星雍主魁異主樞青兗主機徐揚主權荆主衡梁主開揚豫主搖光此繫之北斗者也星紀吳越元枵齊姬訾衛降婁魯大梁趙實沉晉鶉首秦鶉火周鶉尾楚壽星鄭大火宋析木此繫之二十八宿者也歲

莊浪志畧

卷二星野

星主齊吳熒惑主楚越鎮星主王子太白主大臣星主燕趙代此繫之五星者也星野之次由來久前史所載占驗昭然敢謂莊邑僻壤並無專分不煩臚列乎志星野

史記用昏建者杓杓自華以西南又曰東井輿鬼雍州又二十八宿主十二卅斗兼之秦之疆也候在太白占於狼弧又曰漢之興五星聚於東井以上天官書漢書秦地於天官東井輿鬼之分野也其界自宏農故開以西京北扶風馮翊北地上郡西河安定天水隴

西自井十度至柳三度謂之鶉首之次秦之分地理志

後漢書天文志注云太白主華陰山涼州雍州益州熒

惑主輿鬼柳七星張翼軫鎮星主東井梁劉昭引星經注補

又地理志注曰自井十六度至柳八度曰鶉首之次於

辰在未謂之叶洽於律為蕤賓斗建在子今秦之分

野

晉書十二次度数自東井十六度至柳八度為鶉首於

辰在未秦之分野屬雍州

又州郡疆次營室東壁衛并州安定入營室一度以上天文志

莊浪志畧

卷二 星野

隋書周禮職方氏曰雍州上當天文自東井十度至柳

八度為鶉首於辰在未得秦之分野地理志

唐書鶉首實沉以負西海其神主於華山太白位焉

又東井輿鬼鶉首也初東井十二度餘二千一百七十

二抄十五大中東井二十七度終柳六度自漢三輔

及北地上郡安定西自隴西抵河右東南盡巴蜀漢中

之地及夷獫為越雋益州郡以上天文志

又關內道蓋古雍州之域漢三輔北地安定上郡及弘

農隴西五原西河雲中之境為實沉分商為鶉火分

地理志

宋史斗魁枕參首是為帝車運於中央魁第一星曰天
樞正星主天又曰樞為天主陽德天子象其分為秦
又三台星中台上星主梁雍下台主翼

又天市垣二十二星在氐房星尾箕斗內宮之內東蕃
十一星西蕃十一星西南一曰韓二曰楚三曰梁四
曰巴五曰蜀六曰秦七曰周八曰鄭九曰晉十曰河
間十一曰河中

又十二國十六星在牛女南近九坎各分土居列國之

在浪志畧

卷二 星野

四

象九坎之東一星曰齊齊北二星曰趙趙北一星曰
鄭鄭北一星曰越越東二星曰周周東南北列二星
曰秦秦南二星曰代代西一星曰晉晉北一星曰韓
韓北一星曰魏魏西一星曰楚楚南一星曰燕陶隱
居曰越星在婺女南鄭一星在越北趙二星在鄭南
周二星在越東楚一星在魏西南燕一星在楚南韓
一星在晉北晉一星在代代北代二星在秦南齊一星
在燕東

又五車五星主五穀豐耗一車主 蓐一車主麥一車

主豆一車主黍一車主稻米西南大星曰天庫主太白秦分及雍州主豆以上天文志

元史歷志井九度四十七度 十 抄外入秦分鶉首之次辰在未

明史天文志分野井九度至柳三度屬秦分鶉首之次臨洮平涼二府皆井鬼分靜寧涇二州鬼分

蔡邕月令章句曰周天三百六十五度四分度之一為十二次日月之所纏也地有十二分王侯之所國也每次三十二度三十三分之十四日至其初為節至

莊浪志畧

卷二星野

其中為中氣自井至柳三度為鶉首之次芒種夏居之秦之分野

月令孔氏疏曰未為鶉首初井十六度終於柳八度

唐六典曰未為鶉首秦之分自井十度至柳八度

宋王浚儀六家分星異同譜 班固漢志井鬼雍州秦

自井十度魏太史陳卓自井十六度至柳費直說起并西柳三度

蔡邕起井皇甫謐帝王世家自井十六度唐一行井

十二度中井二十七度終柳六度

平涼府志莊浪天文營室井鬼之交

舊志曰星野之說各以其宿分麗九州之方域按天文志東井十六度至柳八度為鶉首於辰為未蓋屬古雍州分野無疑獨是秦壤繡錯位西德全纏次井鬼柳三星則位南精火得無舛異然考南宮七宿井居其首界於參甯厥辰麗末次於酉申且井躔三十度半分十六度以蜀之南仍留十四度以屬之西以星次論之明繫聯西宿而漸次於南即以疆域較之亦延袤於秦而接壤於楚矣又况井鬼柳分域而下星張為三河翼軫為荆襄天文地理互相符貫安有舛

莊浪志畧

卷二 星野

五

錯者乎在地僻雍涼初分井宿郡志以安定入營室一度為正乃在并州不無疑慮雖然柳又聞之王者用法乎則井星明鳴承吏跡土蓋深懼政令不得其平以重貽東井差也

知縣王鍾鳴


舊志曰古者相土授時則治地播種業農家誠重哉時也而莊僻在邊服山多而磽地冷而燥春不解凍且尚有霜稍早則稿過澇則浸夏患冰雹秋懼蚤霜一年中欲求全熟不可得也况一邑之土脉氣候又復不齊而民多遷徙焉舉致地荒 耕種失時所收更

薄此雖地方不厚天時不正亦民之不恆業也可無
慨歎 知縣王鍾鳴

又舊志曰切照全陝寒薄之處平涼為最而平涼州縣
之屬莊浪尤甚立群山之中居偏隘之區域垣不及
三里舍市止有百家田不川山不林木雨少則旱雨
多則寒一遇早霜秋禾盡萎果菜桑麻皆非所產四
鄉之民星散於土室之中少則四五家多不過十餘
人荒涼寥落不異殊俗名雖為縣其實不及一鎮正
糧正差尚不能支民感逃徙今之賦役倍於往昔若

不急為之處不至於盡逃不已也至於本縣疆域尤
多與靜寧隆德接壤地土相攙有在本縣地方而屬
靜隆者有在靜隆地方而屬本縣者遠近不一彼此
交錯是以地土各隨方便兌賣承佃及至催徵之時
彼此互推在本縣人則曰吾地已賣與靜隆某人在
靜隆之人肆然高座不服拘喚錢糧完多因為此合
從從正疆界近靜隆者屬靜隆隆近莊浪者屬莊浪四
界整齊不許攙錯或盼示曉諭不分隔屬但係錢糧
耶行處治有不服者許申請重究庶奸民不肆而公

務可完矣明知縣衛東魯中交



東漢書

卷之四

七

莊浪志畧卷三

疆域沿革附

莊浪古未有建置宋時始為砦曰靜邊屬鎮戎軍金升為縣曰通邊元初設莊浪路尋降為州屬鳳翔路明仍之尋改為縣屬靜寧州

國朝順治五年改隸平涼府惜乎自宋以前廢置沿革皆不可得而考也雖然弗考諸古無以證今弗信諸今何以傳後豈非司土者之責與志疆域

府志平涼趙浚谷撰云莊浪周為侯服後陷西戎秦伐

莊浪志畧

卷三 疆域

一

戎遂屬秦漢屬安定唐宋屬渭州陸稽前史平涼為安定郡自兩漢迄今宋皆因之至隋始分置平涼郡唐宋以後或折為涇原渭三州或折為德順鎮戎兩軍皆平郡地也今考其所屬前漢時領縣二十一後漢時領縣八晉領縣七宋領縣五隋則安定領縣七平涼領縣五其分合異同雖前後異名然以今平郡十屬循流溯源而計之無不歷歷可証獨莊浪則門如焉惜哉

甘肅通志莊浪情華亭地唐為原州宋初屬渭州慶歷

八年置通邊砦屬德順軍日陸攷宋史德順軍領五
若詳在鎮戎軍全史德順軍領縣六通邊與水洛也
德並為縣靜邊又自為一寨其時均未置有在浪也
今以明一統志按之在浪隋華亭縣地置通邊寨屬
廣德軍全改通邊縣屬德順軍後廢元初置在浪路
天德八年改為州屬陝西行省明降為縣屬靜寧州
靜寧即古德順軍莊浪即古通邊縣可知矣但查靜
志其地又有所謂通邊鎮者此其由來似未可信
以一統志所引九域志及全史地理志恭之無客疑
也全史地理志曰通邊縣領靜邊砦蓋全時初升為
縣後降為砦故鎮之通邊耳又宋史地理志曰初升
若東至威戎堡三鎮之通邊至隆德砦五里以今莊
治道里合之既覺相符且一統志載通邊廢縣在州
東南九十里亦與今地相合若州志所云通邊所云
邊城在靜寧東一百三十里與今地相合若州志所
城東南一百二十里此今靜寧州之通邊也然而以
志止載通邊不載靜邊實莊浪所從來矣特以

莊浪志畧

卷三 疆域

全時尋升尋降領之通邊故一統志以在浪為全之
通邊縣也况一統志兩引九域志矣於通邊廢縣則
曰在莊浪縣東德順軍有通邊砦慶歷八年置在軍
西南五十五里金升為縣屬德順州後廢元改置在
浪州於靜邊城則曰在莊浪縣西德順軍領靜邊砦
天喜二年置在軍西七十里以全史地理志通邊縣
領靜邊砦實之則知在浪實已易通邊所領之靜邊
疑州地猶名其舊殆以莊浪已易通邊所領之靜邊
故老無有傳者然而莊之沿革始末其詳雖
不可聞而畧舉可見矣姑志之以俟來者

全史通邊舊為秦尋升為縣仍屬德順軍後廢又分設
水洛縣今水洛城是也並入靜寧州而通志郡縣
內又載入莊浪縣界內

元初設莊浪路成宗大德八年二月降莊浪路為州屬

鳳翔路此莊浪縣之始也元史地理志各路州與
皆載建置沿革始末惟莊浪州下注云沿革厥文獻
無徵蓋雖潛溪亦不免浩歎矣

明洪武二年元宣差老闕堅篤以莊浪州來歸大將軍
徐達即以為莊浪州屬鳳翔八年三月摘鳳翔之莊
浪州降為縣屬靜寧州

國朝順治五年十一月知縣秦之銓比例隆德備降中
請始不屬靜寧統轄今隸平涼府割平涼衛地分入
焉

莊浪志畧

卷三 疆界

三

莊浪居隴山之陰層山峻嶺溪澗崎嶇府志

治在府西南二百三十里東至馬家寺十里靜寧州界
西至雷晚莊靜寧州界一百十里東西相距一百二
十里南至徐家城秦州秦安縣九十里北至朱庄溝
隆德縣界三十里南北相距一百二十里東南至秦安
蓮花城一百十里西南至靜寧威戎堡五十五里東
北至隆德九十里西北至靜寧九十里

額設里本七日明遠曰廟隆曰懷安曰廣盈曰豐慶曰
樂正曰安早今無明遠里添入衛里仍七

城有三治平城在縣西南七里見古蹟徐家城縣南九十里屬安里徐本徐孝恭

居此蓮花城浪一統志本屬莊故名今入秦安縣

堡有八廟隆里曰杜名堡程頑家堡韓祥堡 豐慶里

曰曹失力菟堡孫文義堡王農賽堡 廣盈里曰王

二狗堡 懷安里曰魏谷卜堡

塹有五豐慶里曰曹失力菟 廟隆里曰孫八十塹

劉六社塹安阜里曰牛三堡塹 明遠里曰汪汪羅

塹

舖有四在城曰總舖 南二十里曰達舍舖 北二十

莊浪志畧

卷三 疆域

里曰麻岔舖 北四十里曰曹婆舖

舊志謂縣城環拱皆山層巒疊嶂如波浪然故以名邑

西北接六盤之勝東南阻關山之雄大河瀕其東

小溪經其右襟山帶河亦天設之險昔賢有句云翠倚

叢嵐千載全憑天險固澄分三水萬年永賴地流長

舊志因龍其不變曰沿革置不常曰革是邑古為西戎地

春秋戰國時屬秦歷秦而漢始入與番然不免毳旃之

陋宋興盡為西夏所有禍亂相尋兵燹相接誠不知

凡幾年所全元時主中土置路宿兵守守番漢雜處

者復百餘年明祖混一區宇西盡酒泉始立郡改邑
設官編民禮樂文章彬然盛矣文嘗閱版籍見民多
番名蓋仍元之舊而未革也又見土達軍戶皆防禦
三邊之卒猶是元之種類歸附為民昭代華夏一
統可仰窺其隆矣嗚呼時有因革政貴因時因所可
因而革其可革又在乎司牧者加之意耳明知縣
實文
舊志鄉貢柳翹才曰按斯地周為戎郡秦屬北地郡漢
為朝那地屬安定郡東漢晉後魏皆因之隋屬平涼
郡地唐廣德元年沒於吐蕃大中三年收復廣明後

莊浪志畧

卷三 疆域

復沒土蕃中和四年置渭州為平涼郡之西北境宋
初曹瑋以其地築隴干城慶歷三年置隴干為德順
軍全改為德順鎮縣六曰隴干水落威戎隆德通
邊元治平初並治水洛入隴干為靜寧州鎮縣六
曰隆德其威戎通邊不知廢歸何處時始置莊浪路
疑即為通邊威戎地

秦公之銓申詳直隸本府文

查得莊浪昔屬於鳳翔厥後改屬於平涼隆德昔兼
屬於靜寧厥後直屬於本府原以酌地利之逆順軫

百姓之勞逸從利釋害耳今莊浪之不宜轄於靜寧亦以隆德為準蓋靜寧在府之正西莊邑在府之偏南由莊邑至府止一百八十里其道順而便由靜寧至府往還幾七百里其道逆而遠里道之不便以至稽延糜費固有上誤

國事下殫民財者矣况莊邑所管之境地西北不過三十里西南乃幾於百里正東正北皆在十里之內而正西數里即靜寧百姓也究之離州亦皆有二百里

莊浪志畧

卷三 疆域

六

之遙往往伊處豪梁據種莊浪地土及追比錢糧動稱上司百姓抗延

國課莊民逋賦奸猾者亦竄處靜寧庄堡難以緝獲屢年積欠皆由於此是尤不便於里道之遙遠者矣前經申請已蒙批允 刑廳申查隆德碑文一覽以便申行呈本府定奪今將隆德原碑係嘉靖年間經撫按兩臺疏隄者寫成一冊呈覽竊思一應錢糧既不由州催官吏聲否又不由州取止以管轄之虛名受無窮之實禍疲邑殫民實屬可憐懇乞 憲臺轉

申俯從隆德舊例直屬於府在靜寧無一毫虧損在
莊民有萬分補益為此具申順治四年十一月初七日
九日撫院批公議既確民情
樂從且規模垂久如詳行緣
王公鍾鳴申復邑治不歸併文
為恭請推廣小縣歸併之例以為裕

國便民之畜事奉 府 司蒙 總督陝西院盧

准部覆禮科給事中黏本盛題郎查該縣地方荒殘
人戶逃亡錢糧無幾者附近某州某縣可以歸併或
應照舊是否便民確查明白從長議妥速詳轉報等

莊浪志畧

卷三 疆域

因到縣奉此查得莊邑褊叢然稽古經制糧有五千
七百丁有四千八百今即豁荒豁逃猶可自立故先
王建邑設治非無意焉况西北距靜寧隆德各百十
里東距華亭二百里西南界通渭秦安一百八十里
脩隴疊嶂長林豐草之中絕無人迹倘非一邑彈壓
其間則莊城之士民盡散他鄉各屬之匪類聚數襍
處此地皆虎狼盜賊之區矣且屋無人居地無人種
丁日消而課日減其病

國實甚茲集紳士里老妥議咸喜因仍不喜裁併喜就

近輸課不喜越境輸將各治其地各子其民惟照舊
便康熙六年
十二月

莊浪志畧

卷三疆域

莊浪志畧卷四

山川古蹟附

禹貢導水導山九州以奠三壤以分而貢賦亦已出周禮職方氏山澤並傳此物此志也莊隸平郡雖無高山大川之限然有社稷有民人屹然金湯之固詎得忽為一邱一壑而遺之志山川

府志莊居隴坂萬山之中東北一里曰游龍山南五十里曰盤龍山西南五十五里曰陽山川西九十里曰苦水川北四十里曰曹婺川此其著者餘不勝名紀

莊浪志畧

卷四 山川

云

隴山在城東府志靜寧州一百五十里皆隴山也又曰自隴州至清水縣綿亘而來居山之陰今東暨華亭其間有鬼門關有火燄寶蓋麻菴大小十八盤湫頭筭頭龍家峽等山以及美高六盤南北二百里東西七十里皆隴山也

盤龍山在城南在十里山勢迴伏狀如龍盤即龍山之異名載廣輿志

杏花岡在城東三里即太白山上建太白行祠高岡峻

嶺樹木森鬱每祭風禱雨極有靈應

櫻桃原在城西三十里花發時其地如雪

牡丹岔在城西十五里舊傳其地產牡丹最盛故名

載省志

屏風山在城南三里即邑治印山狀如屏風

北山寺在城東北二里即游龍山也山上有寺樹木叢

茂登其嶺以望山川風景瞭然在誠誠一邑之鉅觀

筆架山在城南三里其峰秀特如筆架狀

磨石峽在城西南一十五里源出華停之林家峽西流

在浪志畧

卷四山川

二

逕都記川入峽以流於合河頭

崔家峽在城西南五十里舊傳其地有石炭山狹水深不可挖

青土坡在城西南六十里產白土今廣盈里李四堡

樂正溝 東十里

廟隆溝城北二十里

東溝水在城東冊說源出隴山經城西南流入靜寧州境注於苦水

西溝水在城西半里源出隆德縣之襟山西南流入東

溝而出

東河源自龍家峽來繞在城東故名東河

西河自賈家岔發源繞在城西灣過城南會東河水從磨石峽而出

陽三川在城西南七十里山之陽有山川合流故名府

志流入靜寧州即古愛渠水

寨子川城北三十里見省志

如水川今邑廟隆里居民郭令只地按通志宋韓琦范仲淹經略西夏放嘯鷓破金人存好水川

莊浪志畧

卷四山川

三

苦水川在城西九十里自靜寧州流入境及北流入鎮

原縣界即今廟隆里柳欽家庄其水苦不可飲

通邊川在城東北三十里明一統志在縣東北一百五

十里以道路四通而名府志在隆德縣南六十里蓋

接界也通邊縣之名以此其源出隴山迺林家峽迺

佛崖灣西流至野照涼野二店誰章麻川

張資河城西南四十里春夏水漲人病涉之

治平川一從鞍子山經通渭縣之蔡家堡一經郭家岔

至龍鳳麓二水合流達合河頭城西南七十里舊有

治平城宋王中正曾破金人於此

曹婺鎮在城北三十里有曹三娘廟鄉人以二五八日

為市其水出自林家峽至鄒家河入乾磴川

達舍堡在城東二十里又張川堡在城西三十里皆宋

金時舊置

蓮花堡在城西南一百里與徐家城對西面接古蓮花
城明一統志屬莊浪地今入秦安縣界宋經畧使鄭
戩行邊至此天寒與將佐置酒會暮塵起有報敵騎
至者戩曰此必三川將按邊回非敵騎也已而果然

莊浪志畧

卷四山川

借宿峽昔隗囂借宿於此故名

望夫石在城北三里相傳有婦望夫不至化石於此以
上皆有志

舊志莊浪古為用武地洪武末顧公佐如是邑名臣錄
稱其始而將官以文士易之因射中鵠乃驚服時尚
有兵將守之也承平既久兵調極邊故盡為編隸之
民近來套彝垂涎內地形勢果足恃乎而况邑之形
勢又借勝為奇者乎是故明息信以敦形勢之本足
倉廩以務形勢之實練民兵以此形勢之威敢為來

牧望文何能為哉明知縣竇文

舊志邑四圍皆山山無樹木獨東岡古杏一株父老皆不記其培植之時因以名岡屏風筆架皆以山形得名蟠龍遠在縣南厥狀若龍蟠然苦水經縣西涉者病之東西河居人引以灌園推磨甚便文皆志之不遺者亦山不在高水不在深之意云明知縣竇文

舊志秦之所以稱雄於天下者豈不以形勢勝哉故關中百二南有巫山之限東有函潼之固王關迫於西賀蘭豎於北而黃河涇渭環遶其中山川奇險地勢

狂浪志畧

卷四山川

五

形便誠所謂天府者也若夫崆峒六盤尤為三秦之勝莊雖僻居隴阪萬山之中層巒峻嶺豁澗崎嶇恍如波浪連漪者然然究其祖自六盤與空崗同分支派由六盤西至唐山數十里蜿蜒百折隨暨鱗家嘴潛落平坡不十里而城莊治更可喜者龍家峽直擁於左遶城而東逕走十五里至磨石峽兩山對峙二水滙流一步一轉竟不知所出且山帶石而石阻水所謂天門地關重重鎖鑰鉄甲將軍作守使也則古之置路建州豈嘗不以為佳勝而漫設治於此耶

舊志平屬水惟莊清冽而韶海內名泉何多讓焉康熙
六年九月闔邑立玉帶堤碑作傳於上面大書王公
堤匾曰甘棠遺愛句云月明清澗仁聲遠風拂濃陰
惠澤長背書公諱鍾鳴號鼎庵福建泉州府惠安縣
人康熙三年濬曲水道築堤插柳闔邑賴之勒石為
記名曰玉帶堤匾曰植德千秋又云文章經濟今王
烈父母謳歌古鄭僑

莊浪志畧卷五

城池倉署附

自黃帝作城邑立宮室後世因之然其間所謂相陰陽觀流泉揆日測景以築城築室者猶止在於國都也秦始分天下為郡縣歷代相仍為保障為屏藩城池解字之設畫疆分土以衛北民關係至重由來久矣志城池公署

莊城元初建治本州至正二十七年守禦周僉事脩周圍一里一百七十步高二丈五尺池深一丈五尺皆土

莊浪志畧

卷五城池

一

城舊列城門三今東塞其南門曰鎮遠其北門曰拱極明成化五年知縣馮憲增築康熙五年知縣王鐘鳴補脩六十一年知縣胡廣昌重脩陝西通志舊志載明嘉靖十三年知縣張瑜始建南門城樓有碑記北門城樓不知創何年代至崇正二年知縣張聖化重修餘如耆志

舊志左氏傳曰城過百雉非國之制訊若邑也今莊城僅三里許墉雖不高然而固壑雖不深然後而削瞭望便也尤易守禦况人心朴魯耕鑿之夫皆能

戈各不惜死力為身家計自明越今三百餘載屢經
寇夷而未嘗失守豈非地利人和之明効與而議者
以莊貧日甚謂地勢朔高南依逐山走水宜寨南門
以迴泛流開東門以納生氣此堪輿術數之說非固
本寧邦之道也雖然不可盡信亦不可不信城池非
以捍首封疆山水乃以永奠城邑總在有司如意大
夫士為佐厥成耳

舊志莊城斗大而堅壁捍禦易於固守故從古迄今未
有遭變難者但人才響絕民貧日甚或者謂邑治地

莊浪志畧

卷五城池

二

北高南下山行水竄室阿逼促都無迴顧之勢開南
門之悞也宜改闢東門塞南門風藏氣萃倘以地方
貧瘠一時遽難鳩工可於南甕城外築一高垣稍曲
東面內倚濠牆外築環牆朝東而行至羅家庄暫開
小門東向上蓋高樓曰生氣樓山朝水繞稱尚吉惟
祈賢大夫主持氣運吾同輩協心効力急為莊改觀
翹才雖不敏竊厚望觀厥成焉邑紳柳翹才

知縣邵陸曰莊浪土城一座週圍約三里自康熙五
年南城傾圮二十餘丈北城湮前令王公鐘鳴議修

以來經今二百餘年風雨剝蝕率多崩頽城高址二丈四五尺至三丈二三尺不等頂寬至八九尺至一丈四五尺不等角台敵台十一座坍塌過半南甕城久圯無存正城與北正甕城雖存而銀台窄狹券洞低小兩正城樓各平房三間矮狹甚梁宇等牆並未簸箕馬道一切倒塌捍衛無資乾隆三十年達遇

詔發

帑全令次第興修三十三年春余承辦斯役估銀一萬三千三百九十八兩零於是早者使高隘者使廣外城

莊浪志畧

卷五城池

三

新幫一十有九段共三百十五丈內城新幫十五段共一百丈餘加洗刷仍舊高自三丈至三丈四五尺廣自一丈八尺至二丈三四尺南北正城深廣俱增至四丈兩甕城亦俱增至二丈八尺而南甕城則開闢舊基改門向東受生氣以慰民望其正城則新建高樓三間改南門曰朝陽北門曰迎恩兩甕城仍循其舊名亦各新葺一轉三樓房一座銀台砌石五層磚皆新造厚三寸寬六寸長倍之水簸箕增至十八道加廣馬道兩座一切築牆女牆悉改其舊內外

城跟馬道悉加清擴俾得通行無阻南城設明水溝一道以利宜洩自二月二十一日開工迄九月二十四日落成莊城雖陋庶幾改觀爰詳誌其槩於右
莊治在城內西北元為州治洪武八年改為縣署明嘉靖十四年修

國朝康熙十四年重修

通邊廢縣在縣東七十里九域志德順軍有通邊慶歷八年全升其砦為縣後廢元初為莊浪路尋改為州明初仍之仍降為縣冊說通邊堡蓋通邊之誤

莊浪志畧

卷五城池

靜邊故城在縣西九域志德順軍領靜邊砦天禧二年置全志通邊領靜邊寨舊為縣元廢

莊城左環游龍太白兩山右抱壽豐一山前臨磨石峽後坐賈家溝門東西各界一川合流至磨石峽迤邐西出

城內南街北街中街三道

莊治傍西城考舊治在城東南隅即學宮地正德辛巳六房災劉令潮擬於浮議遷學宮於縣址遷縣治於學地惑於甚矣乾隆四十二年改為丞治前令竇文云

照牆一座

大門一座嘉靖四十四年竇文重建康熙三年王鐘鳴修

儀門一座

戒石亭

大堂五楹自嘉靖十四年張國賓重修後勒石堂左

全宋維攷捐俸建脩

科房五間東西各

班房在堂下東

宅門一間乾隆三十四年春雨

二堂三間

內退食堂五間

東書房二間

樓房三間秦公之銓曾益五

四間歲久料壞乾隆己丑春雨盛盡塌陸捐俸折造

增築台基高二尺改作七楹大平房五間書房二間

東西書房五間

前後小廂房各三間

廚房二間

廐房二間

莊浪志畧

卷五城地

南街坊康熙七年前令王鍾鳴建四

北街坊光文監修足民坊在署西財神廟前五

倉廩共二十一座計八十七間編列天地元黃米宇

乾隆六年前令王松建修四十一間十九年前令鄭

有康熙二十二年知縣卸陸請修五十五年分縣耿光文

因舊倉墻垣椽木瓦片大半傾圮朽爛後新修理

儒學在縣治東舊址本縣治在西正德年間知縣劉潮

衮重修各有碑記

明倫堂三間儒學劉臨春重脩內宅房五間劉臨春捐修

學署在明倫堂後即前教一亭教諭宅舊址
正堂三間左右廂房各二間大門一座
典史署廢

五十年奉

旨額設武弁三員新脩把總衙署一所 經制外委衙署

一所 額外外委署一所 兵房四十間

義學一所

正堂三間 講堂三間前令何廷設部陸重修

內左右肄房各三間 外左右廂房各二間

大門一座 左右傍房各二間耿光文捐俸重修

莊浪志畧

卷五城池

膳房二間

察院公署廢

陰陽學廢

醫學廢

申明亭廢

演武廳耿光文監修

關西道署廢

鍾樓舊在白衣菴西久廢今置在東城

北關樓在本無閣五十五年耿光文因此城外居

養濟院廢

義塚在城北五里

王公鍾鳴申請捐脩邑治公署文竊惟一邑之治

朝廷在焉 朝廷遠不可見邑治即見朝廷故邑

治嚴翼則百姓具瞻邑治廢墜則百姓玩忽稽在浪
自明初始隸平馬其邑治興廢不知凡幾中間修復
又不知凡幾但今廢久而未修也雖無餘藏亦有庫
帑雖無餘積亦有倉貯雖無大辟重犯亦有訟獄且
有六房公廨捕尉幕署以佐治理有福德神祠以變
陰陽有賓館延賓以問民疾苦外有應門以肅觀瞻
有儀門以正堂簾又外有鼓樓司晨以覺醒斯民今
俱廢矣出而大堂理治無所也入而川堂退思無所
也更入而內堂官舍書齋廚房亦無所也且戒石停

未創也申明亭未舉也邑治如何振肅官方如何端
崇邑治廢官方褻民亦不知有

朝廷矣載按邑乘舊有閩西道有分司公署有陰陽醫
學今僅存分司公署為皇華駐節之地亦傾圮甚矣
奈年久代湮因仍成習前任諉之後任後任更諉之
後任縣官自視為傳舍邑明相沿為廢署官推一官
日俟一日遂致棟朽墻塌一壞不可復支藏鐘鳴
初蒞蘇土見城邑荒涼衙署傾圮自覺悽愴萬狀延
諸紳士僉曰應修應葺夫應修應葺是也而所以修

之葺之者將何出乎 早職欲請之公帑恐賦額有限
欲輸之民力恐下情未安欲勸之紳士則貧寡無資
欲捐俸以修則祿薄欲捐財以葺則囊空欲首葺邑
治則上駐無處欲先修公署則吏治無地欲兼舉之
則物力弗給欲並置之則吏不安中夜躊躇計無
所出始量俸酌輸鳩工漸 毫不敢混擾地方取戾
朝廷俟陸續告成方敢備造工料價費摺摺文冊報
聞康熙三年
五月申

又詳固原道修城振竣文奉固原關西道劉 批據本

莊浪志畧

卷五

八

縣申據典史陳國棟呈前事蒙批修理城垣乃地方
官專司該縣加意葺飭足見留心但奉

明旨不許擅動民夫當設法雇覓興工繳等因到縣奉此
遵即專委典史陳國棟議設法修理並即日興工
及工資石灰磚價議估若干呈報核轉今據典史陳
國棟呈稱遵奉於本年二月二十八日興工用夫五
十名每工僱錢六十文至是年九月二十日告竣計
葺南城垣二十一丈五尺南北城馬道二處工資料
價隨日給發登簿呈報據此查得斗大莊城地儉二

里千不滿千仕無寸之貯民無再宿之粮况邑治
僅設三員皆淡嗇無資又何羨俸可輸仰屋興嗟計
無所出惟勸諭各官量力捐助以濟急務有不足者
卑職設法措足今據陳典史呈報奉文葺城於康熙
五年二月二十八日庀工於是年秋杪告竣計修城
垣二十一丈五尺馬道二處至於城樓城門久歷年
所木植朽爛磚瓦破碎工程浩大一時似勒就葺今
將修完城垣馬道工資灰價磚價各官捐輸錢粮數
目擬合據呈具冊轉報須至申者

康熙五
年十月



莊浪志略卷六

壇廟



昔聖王之制祀也法施於民則祀以死勤事則祀以勞定國則祀能禦大災捍大患則祀非是族也不在祀典故淫祀在所必黜而正祀在所必崇然亦有民自祇禱私相尸祝者或亦其功德所實足惠此一方也至於僧寮道院禮典所不及而志乘往往附載不遺豈非以名勝古蹟所係不容概泯沒乎志壇廟

社稷壇

在城西

頭門一座

乾隆五十一年耿光文建修

莊浪志略

卷六

壇廟

一

風雲雷雨山川壇

在城南按歷朝祀典風雷雨各立

壇以祭均未及雲洪武二年詔風雲雷雨合為一壇

六年又詔增祀山川合為一壇至今循之

頭門

一間乾隆五十一年耿光文建修

八蜡壇邑城東半里

先農壇

在城東

國朝雍正四年奉

勅直省舉行耕藉禮各該地方官設立先農壇自雍正五年為始每歲仲春亥日地方官率所屬及鄉耆老農

詣壇度祀各官次第扶犁老農終畝

壇廟 三間 乾隆五十一年

耿光文重修

左右配房 各一間 大門 一間 耿光文重修

藉田 四畝九分

文廟 載學校

八蜡祠

壇廟 三間 大門 一間 乾隆五十一年

耿光文重修

馬神廟在城南久圯今春秋祀之

厲壇邑城東北半里

莊浪志略

卷六 壇廟

二

開帝廟 治南面東明萬歷二十七年知縣王士魁

修建有碑記世遠言湮無考

國朝順治九年奉

勅封忠義神武關聖大帝雍正三年追

封三代崇祀後殿每歲春秋二仲五月十三日致 乾隆

三十三年

詔加謚忠義神武靈佑大帝三十四年知縣邵陸新造牌

位立於

神座之前

正殿 三間 三十四年邵陸修

享殿 三間 三十四年修

後殿 三間 並祀劉張二聖 塑像三尊

戲樓 一座 三十四年修

大門 照牆 一座

左右小房 各一間

鐘樓 在旁

三公祠 三間 舊一間 居殿側 房地早隘 春秋三祭 躋蹌

無所行禮 不恭且祠居殿側 更非所以妥

大帝而尊

三公也 相度大殿後 三聖祠前 尚有空基 可以改築 三間

乾隆三十四年 知縣邵陸 捐俸為士民倡 鼓舞樂從

不兩月而祠成 其各殿椽瓦 破壞者一律修整 煥然

莊浪志略

卷六 壇廟

三

更新

城隍廟 在縣治東 洪武三十一年 知縣高成 修建

正殿 三間 內左右兩廡 各三間

享亭 三間 外左右兩廊 各三間

後殿 三間 內外左右耳房 各四間

門樓 三間 兩旁 大門 一間

東岳廟 在城南五里 坐巽山之端 創建年分 無考 明崇

始建時 有邑人知 華縣張光孝 碑文

西岳廟 在北關 明萬歷二十二年 知縣焦道光 建有碑

記未錄今廢

三官廟

在南關外

明天啟六年知縣燕繼社設水浸已廢乾隆五十一年耿光文改建

北關外

正殿三間

頭門一座

龍王廟

在北門外

或云舊為宕墩無祠宇後其地有傷縣治龍脈

正殿三間

享殿三間

大門一間

水浸已廢乾隆三十九年知縣

詹耀璘仍在北門外易地改建

元帝廟

即游龍山古北寺明萬歷十年知縣李藹建二

彭公祠

在關廟旁知縣彭公諱乾者率民守城禦敵

有功祀之

乾隆五十一年耿光文因不宜與關帝旁列改建署西偏

莊浪志略

卷六

壇廟

四

大佛寺

在治東北明洪武四年建嘉靖三十七年

修崇正元年知縣燕繼社重修今廢

曹三娘廟

一在城南相傳貞女曹姓名綉金女生而

端莊不輕言笑工女紅暇則其父教以列女傳許寧

隆民趙姓未婚聞夫亡欲往親殮請之父母約殮畢

即回及至願守節終身不得遂絕食死每遇旱莊靜

兩地民禱雨爭迎祀之求無不應立廟奉祀又一在

曹婆舊名馭馬廟

雷祖廟

北山離城三里

白馬廟 在柳欽堡城西八十五里

磨石峽廟 城南十里

石家寺 懷安里十九奇堡

杜家寺 豐慶里杜六堡

慈化寺 廣盈里西南七十里

劉家寺 廣盈里城西七十里

太白祠 即杏花岡 正殿三間 配殿二間 頭門一座

乾隆五十一年 耿光文重修

白衣菴 在城南面北鎮一城之水極靈應萬歷二十

莊浪志略

卷六 壇廟

七年知縣夏之則修建

嗣聖宮 東城 萬壽宮旁祀子孫聖母 五十五年耿光文捐募重修

峴山聖母宮 城東北二十里

湫龍山 懷安里城南四十里

高廟山三龍神廟 正殿三間 在縣西北每逢早祈禱最應乾隆五十一年

耿光文因兩次祈禱即應 遂添建獻殿三間

萬壽宮在街東

正殿三間 中殿三間 前令何廷楠十七年建 耿光文於五十年重修

屏牆一座 頭門一座 三間 朝房六間 耿光文捐 俸建修

倉神殿 在署後中倉中間乾隆五十年
分縣耿光文捐俸建修

土地神祠 在儀門東前令
乾隆五十二年分縣耿光文捐資重修

財神廟 在署西乾隆五十五年
分縣耿光文捐募創建

魁星樓 前令卽陸建五十四年分縣耿光文捐修于城
上東南隅

文昌閣 在城東杏花岡乾隆五十五年分
縣耿光文捐俸創建以培文風

重修等處壇廟牌坊邑木鐸 蔡鳳儀 賈武魁 等督工

分縣耿光文曰堪輿之說雖大方所弗道然培補位

置一邑之形勝繫焉風氣關焉余初至莊見倉署之

頽壞壇廟之傾圮觸目蕭條思有以培補而更置之

莊浪志略

卷六 壇廟

前後九年之間諸壇廟街坊及倉署義學等處或捐
已俸或因民力或創建或補修殫厥心力亦大略就
理矣若此者無非欲凋敝之莊轉成富庶之象也後
之君子尚其有鑒於余心

莊浪志略卷七

田賦 戶口附

則壤成賦肇自夏五至周而有九賦九貢之式五男三男之分記載犁然此蕭何入關收秦府庫圖籍所由具知天下阨塞戶口也天下如此一邑可知矣居是邦也欲周知民隱而勞心撫字庶於此加之意乎志田賦戶口

明時府志

原戶七百七十今止存二百一十見存口二千二百

莊浪志略

卷七 田賦

一

三十五

力差准銀四百八十三兩二錢

銀差徵銀六百六十五兩七錢

鹽鈔折銀五十兩

田八百二十七頃八十九畝

夏糧二千五百二十一石九斗五升七合九勺

秋糧三千四百五十八石三斗二升九合二勺

草四千二百二十二束一十三斤十兩零

商稅課程鈔一千五百八十三貫五百二十八文

國朝定制

一民田

原額山坡一等共地二千六百一十四頃二十八畝二分二厘四毫九絲四忽內除順治七八等年奉

旨豁免過荒並丈明真荒及地震崩塌地一千九百八十

九頃一十八畝三分三厘八毫五絲八忽

實熟並開墾共地六百二十五頃九畝八分八厘六毫

三系六忽雍正五年諭允以糧載丁歸入地糧併征故統謂之地丁

實徵本折糧一千三百七十五石二斗六升七合五勺

莊浪志略

卷七 田賦

二

七抄七撮九圭六粟一粒七顆

實徵民地丁起運銀一千五百一十兩四錢五分三厘

七毫一系一忽一微一纖一塵九渺三漠遇閏加銀

一十四兩四錢六分二毫八系六忽一微二塵六渺

額徵匠價攤入地糧銀四兩九錢五分遇閏加銀四錢

一分二厘五毫乾隆三十一年奉旨允議凡銀糧以厘勺為斷其餘細數悉行減除

額徵課程銀二兩二錢遇閏加銀一錢八分三厘五毫

三系三忽三微三纖

額徵地稅銀二兩

解藥脚價並盤纏共銀三錢九分二厘三毫三系三忽
五微

藥味折價銀一兩七錢四分

額解朝 覲裁二銀七錢五厘

原額實活俱折下下丁八百四十四丁

康熙五十二年三月十八日奉

恩詔照康熙五十年丁冊定以五百五十一丁為常額嗣後滋生人丁永不加賦

額徵存留經費銀一百三十二兩九錢二分一厘六毫

一系四忽一微六纖九渺九漠遇閏加銀八兩六錢

九分一厘七毫二忽七微一纖三塵八渺三漠

莊浪志略

卷七田賦

三

又地震豁免不敷銀九兩三錢七分三毫一系一忽三

微九纖五塵一渺二漠奉

部准在於河東各州縣夫馬扣除小建銀內按年動支

額徵存留襍支銀二十八兩五分六厘八毫九系四忽

四微二塵四渺三漠遇閏加銀一兩八錢三分一厘

九毫二系六忽六微七纖六塵六渺

額設通送公文站夫二名一歲連閏共支銀二十三兩

四錢

新墾銀三兩七錢二分一厘五毫四系四忽九微五纖

七塵一漢徵解充餉

一屯田

實熟地十六頃四十二畝一分

實徵木色起運糧七十三石三斗七升八合

實徵地畝草價銀二錢六分五厘二毫一絲

屯丁銀一兩七分一厘遇閏加銀二分五厘九絲三

忽四纖四塵二渺四漠

一襍稅

牙帖 一兩七錢四分

莊浪志略

卷七田賦

四

磨課 二兩二錢遇閏加銀一錢八分三厘零

當稅 十兩

畜稅無定額儘收儘解

田房契稅無定額儘收儘解

知縣一員歲支額實征俸銀六兩六錢九分一厘內除

解 司一歲攤荒俸銀一兩四錢二厘止該支實征

俸銀五兩二錢八分九厘又在 司庫請領地震豁

免不敷俸銀九兩三錢七分係在河東各州縣扣除

夫馬小建銀內動支

乾隆四十三年奉

支裁汰

新設縣丞一員歲支額實征俸銀四十兩

門子二名每名歲支額荒實工食四兩八錢二分九毫
零共銀玖兩陸錢肆分壹厘遇閏加銀壹錢玖分肆

厘裁革一名
酌留一名

皂隸十六名每名歲支額荒實工食四兩八錢二分九
毫零共銀七十七兩一錢三分五厘零遇閏加銀一
兩五錢五分五厘裁革十名
酌留六名

馬快八名每名歲支額荒實工食十三兩四錢九分八
厘零共銀一百七兩九錢八分九厘零遇閏加銀二

莊浪志略

卷七 田賦

五

兩一錢八分三厘

民壯二十五名每名歲支額荒實工食六兩共銀一百
五十兩

禁卒八名每名歲支工食四兩八錢二分零共銀三十
八兩五錢六分七厘遇閏加銀七錢七分七厘裁革

轎傘扇夫七名每名歲支額荒實工食四兩八錢二分
一厘零共銀三十三兩七錢四分七厘零遇閏加銀六
錢九分裁革

添設馬夫一名歲支額荒實工食四兩八錢二分一厘

遇閏加銀九分一厘

庫子四名每名歲支額荒實工食四兩八錢二分零共銀十九兩二錢八分三厘零遇閏加銀三錢八分八厘

斗級四名每名歲支荒實工食四兩八錢二分零共銀十九兩二錢八分三厘零遇閏加銀三錢八分八厘鄉飲銀二錢九分二厘

鐘鼓夫一名歲支荒實工食一兩九錢二分八厘零遇閏加銀三分九厘

莊浪志略

卷七田賦

六

司十名每名歲支荒實工食一兩九錢二分八厘零共銀十九兩二錢八分三厘零遇閏加銀二兩

接遞轎夫十二名歲支荒實工食八兩八分九厘

孤貧十名歲額荒實并加增口糧共銀三十六兩又額文布花銀八錢七分七厘

典史一員歲支額荒實俸銀二十五兩三錢二分六厘

裁汰

門子一名 裁革

皂隸四名 裁革

馬夫一名 裁革

教諭一員 康熙三年裁革

訓導一員

明季裁革今復荒實銀四十兩

乾隆元年

詔加俸銀共

齋夫三名每歲額荒實工食共銀二十八兩九錢二分

五厘遇閏加銀五錢七分七厘

裁革二名酌留一名

膳夫二名每歲額荒實工食共銀十兩七錢一分三厘

遇閏加銀二錢二分

裁革一名酌留一名

門斗二名每歲額荒實工食共銀十一兩五錢七分遇

閏加銀二錢三分七厘

裁革一名酌留一名

莊浪志略

卷七 田賦

舊志王公鐘鳴上府求免解草束粟日荷 天臺眷篤

凡有教誨提命無不勉力以副至於力有所難支勢

有所難行不得不為懇告者茲蒙稟撥 提標三營

六月草一萬束此實緊急軍需理當竭蹶指備速完

但莊僻處平之兩服設治在萬山疊嶂之中距郡二

百三十里所屬地方迤西界犂復有一二百里之遙

邑中不滿百戶境內不越十丁所撥月草萬束勅須

千馱蕞爾彈丸之區安有如許馱脚如許民夫山嶺

高峻道路崎嶇往返非十餘日不可在運糧已苦艱

難况運草乎且地皆磽确冷瘡所產皆苦蕎燕麦不出穀草又值霖雨浸注麥不實莖生芽草皆腐爛若一時急征草束恐民心皇惑早職難違違悞之愆伏懇俯念莊邑荒殘民力孑遺莫支仍舊徵銀解司不惟於兵民兩便亦不至於遲悞奏銷矣果為西兵行急派撥已定乞照平涼縣依部價解折買應亦便此非特小民鐫佩明德早職實感荷靡涯矣蒙准免徵本色草束將正賦抵解草價買應民始不擾

康熙五年五月

莊浪志略

卷七田賦

八

又招墾示照得莊邑當大饑之後遍地荒蕪人口逃亡地無十之二人無三之一賦額不充民生凋敝幸數年來加意招徠多方生息畧成縣治但土地荒蕪未盡開闢本縣下車目擊心傷欲盡闢磽田變為沃土而凡民游惰自安實可痛恨每於朔望諄囑各里義民多方招墾無有應者今奉

新旨秦地限五年內盡數開墾有墾多者膺上賞墾少者受顯罰功令之嚴一至於此茲朝廷以有司為田畯有司以義民為田畯誠以田畯責在勸農勸農

而外別無事事今本縣惟奉 朝廷賞罰之典以勸
懲義民並置印簿數本交爾義民按里招墾不論多
寡有無填入簿內朔望呈縣查核功罪爾義民尤當
凜遵 功令速將荒土逃丁立刻招徠照數呈報以
憑給帖安墾庶室盈婦寧歲月可俟闢土開疆官民
咸慶與其離鄉而逐末何如務本以歸農本縣職司
民牧勸民耕種原無歹心爾民各宜體念勉力為八
口計慎勿輕棄家鄉置蕪穢而不治特示
康熙三年

莊浪志略卷八

鹽法

莊邑地不產鹽縣不立商其在國初則有民商乾沒滯引欠課等弊康熙六年前王令舊志可攷也自五十五年賽商承辦歷今五十餘載年銷年引民有食鹽之利從無派幫之苦又自雍正九年議革民幫勒石永禁民益稱便今因慶屬暨平屬鎮原等處官民多累議欲攤入地丁以昭畫一意非不善但利不什不易法害不什不變法是其始未宜紀也志鹽法

莊浪志略

卷八 鹽法

一

舊志順治九年額食惠安堡小池鹽凡 部引八百道按季遣商運赴池完課掣引領單出鹽方具文批並引就 固原鹽驛道換文赴 河西河東道繳引領出關文仍赴 固原道取出批迴賣府查驗到縣存案

今制鹽引一千張 每張納銀貳錢壹分伍釐伍毫 共課銀貳百壹拾伍兩伍錢每年商人賽廷擢施瑰自向惠安堡鹽捕廳衙門輸納轉發實收批迴到縣補具文批申賣寧夏道驗掛仍發交鹽捕廳轉發到縣備案

舊志莊邑鹽課設自近年但莊地褊僻崎嶇從無商車運皆本處民商辦課驢腳馱鹽因道遠腳疲經年不馱亦有二三年不馱者竟為奸商捐胥獎同乾沒聞自董公朱衮照丁徵課另那課銀名喚民商自往僱馱鑿山通道至縣貿易按本計利下年即以所獲之息完課掣引仍去運賣招集幾成日中不擾民不累商民甚德之但能行之當日富繁而不可行之今時窮索也嗣後因仍例派鹽引鹽單槩不經官給民乾沒滋弊民深以為病鍾鳴初涖任亦未深悉不過循

例徵課銷引無負考成足矣詎知此中利弊有難言者欲因董公自運自販自完而力不足路難通鹽復不得遠行姑將庫銀先那掣引領單就便變賣補庫完課民商亦不擾累但不能禁高脚嚴越販鹽將何發課將何出民日貧商日困計惟照舊減徵急先掣引取單給商隨其僱運變賣再行完課衆咸然之鄉大夫柳翹才曰恐久難繼病在官矣余曰此在今日因民商困暫作權宜計耳不必定為例 知縣王鍾鳴

莊浪志略卷九

兵制

莊邑地非衝要又無險隘汛防不設故兵制略焉然舊志已約載其事矣不可以無傳志兵制

洪武初頭目八丹收拾土達梁觀音保楊儼儼聶鎮鎮張五十高明臣乙丁卜馬五兒田三保共八人成化間征滿四復增土達苗剛郭通席友程政王順蒙得興蔡寧張友溫海田俊杜海田文秀任俊劉紀楊安十五人自備騎械從征倣古寓兵於農而久役無節

莊浪志略

卷九兵制

一

與軍不異民甚病焉

民壯原簽四十人今逃者半存者半又新增防秋三百人每秋防城逃亡已一百三十人

以上皆府舊志

舊志查得本縣原額民壯四十名奉例減扣八名每名出銀柒兩貳錢及查賦役冊內見戶人等五百六十丁糧六百三十二石七斗九升二合零頂籍人戶俱在數內先年戶籍全備丁糧相稱近年民貧丁少應役不起又加別項重差苦累逃移大半雖有四十名之數實在二十九名應役因是節年不足官民受害

合無申請俯從敝邑民瘼乞將本縣民壯止審三十
名庶免逃移官民兩便蒙 參政吳轉呈 都察院
右副都御史傳批准裁革十名止存三十名
明知縣 衛東魯
萬曆七
年申文

今額設民壯二十五名

舊志回詳固原提督栢不必設兵防禦事據邑紳人民
李敏或柳翹才等呈稱莊邑僻在山谷丁只數百糧
儉千餘地瘦無產邑窮皆耕幸俗尚質朴邑非要衝
從無寇盜竊發且彈葦山城不滿百家村落編戶僅

莊浪志略

卷九 兵制

二

有二里並無巨鎮小集大堡通衢匪人裸處易生奸
宄自明季以來屢經大寇從無撥兵防汛父兄弟
各自為守幸得保全至今現蒙父師點選民役自備
器械不時訓練晝夜巡邏即民即兵可防可守已為
有備無患伏祈轉達庶地僻無奸勿事兵汛城小易
守無庸撥防為此連名具結上呈等情到縣據此該
知縣王鍾鳴查得莊邑僻小地接靜隘城小而固地
狹而寧民貧而協雖僅僅二里人事鑿耕互相守望
從無寇盜竊發亦無兵將汛防伏懇憫念小邑俯聽

下情自防自守不敢輕勞大兵駐鎮理合具結申報
康熙四年
四月申

舊例設守兵二名由固原鎮標城守營分撥駐防今裁革

王公鐘鳴申民壯文為申飭事奉 本府帖文蒙

固原道劉憲稟前事仰縣官吏查照帖內事理即將該衙門額設各項人役俱令製辦弓箭鎗弓不時學射仍於半月內查驗一次以為捍衛之用等因到縣奉此 早職身叨微員無日不以地方為念莊邑山僻小城恐外警叠告匪人出沒擾害百姓騷蕩封疆

莊浪志略

卷九兵制

三

城無防守之兵豈能空拳禦敵 早職乃將本縣各役及精選民壯分南北二街義勇蒙質穎等二百二十六名編立二十隊買置長槍一百幹弓箭腰刀器械散給倣古四時講武寓兵於農每月就演武場教習團練以防不虞特以當時未奉 上令不敢擅陳今蒙 上臺帖行申飭理合遵將原設花名冊一本申費一本請印伏籍

天威速賜大張告示約束森嚴每月查點二次以為捍

衛之用庶地方永靜百姓沾恩矣
康熙二年十月十七申

固原道劉 批修舉保甲見奉

督撫飭行之事該縣團練衛兵照伊保甲編立隊伍則
一方可恃以無恐矣如議行該縣仍不時教演勿始
勤終怠此繳

乾隆五十年經

制憲福

奏准添設把總一員

經制外委一員

額外外委一員

莊浪志略

卷九 兵制

馬兵三十九名

步兵四十名

守兵二十名

馬四十四匹

莊浪志略卷十

風俗

王制命太史陳詩以觀民風奢儉貞淫燦然具列非徒藉以從宜從俗抑亦示儉示禮之資也莊邑土瘠民貧一切歲時伏臘冠婚喪祭務從質朴猶有唐魏之遺風焉迨斯土者果仰體

聖朝百餘年來仁漸義摩之化從而撫綏之教誨之以之耕鑿成風詩書成俗易易矣志風俗

漢志人勤稼穡習戰備

莊浪志略

卷十 風俗

一

太平寰宇志地接隴山節氣常晚仲夏花木始開不產絲蚕惟與西戎博易為利地多牛馬宜畜牧人以習騎射為樂事

明一統志民俗純朴不尚侈靡專事耕種不為寇盜婚姻喪祭猶有古遺風

舊府志民風淳質力農不諳技藝士無偽習然亦未擴其所受

又隴山既冷而山陰猶甚四七月或霜雪地利寒薄民恒皮裘無他生殖

惟織羊毛線為褐

歲時正月元旦祀神拜祖更相賀歲

立春之先日迎土牛扮戲彩以導芒神士女競觀是日啖春餅遊春郊

清明節祭墓培土掛紙錢是日栽柳踏青農夫播種上元節前請紫姑卜歲之豐歉

四月八日浴佛禁宰殺

五月端陽節男女皆佩艾葉以竹葉裹黍糲作粽亦名角黍親友交相餽遺是月也農盡耘

七夕女子設瓜果乞巧天孫是月也農乃獲獻早禾

莊浪志略

卷十 風俗

二

祭先祖望日或祭於家或祭於墓

中秋節戚里餽送瓜果月餅晚設之拜月

九月九日登高飲茱酒

十月朔祭農功於祖先或烹羔獻酒夜則焚送寒衣家家各塞向墻戶

冬至節享祖先拜官府謁師長如年節禮

臘月八日食粥

二十四日祀灶名送神設糖菓以祭

除夕祭奠祖先易門神換桃符家家設酒守歲放爆

竹

婚禮不索財亦不論厚資

慶賀不尚厚禮設席亦不尚豐

遇

國家大慶紳士皆隨官長詣

萬壽宮行禮次日紳衿耆老商賈胥役依次演戲稱祝或

五日或三日乃止以昭忠愛甚誠

遇旱百姓禱雨最虔戒酒除葷人自為禁若隨長官
遠禱於

莊浪志略

卷十 風俗

三

南亂石池之神湫士民老幼相率步禱無敢後每禱輒
應所過靜隘兩地約百里村民見莊浪官民至謂可
立致甘霖也爭具壺漿送迎不絕

王公鐘鳴申明保甲示照得國運關乎風俗風俗本
乎人心人心端風俗醇此教化之盛事景運之休徵
也今去古已遠習俗漸漓孝義不敦品節弗立雖民
風澆漻亦吏治之羞本縣蒞任以來孜孜以風俗人
心為念惟期上不負國下不負民而後安况現奉
憲令以地方孝子順孫義夫節婦下訪本縣敢不從

實舉行業經出示申諭外茲立印冊着各里鄉約木
鐸將該里果有孝順節義齒德兼優及梗化敗類者
每遇朔望憑公填報以便申請懲勸勿以內舉避親
勿以外舉避嫌至若流寓人民或來自附邑或至自
遠方尤當詳察開造分別去留或本籍居民有挈家
逃避者務令十家互結不得輕去其鄉倘徇庇容隱
一有發覺株累非輕事關風化人心本縣不憚三令
五申爾等其各陳所見毋蹈不實之咎

莊浪志略卷十一

物產

天有時地有利而物產興民生食用於是乎賴不獨魚
鹽稻蟹金錫竹箭之區方物稱盛也莊地雖無桑麻
魚鹽之利然土厚水深猶有邠岐餘俗司市納賈以
觀民之所好惡豈無物土之宜可以布利乎志物產

穀屬

黍 亦黑二種別名秫北稷者為黍不黏者謂稷
麥 西北麥晝花薄皮多麵食宜人陳者更良三種一
大麥熟最早罕植一冬麥秋種夏熟一春麥可久貯

莊浪志略

卷十一 物產

梁 有各色俗謂穀脫殼則為
菽 甜苦二種民間供常食
豌豆 廣群芳譜種出西
油麥 燕麥

青稞 罕植

大豆 爾雅疏或菽大豆也

扁豆 胡麻 可作油

蔬屬

芹 菠薐 名赤根東坡詩北方苦寒今未
黃芽菜 萬苣 莖如筍俗
蒜 菹 或圓或長
芥 菹 萹 或圓或長
蘿蔔 廣群芳譜一名菹服其子入

葱 韭

白菜

藥一名紫花菘各處皆產西

北尤大狀分長圓
色有紅白二種

犀藍 南方謂芥然其根之大
可醃食則異殆各種

葫瓜 王瓜 王瓜 瓜生 二月

西瓜 實黃色者勝

秦椒 以產秦地故名

菓屬

桃 李子 各色 林檎 山桃

杏 梨 數種秋 櫻桃 山檀 俗呼山

棗 蘋婆 菓 查夾楠 有詩云是物出燕貴雕盤獨

名空得唐梯摘易為乍隨籠壓騎還想雨依枝淡白
腮輕奈勻紅頰肯梨數頭堪釘座連蒂落提携齒冷

莊浪志略

卷十一 物產

二

木屬

臨工 叩謁香凝下 蔡迷枕 幽閉 逆鼻 瑶席 嗅夫 頤 墜地
誰工 寫傾 崖肯 見遺 靈根 吳客 少風 味細 娘夫 頤 墜地
宜添 譜采 蘭曾 賞詞 玉 沙菓 紅 即 花 椒
惚春 婪裡 羸得 太想 思

榆 白者 柳 葉倒垂者 松 柏 紫荊

沙菓 檉 河柳 椿 芽香者 櫟 梓

檀 楸 槐 楊 樞 栲 山榆

核桃 棧樸

藥屬

甘草 大黃 麻黃 苦參 知母

豐里近隆德地寒而瘠宜春麥不宜冬麥利在春社前
後此外產蕎蕎燕麥

廣里接通渭秦安地煖而饒宜冬麥不宜春麥秋在秋
社前後此外間種黃豆穀糜

廟懷樂安四里地與靜寧相錯冬春二麥隨宜種植若
穀若稷則有數種山坡小種川原大種播穀當在穀
雨植稷當在小滿太早則慮春霜太遲又患秋霜矣
昔年夏至後收穫小麥今則小暑方熟蕎則因收麥
時隨地佈種入伏則無及以上皆舊志

莊浪志略卷十二

學校

古者家有塾党有庠州有序國有學蓋無在非學之地
學之人也况自秦漢分郡縣歷代相承建學明倫鉅
典不更煌煌乎母謂莊邑鳳翽鴻儀不如他州縣之
或司牧之吏有志之士周思鼓舞振興相與鼓吹休
明於

成世也志學校

學宮在縣治東按舊志原在城西南即舊縣治址明正

莊浪志略

卷十二學校

德辛巳六年六房災知縣劉潮扭於浮議遷學宮於
縣址遷縣治於學地嘉靖三十三年張國賓改為之
國朝順治九年知縣董朱衮修雍正九年知縣胡賡昌重

修各有碑記

文廟正殿安設

至聖先師孔子神位正中南向

殿廡

大成殿

五間嘉靖年間知縣張國賓修建
年王令鍾鳴以廟無泮池又櫺星門外地促
遂與諸生賈萬鎰石補天購附近地修廣各
二丈五尺式廓增焉

東西廡 各五門

櫺星門 三間

戟門 三間

啟聖祠 三間

名宦祠 三間

鄉賢祠 三間

忠義祠 三間 雍正九年知縣

明倫堂

省牲所 一門

文昌宮 前三間後閣三間

有神像 高歷四十二年署

魁星樓

舊在東城上 乾隆三十四年縣令卽陸因

祭器

銅爵 一百四十七隻

簠 一百六十四件

簋 一百六十四件

豆 五百八十六件

銅罇 三箇

蠶燈 一對

牲俎 二十件

樂器

莊浪志略

卷十二 學校

二

麾 二竿 琴 八張 瑟 二張 楹鼓 一架 編鐘 十六口

編磬 十六 搏拊 二箇 祝 敔 鳳簫 二管 笙 四管

塤 二箇 篪 二箇 洞簫 二管 龍笛 旌節 二杆 干 十六件

羽籥 各十六件 戚 十六件

八學額數

歲試文武生各八名 向止五名

科試文生八名

廩膳生員定額十八名

順治四年定三年出貢一名

向例二十名 乾隆二年定例 歲貢花紅旗匾二兩五錢五分 在於 司庫請領

增廣生員定額十八名

廩膳銀共四十四兩八錢八厘零過閏加銀八錢九分五厘零

過

覃恩文生加額

廩生出貢一名

一學宮貯書

聖諭廣訓一本

諭旨錄一本

莊浪志略

卷十二學校

歷代史記共五套

性理二部 每部五本

四書解義二部 每部二本

書經二部 每部二十四本

詩經二部 每部二十四本

春秋二部 每部二十四本

十三經 共十二套

明史全部 共三百三十二卷
計一百十二本

學政全書一本

科場條例二本

舊志竊惟

朝廷建官設邑有邑治必有學宮故邑治以今編民學宮以養秀士實相須以為理考莊學宮舊在城西北邑治舊在城東南明正德中知縣劉潮易地而並遷焉故今之學宮即古之邑治也厥後官不晉秩者欲之士子不與科名者亦欲之由是學宮从廢莫修泮池竟置不濬詎知秦繡多才而莊獨寥寥者豈不讀書力學之過抑堪輿風水之差耶但天下豈有學宮而無泮池况泮池為學宮最重乎詩曰思樂泮水在泮

莊浪志略

卷十二 學校

四

獻功以泮之芹藻增秀水之漣漪成文且又為獻功講武之地不洵可樂乎今莊雖最僻亦存鄒魯而其士復彬彬都雅不輟詩書吏茲土者致人文不或科名以斷不大羞耶卑職初來謁

廟見廟門之內鞠為茂草廟門之外積為奠土並不見有泮池也方疑人文不或科名久斷未必非此於是謀之庠博紳士咸欣然從而亦不敢勸輸諸紳士復不吝酌俸購地以考焉第伐石焚磚工費浩繁似非一時可立就也學宮之內有

先師廟有 啟聖祠有東西兩廡有名宦鄉賢祠又有
櫺星門戟門學宮之旁有明倫堂有敬一亭有書齋
有廣文教署又外有文昌閣俱兩傾圮今概議修議
建俟陸續敷峻幸觀厥成 知縣王鍾鳴

按舊志本縣從無學田懷安里民魏思思買劉明遠
民石他孩戶丁石朝等川地頃餘伊節年爭訟不息
思思退地要原價不還願舍價入為官田知縣程世
英曰用價以買田為田方用價也價不還主仍捏告
爭奪田價俱不得情法實不順遂申請兩院司府府

莊浪志略

卷十二 學校

五

准文為學田糧灑黎縣石朝因田無糧仍種以假不
歸將來侵隱遂不作為己業耶狡猾兼併之謀見矣
知縣魏東魯恐年以乾沒親詣田內令買主魏可大
指引丈量詳明四至招人耕種或納租寄倉或徵收
地課為士之篤學貧竅及婚喪不能舉者助之

明郡學傳上郡解古勒碑曰國家首重學校則設學
田以作興士類即周制亞庠養富善人也萬歷三十
年蒙學憲臧發銀壹百兩令置膏地以充學田誠恤
士或意第出納者率漁中以厲民遂延阻十數年尚

未克竟造夏公下車首亟注意於茲民地願入學田者即以原價給償足色足數倍增時值是以民樂輸沽争相投告不數月罄價值完膏沃川地若干頃嗣是民得價以樂生士得田以繼粟仰副督學撫育士庶公之德政恩澤當垂敷無窮矣闔學諸生王三宅等咸請刻石以敬厥事肆敬書碑端以識不朽云萬歷四十年知縣夏之則立碑

一計清出懷安里石朝學地壹頃貳拾畝東至程思遠買石他孩地畔各為界南至天河為界西至李僧奴

莊浪志略

卷十二學校

六

石他孩本身地各為界北至官路為界

一安阜坊九甲馬時學川地壹段陸畝陸分在縣東州地名樂正溝東至馬上乘地畔南至官路西至馬金童地畔北至北寺山為界每畝該租穀壹斗貳升伍合每年共租穀捌斗貳升伍合

一安阜坊九甲馬孟童川地壹段叁畝貳分在縣東川東至高崖南至馬監生地畔西至賈伯祥墳地北至官路為界每畝該租穀壹斗貳升伍合每年共租穀肆斗

一安阜坊七甲牛勒川地壹段叁畝貳分在縣西川東
至小河南至牛寅地畔西至夾道北至牛思禮地畔
每畝該租穀壹斗貳升伍合每年共租穀肆斗

一懷安里五甲王勇川地叁段貳拾陸畝捌分陸厘陸
毫在縣北川東至官路南至高虎兒地畔西至劉四
地畔北至石 己地畔為界每畝該租穀壹斗貳升
伍合每年共租穀叁石叁斗貳升陸合

一懷安十甲石三省川地壹段叁拾貳畝肆分玖厘在
縣北川南至趙守信地畔東西北俱至李興地畔為

莊浪志略

卷十二 學校

七

界每畝該租穀壹斗貳升伍合每年共租穀肆石柒
升柒合伍勺

一廟隆里七甲楊士花川地貳段貳拾畝在縣北川東
至楊守春席五兒地畔南至杜致仕楊樓鴻地畔西
至官路北至李監生常如意地畔為界每畝該租穀
壹斗貳升伍合每年共租穀貳石伍斗

一廣盛里五甲楊樓鸞川地貳段肆拾捌畝在縣北川
東至官路南至孫枝華地畔西至慈官路北至趙果
帖木地畔每畝該租穀壹斗貳升伍合每年共租穀

陸石

一李全地壹段東至陳廷玉地南至高山嶺西至蒲買
驢地畔北至天河水心每年該租穀壹拾石捌斗
蒙登科地壹段東至陳志學地畔南至深溝西至石
黑兒地畔北至高山嶺又縣東南川川地壹段東至
高蓋南至石顯玉地畔西至天河北至石顯玉墳地
又縣西川川地壹段東至官路南至石顯玉地畔西
至鄭本卜地畔北至蒙國聘地畔以上每年該租穀
叁石貳斗

莊浪志略

卷十二 學校

八

一王朝榮川地壹段東至田外兒地畔南至天河西至
王仕用地畔北至深溝又山地壹段東至關家岔水
溝南至王仕用地畔小路為界西至高山嶺北至楊
均才地畝以上每年該租穀叁石

莊浪志略卷十三

科舉

古未有科舉之設自漢唐始至宋而專重科目帖經之試然猶未盛行也明世設科取士首經義次表判論次策五道人材亦多出其中

國朝因之開科廣額文治愈光然而博學宏詞賢良方正又未嘗不兼採而並行士遭明盛拔茅連茹其孰不彈冠相慶乎志科舉

鄉舉

莊浪志略

卷十三 科舉

明 崔 旭 舉洪武間歷官戶部湖廣司主事

吳 泰 舉洪武間歷官涿州知州

李敏成 天敏甲子科漢中府教授芳之子隱居不仕

國朝

葉 芝 乾隆十七年壬申 恩科

朱元長 乾隆三十九年甲午科副榜

歲貢

尹貴德 官知府年代無考相傳為廟里尹家出人

賈伯愚 歷官四川按察僉事

楊麟 授山東臨清縣知縣

杜唐 授四川同州知縣

党泰 授直隸任邱縣主簿

王至中 授山西祁縣知縣

劉進 未仕

趙濬 授四川西川縣訓導

范寧 授四川成都府經歷

石鎮 授山西平遙縣主簿

郭宗 授四川崇慶府判官

莊浪志略 卷十三 科舉

党鑑 任四川江津縣主簿 郡志失載

郭宏 授山西平陽府照磨

馬健 授四川嘉定州訓導 見鄉賢

賈威 授四川建昌縣丞 郡志失載

賈武 授浙江長興縣主簿

劉安之 授寶慶府典寶

蒙睿 授山東按察經歷 陞東昌府通判 以子天佑
神武衛經歷 奏最 勅贈承德郎

賈朝翰 授山西代州同知 後除解州同知 陞直隸真
定府通判

程舉 授四川叙州知事

李載道 授湖廣常德府照磨

楊廷璽 授直隸通州判官

王道隆 授直隸無錫縣丞

楊廷璧 授雲南楚雄府經歷

王孟陽 授四川金堂知縣

杜良珉 授山西崞縣主簿

賈朝乾 武子授直隸蘄州府經歷

馮遇樂 徒子未仕

郭秉忠 宗子授直隸新成縣主簿

莊浪志略

卷十三 科舉

蒙天佑 庸子授神武衛經歷調陳州衛

蒙天德 庸子授山芮城縣縣丞

王紹先 授山西布政使校

于乾 嘉靖二十年貢

王紹宗 二十四年貢

王永祿 二十六年貢

楊瀾 廷璽子二十八年貢

李應元 三十年貢

牛潮 三十二年貢

劉士奇 三十四年貢

孫岩 三十六年貢

楊瀛 廷璽子三十八年貢

楊洲 廷璽子嘉靖 年貢

崔鳳 字鳴治嘉靖四十年貢

鄭從元 字體乾嘉靖四十二年任延安府保安縣教

馬負圖 字天祥四十五年貢任河南閩鄉縣縣丞轉

賀壽 由歲貢嘉靖年間任山西大同府經歷

宋永慶 嘉靖年貢任四川烏撒府經歷

莊浪志略

卷十三 科舉

党麒 嘉靖年貢任山西平陽府吉州同知

李第 應元子萬歷初年恩選任山西汾州府臨縣

党麟 萬歷年貢任山西平陽府通判

馮道明 萬歷年貢

李邦憲 萬歷年貢任鞏昌府禮縣訓導

李生陽 萬歷年貢

王一侯 永祿子八年貢任山西大同府訓導

杜孝 十年恩貢任山西潞安府長治縣縣丞提制

杜漸 良規子由歲貢任山東安東縣主簿

于躍淵 萬歷年貢 選授訓導

劉克勤 由歲貢勅授河南儀封縣主簿以治河有功

柳提芳 由歲貢授山西徐溝縣知縣

雷毓秀 由歲貢任山西清源縣主簿

賈宗閔 由歲貢任山東淄川縣縣丞

石懷珍 由歲貢任山東膠州判官

石鳳儀 鎮孫由歲貢任福建閩縣主簿

石鳳階 鎮孫由歲貢任山東高唐州判官

李大才 由歲貢任山西澤州府沁水縣縣丞

莊浪志略

卷十三 科舉

五

李世光 由歲貢山西岢嵐州判官陞山東沂水縣知

王應舉 由歲貢初任揚州府經歷陞山西靜樂縣知

席來善 由歲貢任鞏昌府隴西縣訓導陞蘭州衛教

馬時權 健曾孫負圓子由歲貢任蘄州嘉定縣縣丞

李生秀 由歲貢任江西吉安府永寧縣訓導

王三宅 由歲貢任江西廣信府弋陽縣訓導陞鞏昌

郭民爰 由歲貢任西安府咸寧縣訓導

程學思 由歲貢任鳳翔府扶風縣訓導陞西安府華

邵承恩 由歲貢任西安府武功縣訓導陞寧夏衛教

張汝蘊 萬歷四十二年歲貢任鳳翔府沂陽縣訓導

李如椅 四十五年歲貢任山西解州訓導陞鞏昌府秦安縣教諭

王誥 一侯子四十六年貢

孫枝榮 字發育可畏子四十八年歲貢任浙江常山縣訓導

王好智 誥子秦昌元年恩選

柳承厚 字憲宇提芳子授德安府訓導陞四川什邡縣知縣以子翹才貴贈奉政大夫

石奎光 鳳喙子任四川蒼溪縣訓導陞延安府神木縣教諭

崔允升 天啟元年恩貢授山西太原府河曲縣知縣

李芳 二年貢任鳳翔府麟遊縣訓導陞鳳翔縣教諭漢中府教授

莊浪志略 卷十三 科舉 六

石昂光 鳳喙子任四川順慶府營山縣訓導

郗忠 字盟陞承恩子崇正元年恩貢任四川武隆縣知縣

石辰光 字斐北鳳喙子七年貢

趙聯第 字提南九年貢康熙三年授江西鉛山縣縣丞

柳翹才 號東明承厚子九年恩選順治三年授慶陽府安化縣訓導陞福建寧洋縣知縣擢江南蘇州府清軍水利同知著有七才子傳奇

張愈明 字堪字十三年貢

程奇英 字天毓十五年歲貢

李興讓 字藍謙第子極淹博十一年貢考授縣丞

劉 瑤 字璽圖克勒子順治二年恩貢授江南無為州同知

李自成 字汝隆順治二年恩貢初任臨洮府執道縣訓導陞延府府宜君縣教諭洮州衛教授歷陞江南徐州衛經歷以年老休致

李憲章 字景周順治四年貢任西安府咸寧縣訓導卒於官

趙賞爵 字馭貴順治四年歲貢

杜毓滑 字鍾隸順治六年恩貢

郜藩周 字奠南忠之子順治八年歲貢初任鳳翔府隴州訓導陞西安府咸陽縣教諭奉裁補隴州學正見人傑

李三讓 字伯謙應元孫順治六年貢舉孝行初任西安府韓城縣訓導陞同州學正告休

莊浪志略 卷十三 科舉 七

孫毓秀 字含真順治八年恩貢考州同職未仕

楊封侯 字思謫順治九年拔貢考通判職卒於京

王昌祚 字鼎新順治十一年歲貢 即應舉公子

柳英才 字御樹承厚子翹才弟極孝友順治十一年拔貢考縣丞職

宗時髦 字碩彥永慶曾孫順治十二年歲貢

張 養 字含粹順治十四年貢

賀上進 字魁舉壽曾孫順治十六年歲貢

席館舜 字尊賢順治十八年歲貢靈州訓導

王基鞏 字寧宇好智子順治十八年恩貢考縣丞職 見人傑

莊浪志略

卷十三 科舉

杜昌楷 孝曾孫康熙三年歲貢階州文縣訓導

柳奎杓 魁才長子康熙十一年拔貢四川南充縣知縣

楊嘉謀 康熙二十九年歲貢耀州訓導

李任楫 年分無考

杜唐俊 昌楷長子康熙三十一年貢

李士毅 康熙三十三年恩貢富平訓導

王嗣魯 康熙三十三年歲貢任安塞縣訓導

石毓峒 康熙三十五年歲貢任慶陽府環縣訓導

柳斗杓 魁才仲子康熙三十七年恩貢

崔重達 康熙三十七年歲貢

柳張杓 魁才季子康熙四十年恩貢

劉國英 康熙四十年歲貢富平縣訓導

郭造唐 康熙四十三年歲貢漢中府城固縣訓導

劉以董 康熙四十五年漢中府羊縣訓導

賈公璧 康熙四十七年恩貢

李仁美 康熙四十七年歲貢

王掄士 康熙四十九年歲貢

杜唐吉 昌楷次子康熙五十一年歲貢

李光宗 康熙五十年貢

尹思舜 拔貢年分縣考

賈連璧 康熙五十年歲貢

張意廣 康熙五十年歲貢

賈曰琚 康熙五十年歲貢

崔攀桂 康熙六十一年恩貢麟遊訓導

崔體尊 康熙六十一年府獲城縣訓導鄉飲大賓

王國臣 雍正二年歲貢任乾州訓導

柳附息 雍正四年歲貢任扶風縣訓導

郭圖宏 雍正六年歲貢

石琳 雍正八年歲貢任同州府學訓導陞教授

石朝瑜 雍正十年歲貢選延川縣訓導未之官

李本緒 雍正十二年歲貢同州府訓導

李仙枝 乾隆元年恩貢

張志廣 乾隆元年歲貢

楊國樸 乾隆三年歲貢兩當縣訓導

柳峻生 乾隆五年貢翹才孫乾

葉芝 乾隆七年歲貢

莊浪志略

卷十三 科舉

孫克治 乾隆九年歲貢

王業永 乾隆十一年歲貢任
鄜州中郿縣訓導

賈良知 乾隆十三年歲貢

李繼長 乾隆十五年授三原縣訓導不就 恩貢選

孫賦強 乾隆十五年訓貢

李本濂 乾隆十七年恩貢

李 葵 乾隆十七年歲貢

程遷善 乾隆十九年歲貢

李 珮 乾隆二十一年歲貢
任直隸綏德州未脂縣訓導

莊浪志略

卷十三 科舉

張漢鼎 乾隆二十三年歲貢

柳世斌 奎杓孫乾隆二十五年歲貢
任西安府渭南縣訓導

王帝裕 乾隆二十七年恩貢

王 紳 乾隆二十七年歲貢

李本模 乾隆二十九年歲貢任
漢中府西鄉縣訓導

蔡襲公 乾隆三十一年歲貢

程繼統 乾隆三十三年歲貢

李維藩 乾隆三十五年歲貢

李國範 乾隆三十七年恩貢

李朝鳳 乾隆七年歲貢

王甲元 乾隆九年歲貢

程企遠 乾隆十一年歲貢

柴樹翰 乾隆十四年歲貢

李永新 乾隆十四年歲貢

牛安麟 乾隆十五年歲貢

席顯偉 乾隆十七年歲貢

陳國瑞 乾隆十九年歲貢

党修文 乾隆二十一年歲貢

莊浪志略

卷十三科舉

郜愈新 乾隆二十一年歲貢

鄭尚德 乾隆二十三年歲貢

牛克峽 乾隆二十五年歲貢

崔懷珠 乾隆二十五年歲貢

即應舉公六世孫

莊浪志略卷十三

武科

莊浪武科之虛由來久矣。豈名列庠序者概不足以擬科第乎？良由土瘠民貧，資斧維艱，兼之發軔無人，觀法罔自良，可慨也。茲於乾隆己酉科，獲雋者一人，可為我莊科第蟬聯之始。基矣！官斯土者，憐才栽培，加意作興，庶泮林之俊乂皆可作

成世之干城也。志武科

武舉

莊浪志略

卷十三 科舉

十三

國朝

王維翰

乾隆五十四年己酉科

莊浪志略卷十三

武弁

自文武分科以來策射之選率皆干城之寄矣然亦有
一鎗著勇壯百二之重關三箭興歌作長城於萬里
以行伍起家而立功於閩外者

聖朝用人原不以資格限也莊雖小邑乎然十夫長百夫
長邀一命之榮者亦不乏人也志武弁

國朝

潘富貴 由本營額外委陞通渭
經制外委

莊浪志略

卷十三科舉

閔世榮 本營額外外委

史掾

孫可畏

岩之子萬歷元年授太醫院目

杜愛周

孝之子萬歷二十年授太醫院目

舊志史掾自漢尚矣故有從起豐沛轉漕關中如蕭鬱

侯者有身為縣令尚德緩刑如溫舒者有始典魯獄

位至丞相如丙吉者更有起自郡縣功曹而或傳易

學或讀書五行俱下如袁安應奉者是皆表表史冊

由唐而宋而元而明亦多著聲仕籍我

朝三途並用人才迭出幕郎而登琴署外佐而擢內曹


莊浪志略

卷十三 科舉

十四

人莫不相歡而樂為用若孫與杜亦一代之俊也故

並誌之 知縣王鍾鳴



莊浪志略卷十四

職官

守令親民之官也而令與民尤親賢則民受其福否則
民罹其災為保障為繭絲責綦重焉顧斯民也任斯
職也可尸位而素餐與志職官

知縣

高成 洪武三十一年任 修建城隍廟

顧佐 河南太康人 進士 事詳名宦

于子蹇 永樂年任

莊浪志畧

卷十四 職官

馬憲 河南祥符縣舉人 事詳名宦

楊晟 山西絳州監生 弘治間任

嚴玘 河南鄭州舉人 正德元年陞原知州

李尚 河南嵩縣舉人 正德間任 調藍田

何濬 四川栢縣舉人

劉潮 直隸蠡縣舉人

李錦 山海衛人 監生 嘉靖間任

張瑜 錦衣衛人 官生 嘉靖間任

郝文粹 山西霍州人 十六年任



高 珽 山西霍州人監生十九年任

馬 瓚 萬全左衛人監生二十年任

喬 琮 山西霍州人監生二十二年任

杜應貞 山西高唐州舉人二十五年任

王朝宗 山東蒲臺縣人監生二十八年任

閻 儀 萬全衛人監生三十一年任

張國賓 山東福山縣人監生三十三年任修建季宮
直隸定州人三十九年任 以上皆府舊志

王宗政 山東茌平人嘉靖四十二年任

任 才 山東茌平人嘉靖四十二年任

莊浪志畧

卷十四 職官

竇 文 萬全都司龍門衛人嘉靖四十四年任美政
多端始纂邑邑

程世英 山東魚臺人舉人隆慶二年任修南門城樓
不畏強禦保釐善類

李存智 山東萊蕪人歲貢萬歷元年任歷簿丞陞令
政事

陳鳳岐 山西寧鄉人歲貢萬歷三年任

衛東魯 河南葉縣人歲貢萬歷五年任憫念殘疲苗
心撫字士庶感之續修邑邑德政見碑記

李 藹 河南滎澤人恩貢萬歷九年任苗心荒政極
力申請賑濟修建遊龍山玄帝殿閣

商思孝 北直冀州人遠貢萬歷十一年任禁草積獎
百姓傾服

王執中 山西寧州人選貢萬歷十三年秋任禁草積
獎百姓悅服有德政碑

陳堯訓 湖廣武陵人舉人萬歷十五年春任禁草積
獎能省冗費

趙汝思 山西岳陽人選貢萬歷十七年秋任甲議減

焦道光 直隸平鄉人選貢萬歷二十年秋任二十三年

御下鞭朴不酷吏民亦不忍欺諸凡俱節約就理四封

招逃墾荒釐完豪強齊良佐等藉投即蕃侵民田

數十頃捐俸創修內宅樓房廂房書房十數楹又

修丙廩造廣文齋宅並創建西獄廟蒞政三載值

寧變運餉赴勤王師百萬繼而北蔡南寇士民俱

先乃設方畧計捍衛對裏兩城門備五火器五百

火礮銃子稱之每架口置箭牌防禦器械俱周匝

人心始安去日百姓扶老携幼無遠邇避茵不忍

金瑋 北直藁強人萬歷年任

慈使象 北直藁強人萬歷年任

徐應元 山西渾源人由鄉舉萬歷年任

李鎧 直隸鄆縣人萬歷二十四年任

王士魁 山西解州人由鄉舉萬歷二十六年任循良

魏士魁 誠信莊民至今思之

夏之則 江南長州人萬歷三十五年任蒞官六載廉

蘇繼東 四川青州所人萬歷四十二年任

張受善 山西太平人萬歷四十五年任

閻守禮 山西龍門衛人萬曆四十七年任

燕繼祉 河南魯山人萬曆四十八年任文孝吏治遠

近稱之

鍾鳳韶 河南真陽人天啟六年任

莊浪志畧

卷十四 職官

張聖化 河南汝陽人 崇禎元年任 修建北門樓 多惠

彭乾 四川永川人 由鄉舉 崇禎四年任 五年四月

學博 李應所 邑尉 李應法 相與謀 捍禦 有守 城紀

曹應鏞 山東安丘人 崇禎七年任 時年八十 有四 甚

李日綦 順天密雲人 崇禎十年任

文先國 湖廣荊門州人 舉人 崇禎十二年任 有才德 十

張內恬 北直隸永平府樂亭人 歲貢 順治二年任

秦之銓 字象州 山西汾州府陵川人 順治三年進士

董朱象 字繡章 山東濟南府青城人 順治六年進士

直隸府屬 極有才力 以艱歸 事詳在宦

糧三百二十九石 始科戶口 鹽

十三年陞戶部陝西司主事

盧乾亨 字柱公 福建汀州府永定人 有才 李崇正 己

告休 致 存 自 始 編 設 各 戶 供 役 縣

王冷 字心澤 直隸真定府平山人 歲貢 順治十四

王懋枝 字璿一 浙江台州府仙居人 恩貢 順治十五

王鍾鳴 字侯書 號鼎菴 福建泉州府南安 藉 惠安人

治學 泮 濬 水道 五年 舉人 康熙二年 秋八月 任 三年 修

成邑 志 修 建 土地 神祠 文昌 宮 開 砌 水 閘 水道 建

莊浪志畧 卷十四 職官

內奎聚樓預備倉六房 閩廟樂樓牌坊並請賑
蠲項丈豁糧五十一石 闔邑士民立有德政碑記

二又作亭于南城外
王公玉帶堤碑上

朱

張 康熙十五年任

戴時顯 十六年署任候補通判

汪 榮 十七年署任

王之鯨 靜寧州知州
十七年署任

李 十八年署任

傅登瀛 十九年任

莊浪志畧 卷十四 職官

劉晉祥 二十一年署任
靜寧州州判

石 二十一年任

陳 二十四年署任

劉之源 二十五年任

董榮光 二十八年署任

章 琬 會稽人 二十九年任

吳朝遊 三十二年署任

李 三十八年署任

閻士魁 榆次縣人 四十年任

喻大常 世襲四十二年任

王家正 四十九年任

邱嗣興 正白旗漢軍四十九年任陞階州知州

吳周楨 福建晉江縣人由歲貢隆德縣知縣康熙五十四年署任五十七年地震詳請恤在任六

年因縣印即公帶赴軍營一切文移皆用隆德縣印

胡賡昌 浙江山陰縣人由副榜五十九年任遇旱以

震多坍塌曾捐俸修建

祝壽名 榜姓戴浙江海寧縣人進士雍正二年任陞莊浪廳

汪自重 湖廣江夏人由歲貢五年任

莊浪志畧

卷十四 職官

王熙泰 正白旗漢軍舉人八年任

黃松 四川嘉定府榮縣人舉人乾隆元年任修建倉廩

郭德光 榜姓蔡福建晉江縣人庚子舉人七年任

張健羽 陝西潼關縣人由拔貢十年任

姚序美 廣東潮陽縣進士十一年任修養濟院

宋維孜 正黃旗漢軍舉人十五年任修建大堂

何廷楠 廣東連平州進士十六年任建五萬壽宮義學

鄭殿捷 福建福州府福清縣舉人由歲貢隆德縣知縣康熙五十七年任

邵陸 浙江寧波府鄞縣舉人二十二年任二十四年歲旱荒請賑恤並請截陝糧五千石以濟

之二十五年軍需息

年穀登告養回藉

德成額 鑲白旗滿州德敏佐領

趙承謨 直隸安州舉人二十六年署任

任政治嚴明豪強歛跡

吳冠賢 山西太原府太谷縣

邵 陸 三十三年仍補原任三十七年承修城垣

新築南甕城改門向東三十七年推陞四川

宋學淳 鑲紅旗漢軍庚午舉人

盧秉彝 順天府涿州舉人

詹耀璘 廣東潮州府饒平縣舉人

莊浪志畧 卷十四 職官

楊士模 江蘇吳縣舉人四月署任

麻 宸 順天府昌平州廩貢生

四十二年奉

旨改平涼府涇州為直隸涇州而以鎮遠靈臺崇信屬焉

亦改莊浪為分駐縣丞而季校仍然田賦仍然是改
設之後官守之責同一民社之寄况撫疲理難謀茲
土者豈無一二治術之可觀能任其缺略乎受誌以
緒職官之典

縣丞

閔 焜 奉天吉林吏員由雲南蒙化府

孔廣枚 山東兗州府曲阜縣監生四庫館

魏翼 直隸趙州栢鄉縣州同知寧夏府鹽補通判後借補

平羅縣分駐寶豐縣丞于四十五年十一月

李華國 四川成都府成都縣

耿光文 江蘇鎮江府丹徒縣寄籍順天府宛平縣秀

內庭才畧 館瞻錄攷取一等議叙銓選平番縣西大通縣丞

調補平涼府莊浪縣一等議叙銓選平番縣西大通縣丞

年益茶送回作亂勾通底店送回距莊浪平川四十

里逼近莊城五月賊氛剽掠境內土廣守城戒嚴賊

以為有備未至城下平定後捐俸修建

萬壽宮使士民咸知 君恩深厚復捐建宣講

聖諭亭及捐修義學化導士民查辦學田歸入義學以為膏

火之資至于各壇廟無不補修五十年署合水縣事

回任後捐俸開修車路與隆靜相通以利行人

莊浪志畧

卷十四 職官

典史

馬 直隸涿州人

陸 璠 蘇州人 成化年任

張 進 山西人

張 祿 河南汲縣舉人 正德未授寶鷄縣知縣 陞霸州知州 遷南康府同知 宸濠叛城陷 謫莊浪縣典史

蔣 政

陸 廷玉

王國憲 四川人

杜 梅 四川合州人

莊浪志畧

卷十四 職官

李 榮 河南確山人

楊 經 山西屯留人

李時泰 直隸趙州人

李 昂 河南永寧縣人

鄒景明 直隸保定府新城人 嘉靖四十四年任

蘭茂翠 四川安岳人

衛志爵 河南宜陽人 隆慶三年任

張繼祖 山東高苑人 萬歷六年任

藍守本 山西霍州人

唐虞民 萬曆十三年任

王師曾 浙江人

楊景 湖廣鍾祥人

夏繼朗 萬曆二十年任

任得興 河南開鄉人

潘應龍 福建福清人 萬曆二十六年任

田向陽 山西太平人

趙色 山東壽光人

劉正化 江西南豐人 天啟二年任

莊浪志畧

卷十四 職官

吳弘允 江南虹縣人

許國貞 遼陽衛人

孟敢獻 河南輝縣人

李應法 北直順德府邢臺人 流寇攻城 率眾力禦 頗有才能 有碑記

國朝

楊正紀 山西大同人

徐成 直隸天津衛人

徐鼎昌 浙江會稽人 陞廣 東廉州府巡檢

新光文 湖廣襄陽人 順治十五年十一月任 十八年四月以艱歸

陳國棟 浙江紹興府山陰人 康熙元年十二月任

俞國柱 浙江紹興府山陰人 康熙八年四月任

李應榮 十八年任

沈恭 二十四年任

穆花 二十九年任

左持衡 三十八年任

朱尚文 浙江紹興府山陰人 四十七年任

陳斯年 湖廣夔州人 雍正四年任

章席珍 順天武清縣人 七年任

莊浪志畧 卷十四 職官

湯銘 湖廣漢川縣人 乾隆三年任

王吉士 順天大興縣人 十四年任

張宗聖 山東城縣人 十年任 告休回籍

黃玉衡 順天大興縣人 二十二年任

吳正榜 四川順慶府岳池縣吏員 三十七年三月任

茹玉成 浙江紹興府山陰縣人 由禮部儒士 三十七年十月任 後皆本縣知縣 兼攝至四十二年 裁革

教諭

滕志 北直隸人

李思寬 山東曲阜縣人正德間任

侯濤 山西榆次縣人嘉靖十四年任

彭源 直隸清豐縣人十六年任

尹任 四川巴縣人二十年任

王素 山西黎城縣人二十五年任

崔林 山西臨汾縣人二十七年任

任憲 山西沁州人二十八年任

莊浪志畧

卷十四 職官

郭體仁 山西榆社縣人三十年任

郭學禮 直隸永年人嘉靖四十一年任

蘇九疇 直隸博野人嘉靖四十五年任

宋應昌 山西運司人舉人隆慶二年任陞山東齊東縣知縣

王璽 四川安岳人隆慶五年任

談伏畿 四川人萬歷年任

王明 榆林人萬歷五年任 勤教陞靖虜衛教授

王邦彥 西安府淳化人萬曆七年任

張棟 臨洮府渭元人萬曆十年任

李時茂 漢中府沔縣人

張應科 鳳翔府沔縣人
萬曆十三年任

李春芳 漢中府洋縣人

高夢許 萬曆十六年任

解古謨 延安府膚施人

楊道芳 萬曆二十年任

李如相 鞏昌府秦安人

原二桂 萬曆二十五年任

王珠 西安府高陵人

莊浪志略

卷十四 職官

王性宜 萬曆二十八年任

王國士 西安府商南人

羅製 延安府宜川人

張志德 西安府興平人 品行甚高
勤于課士 允為一時師表

楊時暢 鞏昌府隴西人

徐升高 慶陽府寧州人 傳經有法
問字宜人 洵堪師表

楊登麒 陝西行都司肅州人

李應所 山西猗氏人 值流寇攻
城 贊畫彭公極有胆畧

高以謹 興安州洵陽人 以學博署陸德平涼二
邑印務時寇氛未靖到處有捍禦功

秦國士 瑛中府沔縣人

郝大賓 西安府華陰人

侯化龍 西安府同官人

國朝順治初年未有學官仍委署為官故不載乃從蘭佛

叙起

蘭 偉 鞏昌府漳縣人順治七年任見學宮頽圮教
然為元任多方措置重建有碑記

王作霖 西安府咸寧人

劉維運 延安府中鄙人順治十四年五月
任十五年五月陞涼州衛教授

呂奏夏 西安府興平人舉人順治十六年冬任康熙
三年四月奉裁五年陞補秦州學正後此教

莊浪志畧

卷十四 職官

十四

諭裁 草

訓導

晁大經

張用勤 成化間任

張通 四川巴縣人

陳順體 四川人 陞王府教授

王綬 四川人 嘉靖元年任 陞鳳翔府教授

陳永祥 四川西充縣人

蔡富 河南澄州人

李大廉 河南人 陞渭南縣教諭

莊浪志畧

卷十四 職官

馮士儒 四川閬中人 十年任

申天佑 山西朔州人 十八年任

彭潔 直隸清豐縣人 嘉靖二十三年任 源弟

張朝臣 山西絳州人 陞寧州學正 二十七年

馮大武 四川定遠縣人 三十七年任

王會 山西運司人 隆慶二年任

閔師德 山西祁縣人 萬曆五年任 作歌訓士 捐俸助公

南應吉 陝西靖虜衛人 萬曆六年任

王璿 山西忻州人 萬曆七年任 嗜學勤教 淡薄自安

張邦佐 鞏昌府泰安人
辛調鼎 鳳翔府汧陽人

辛儒 萬曆七年任

武統 寧夏靈州衛人
二十七年任

馬惟順 興安州人
萬曆二十八年任
卒于官

路學禮 西安府澄城人

侯翰補 西安府淳化人
後此訓導裁革

國朝康熙三年以邑小議裁教諭始復訓導

盧必培 延安府清澗人
歲貢
康熙四年秋任

莊浪志畧

卷十四 職官

段佩璣 陝西三原縣人
三十年任

朱翰 鞏昌府漳縣人
五十一年任

寇沃心 陝西同官縣人
五十九年任

劉宗武 陝西同官縣人
六十一年任

景昭 陝西渭南縣人
雍正五年任

李大喻 西安府三原縣人
六年任

王增瑞 鞏昌府通渭縣人
九年任

任汝鄰 清水縣人
乾隆元年任

劉志陞 慶陽府寧州人
二年任

康永泰 陝西商州山陽縣人十三年任

伍 惠 鞏昌府隴西人十九年任

石純音 蘭州府鞏蘭縣人捐貢三十五年署任
後于四十年復由寧州訓導署此任

王遐齡 鞏昌府隴西縣人歲貢
三十六年三月任

馬 魯 靜寧州學正三十
九年十月署任

張汝愚 陝西三原縣歲貢
四十年任

四十二年改設鄉學訓導

王作人 漢中府沔縣歲貢
四十三年五月任

張爾苞 陝西同州府朝邑縣人同原州
訓導四十八年六月署任

莊浪志畧

卷十四 職官

劉臨椿 興安府平利縣捐貢四十八年任四十九年
鹽茶送回作孔勾通底店通近莊城贊襄守城

祁耀祖 商州商南縣人歲貢
五十一年署任

魏時夏 蘭州府金縣人歲貢
五十一年任

新設莊浪營

把總

白天福 平涼府固原州人
五十年二月任

莊浪志略

卷十四 武職

新設莊浪營

經制外委

黃	揚
俊	大
五	治
十	五
三	十
年	年
九	七
月	月
任	任
人	人

莊浪志略

卷十四武職

新設莊浪營

額外交委

潘富貴

本縣人五十
年拔補

閔世榮

本縣人五十
年拔補

莊浪志略

卷十四 武職

城鎮戎尋棄之咸平中再請遂命繼和知鎮戎軍張
齊賢梁灝為經畧訪邊事于繼和上言鎮戎軍為涇
原環慶涇儀秦北面屏蔽當回鶻西涼六番諸族之
路誠用步騎五千守之涇原渭州有急會此併力戰
守則賊不敢越而邊民熟戶俱安堵矣莊在宋時始
鎮戎軍亦屬德順軍不如他
屬已分立為縣故引入之

曹瑋字寶臣靈壽人彬之子同知渭州時年十九治
軍嚴明賞罰立決知鎮戎軍以軍據平地便于騎戰
非中國之利請自隴山以東稍古長城塹以為限又

莊浪志畧

卷十四 名宦

以弓箭手皆土人習障塞蹊隨曉羌語耐寒苦官未
嘗與兵械資糧而每戰輒使先拒賊恐無以膏死力
遂給以境內閒田春秋耕歛而蠲其租通志即縣譜
邊寨金為通邊縣又分為水洛縣金史通邊縣本舊
寨故之宋史德順鎮戎兩軍下並無通邊寨名止
有靜邊些兩處分見又鎮戎軍下詳載靜邊寨四至
據載南至威戎堡三十里北至隆德寨五十里按今
莊浪地界威戎在西南水洛在東南隆德在北雖道
里稍差而南北不差其為莊浪縣舊治無疑

張綸字公信潁州汝陰人知渭州徙鎮戎軍仁恕有才
畧所至興利除害後歷知秦州

鄭戩字天休吳縣人為陝西四路都統管駐涇州初靜

邊砦主劉滄謀築水洛結公二城以通秦渭援兵扼
生羗大王族為邊衛戡使著作郎董士廉督其役會
戡罷尹洙以為不便召罷役歸戡力爭于朝卒城之
劉滄字子濬保塞人康定中為渭州瓦亭砦監押擊破
黨酋等族獲牛馬萬計時任福敗邊城盡閉居民畜
產皆為賊掠滄獨開門納之全活甚眾西南有水洛
城川平土沃又有水輪銀銅之樂環城數萬帳漢民
遁逃者歸之教以百工商賈自成完國滄進城章川
收善田數百頃以益屯兵密使人說城主鐸斯那令

內州會鄭戡行邊滄遂致鐸斯那族長以水洛城來
歸戡令滄將兵受之驅其眾入麾下以通秦渭之路
遷內殿崇班戡又遣董士廉率兵助築城會戡罷涇
原帥以為不便令罷築滄不從上遣使往視以滄權
水洛城砦主城成尋復內殿崇班滄卒番漢酋莽水
洛建祠立碑記事經畧言熟戶蕃官願得滄子弟主
其城乃以其弟濬監水洛城兵馬後賜廟額曰忠勇
贈忠烈侯水洛今靜寧州地宋時本屬德順軍甘肅
通志即縣譜內金時為通邊分縣故入之
王素字保儀太尉旦季子知渭州治平初夏人犯靜邊

皆復以瑞明殿學士知瑯州三鎮涇原番夷故老皆
歡迎夏人解去

明顧佐河南太康人建文二年進士知莊浪縣事廉能
有惠政民頌其德守將初以佐為不嫻武藝易之端
陽聚射佐持弓矢連發三中守將奇之尋擢侍御史
歷左都御史剛正執法吏民畏服比之包孝肅云

彭乾四川重慶府永川縣舉人崇正五年蒞任莊課農
桑勤教化備器械選材勇謀食謀守身親督率俄而
流寇李自成遣將來攻乾固結人心偕學博李應所

莊浪志畧

卷十五 名宦

四

縣尉李應法捍禦四月二日賊眾捲地而來攻圍一
晝夜乾隨機應變寇不敢近乘其怠突擊之賊敗去
乾料賊必再至益守備令婦女負石掘土以供填擊
之用復請總兵曹文詔駐木頭溝以禦之二十日賊
果悉眾至鎮兵邀擊之城由是得保五月以勞卒百
姓如喪考妣惜其時不及以其狀聞民相與塑像于
關帝廟側奉丞嘗報功德今己丑夏新建
三公祠成將令士民遷其像于舊祠亦庶昭以死勤事

之報云

國朝秦之銓字象州山西汾州府陵川縣人登順治三年
丙戌科進士甫下車即詢問間民疾苦秉直不屈修
廢墜釐剔弊奸靡勿稱職修學宮葺城垣捐建署樓
三楹中豁里下逋賦民賴以寧時過靜寧州州牧以
為屬員也視之倨慢狎侮積憤不平遂具文比例隆
德請隸諸府自是官不受州官之節制民不受州民
之擾累甚矣銓之材優識卓利賴無窮也七年以艱
歸去官之日囊無寸縑士民愛而怜之者爭相助貲
乃得還康熙七年知縣王鍾鳴廉得其實據學生節

莊浪志畧

卷十五 名宦

五

繼同等呈以上時郡守程公憲 學使呂公和鍾
撫軍劉公斗核實加看准入名宦

葉映樞字炳霞江南上海人康熙十八年督學陝西陞
湖廣督糧道值夏包子亂以身殉難事

聞贈少司空

賜謚忠節雍正二年奉文入祠初公之試筆也面諭多士
曰學者必躬行實踐明侉達用方不愧秀才二字計
礼部貢士歲不下二百人而通者不過數輩區區精
訓詁工帖括末也國家美賴焉遺語煌煌此上邦任

君傳之邑孝廉葉君芝而葉君又為陸傳之者也嗚呼臨難不苟松柏之操當公視學訓諸生時其志固已大定矣非志士仁人讀書明大義其能言行相顧如是乎若原詳所云忠孝傳家文章冠世開絳紗于涇北士沐甄陶埋碧血于荆南心堅金石綿亾化雨起衰推吏部之文烈亾英風殉節奮常山之舌炳千秋而定論合兩地以謳忠蓋其生平大畧也其詳自載諸楚秦通志矣故不載 陸按歷朝官師若嚴君玘張君國賓賈君文衡君東魯夏君之則董君朱袞豈

無政蹟流傳而崇祀名宦公舉者止顧公佐秦公之鉉私祀者彭公乾與葉公而四為甚矣大興不可倖邀公道自然不沒也否則阿私所好物議轉滋惟朱邑有言與其使家之人祀我不如使桐鄉之人祀我而桐鄉人亦卒相與祀之嗚呼可謂賢矣

莊浪志畧卷十六

鄉賢

士君子建功立業尚義敦倫果然行誼卓卓舉世聞其名尚想見其人况鄉黨耳濡目染有不爭相慕效乎此崇祀鄉賢所由與名宦並列贊宮左右也莊雖僻隅間氣所鍾猶有實至名貴傳之不朽者僅登一二非徒以表潛德亦聊以樹先聲云老鄉賢

明馬健字體元家貧苦學言寡行篤早失怙恃事兄如父動遵禮制鄉鄰化之兩任四川訓導勤懇教士歸

莊浪志畧

卷十六 鄉賢

一

老岩穴晚節尤謹年七十三卒前令實公文曰文作邑老爰致鄉賢諸生以馬健應既又詢之眾僉謂健天性孝友動遵禮度任司訓諄誨生徒既歸恂恂里閭信名賢也特志以俟採風者 王公鍾鳴曰後學細民無所表率必于鄉之賢士大夫有勲業德望者為觀型蓋士于官師分隔而疏不若鄉里名賢較親切易感也馬公孝友至性動履叶禮鄉鄰丕化在官司鐸無厭倦之心在藉講誼無囂凌之氣列之廟祀為世典型食報子孫宜哉 鄉賢之祀非有奇功

偉績蔚秩尊崇者雖甚感德不得與焉公之德感矣
然一邑博爾豈昔之採風者有善畢錄雖一命不遺
乎芝嘗譜其家世于斷簡蝕字中得窺其軼事公初
訓嘉定時月夜聞署旁咕嗶聲起視之則一童子映
日而讀問曰子豈焚膏不足乎童子對曰予屢家子
失怙恃晝則為人傭廝不遑學夜靡所歸故來此僻
靜地聊當雪案耳詢其姓名曰胡英公異而憐之呼
與至署衣食教誨者數年迨公老而致仕歸胡以進
士出巡陝右亟求公而公已歿七日矣胡聞之感慟

莊浪志畧

卷十六 鄉賢

二

題其堂曰一代斗山遂搜公感德事會本縣詳報奏
之朝得從祀嗚呼司鐸之官為國家養育人材克稱
厥職固已加人一等矣况生乎懿行又彰彰乎賢矣
哉世之享祀有以也

後學
葉芝

莊浪志畧卷十七

人物

人材不擇地而生十室之邑必有忠信三人同行必有
我師在雖僻陋豈無讀聖賢書存忠孝心來修圭璧
自勵其躬者乃攷之省志郡志終明之世尚寥寥焉
果人材之有待而興興抑守土者闡揚之不力也為
愴望者久之既又幸逢我

聖朝教化昌明名流傑出士也沐浴百餘年來棧樸菁莪
之澤知心有應幸而興後來居上者是不可因前哲

莊浪志畧

卷十七人物

一

之無傳遂闕而不載也志人物

明楊名即廷壘祖也正德間為力士時送臣擅權誤國
楊奮擊救之尋陞錦衣衛百戶然不知其誰何矣或
為馬順云載郡志

馬健以歲貢授四川嘉定州訓導事見鄉賢

杜孝以恩貢授山西長治縣佐初監造 皇紬機戶持

例金以獻却之聞諸當道咸獎其廉尋以直致歸

劉克勤以歲貢授河南儀封簿初任時每黃河堤決沿
沒數十里勤相土宜鑿地八十畝直其水勢迄今邑

無堤決之患儀封人祠為隨以治河有功陞山西廣
昌令

柳之可邑諸生捷芳父也為人仗義好施萬歷十五年
大荒鄰里族人待以舉火者十餘家又煮粥賑飢活
人甚眾始有文正公之風四十五年 詔凡庠中有
德壽者賜官帶之可呈授七品服色靜寧州牧裴廷
紳扁其門曰荷恩儒官

柳捷芳以歲貢授山西徐溝令在任聞獄中有冤聲左
右曰尹秀才以強奸繼母生辟聞前卷硬證者鄰佑屠

莊浪志畧

卷十七 人物

二

子也不令尹知鞠時使人伺之得屠私通狀母遂縊
死屠斃杖尹得直焉

柳承厚以歲貢授四川什邡令邑當關道新破之後極
力為民請命網徭機站各減十之七詢一時烈女義
夫得二十餘人申請旌恤

李敏威字天成弱冠以葩經舉于鄉尋改麟經極博學
禮讓甲申以還高隱秦州之仙人岩辟穀方外不喜
姓字終人間當世士大夫多慕其名親式廬焉 知縣
王鍾鳴延修邑志

鄭純臣邑增生曠志過人崇正六年巨寇臨城臣贊畫
邑長預設方畧為士庶倡協力守禦邑賴保全厥功
居多為前建修文昌閣經營鳩工皆其力也

國朝柳翹才與弟英才等五人遵奉節母同居數十年無
間言均稱孝友初以選貢授安化司訓陞福建寧洋
令初履寧洋邑城已三破矣順治十年海寇復犯城
翹才躬率內丁巷戰立新四十二級城始獲安著七
才子傳直指王公上其功擢蘓州郡司馬署郡篆遇
事明晰蘓人服其廉能知縣王鍾鳴題曰天南霖雨

莊浪志畧

卷十七 人物

三

郟藩周歲貢授隴州司訓陞咸陽諭裁補隴州學正為
人長厚有古風任咸陽時里有不舉火哭窮途者告
之周不計有無拮据以應歸親隣皆出迎嗣再隴州
任餞者遮道知縣王鍾鳴亦贈以詩稱媿哉

王基輩貢生幼與兄諸生基厚善事母縣君朱崇正十
三年大飢體母志養錫石補天兄弟又兄厚眼疾輩
連床服事廢寢食者數月且家貲不分邑稱孝友
杜昌楷貢生父諸生發復早殂楷尚幼竭事母王氏順
治四年三月賊假兵突寇邑城楷捐妻子負母逃竟

遇賊求代賊憫釋之又十一年七月母病篤楷夜禱
城隍請以身代即瘳嗣母復病楷承視不懈及終齊
疏訃粥道母遺訓誦地藏經十卷其孝如此
邑庠生楊復振為人仗義好施康熙庚子歲荒出家糶
五百餘石濟之病危命其子焚舊借券幾千石邑侯
胡公旌其賢雍正乙丑歲又飢其子國楹繼承先志
復與鄉鄰借給百十餘石並焚其券邑侯王公扁其
門曰市義可風乾隆三年將舉明經忽卒今致仕兩
當公國樸其次子也嗚呼不于其身必于其子若孫

莊浪志畧

卷十七 人物

四

善無不報古人豈虛語哉

舊志曰天不必因地生才人不必因才弛志今之稱人
傑者多口是科名若此窮邊蕞僻之區將以科名論
人則無全人矣何使其人而導積非躬即科名亦自
貽誚大抵偷常為人之本事功為入之道達而立朝
以忠出而泣民以惠却金讞獄殛奸捍患為民社出
死力口碑在峴山者未易數數亦有矢志深山踵首
陽遺跡處庭湄里閭孝友媿睦更不可泯沒至于臨
難禦敵尚義好施能濟人急活人命者此尤在下而

賢者也不則如宋德順軍二吳豈亦非莊之產而竟
遺逸不載者蓋以元明以前舊志無攷勿敢漫為傳
疑茲惟于書乘所紀及父老諮述一二並為錄以當
行史 知縣王鍾鳴

莊浪志畧卷十八

節烈

雍州土厚水深風氣剛勁間嘗讀詩至小戎未嘗不嘆其婦女猶知勇于赴敵也况守貞勵志本婦人從一而終之義不益能志凜冰霜乎爰採舊聞不嫌賧略非徒發幽光于已往亦期樹芳節于將來也 志節烈

明朱氏監生杜汝楫妻年十八構亡舅姑在堂遺孤良琨幼氏哀毀幾絕尋悟托孤重于死節乃矢志撫養子後琨為嶠縣主簿甚孝稱未止人者五十年內外

莊浪志畧

卷十八 節烈

一

賢之知縣馬瓚題其墓張國賓扁其門曰節孝

岳氏貢生楊文英妻英卒氏年二十有五嫠居逾五十

年撫孤從學官典膳知縣張國賓題其門曰貞節

蔣氏蒙寇妻寇亡年二十一誓不獨生時姑老在堂幼子在懷抱中諸親友以大義責者再乃強起含淚事姑撫孤成立年六十六卒

崔氏杜繼美妻明末流寇入其莊舍歛牙之氏罵不絕口竟遇害

王篤妻 氏失明末流寇至以刀脇曰從我得生氏遂假他

事誣賊稍寬潛啟後戶奮身投崖死

國朝

楊氏孀生張標妻本靜寧州人女值王輔臣之亂被亂兵獲欲刃急力拒不從自刎而死

陳氏賈德友妻亦州民女罵賊不屈自剖其腹而死之數日其家人歸而埋之顏色如生

李氏邑廩生楊盛業繼室盛業以賊攻堡奮身捍禦為賊所害氏年十九歿殉之前妻所遺二子俱幼環跪哀號不得已植節存孤至老而卒順治十二年通庠

莊浪志畧

卷十八節烈

二

呈請表揚知縣董朱袞詢其行實嘆曰少婦甘貧守節世所僅見而以繼母撫孤至于成人尤人情所難者遂具文申請因年歲未深不得具題旌曰節孝可風

夏氏諸生劉瑄妻廣昌令克勤婦瑄亡夏年方二十六痛不欲生家貧無子或勸之改適夫老靡他從父家州居孀守四十餘年艱苦備嘗毫不為動

程氏生員柳峻生妻于歸四載夫亡氏年二十三遺子世澤甫週歲家業蕭條或有勸之嫁者氏痛不欲生

曰老幼俱在吾一搖足將誰依乎于是茹荼飲糜矢
死靡他奉哀姑生事死葬無不盡礼子世澤蜚黃序
貢成均皆氏之教也閭學公舉其事上憲以

聞奉

旨旌表建坊入祠時乾隆三十四年事

郭氏生員鄒維新妻年十八歸相其夫逾八載輒喪所
天遺子二長克誠甫五齡次室羨方五月當是時翁
年已老姑又喪明弱弟愈新亦止三歲氏則兄以嫂
兼父以母代延師督課愈新克誠先後成名鄉里稱

莊瓊志畧

卷十八節烈

三

其節孝卒與柳程氏共邀

異數

旌表入祠嗟乎百餘年來節孝之褒在邑久虛今得此
氏以風勵之此豈第足彰風俗之美乎抑亦可為志
乘光矣

莊浪志畧卷十九

災祥

易曰河出圖洛出書聖人則之洪範紀庶徵春秋謹時
變誠以德則災變為祥不德祥變為災亦藉修省之
一助也况蝗不入境虎負渡河麥秀兩岐河潤千里
尤膺民社者所當法戒乎正不得因前後之缺失多
端嫌其掛漏而勿錄也志災祥

元

至正十八年安會靜寧莊浪地震
一作至正十二年據州志補入

莊浪志畧

卷十九 災祥

一

明

成化丙午二十二年大飢

宏治甲寅七年大飢

嘉靖壬午元年夏五月五日大雨雹雲中隱然龍見是

日大水幾沒城郭 是年安阜里民胡姓者甫週歲

忽言其為清水縣庠生劉某涕泗淫然曰思念
其家不置口父母怪之走人詢其家妻子訪至話

生前事甚悉事聞河西御史命名胡雨生云

七年大寒 八年大飢

十二年十月既望夜中星隕如雨

十三年星隕如雨

十四年七月隕雪歲飢

二十四年夏大水年飢

三十年三月朔日有食之

三十三年秋大水

三十四年大旱冬十二月有十二日初漏地震聲如

雷城垣民舍崩圯動三閱月乃止

三十五年大飢人相食民逃幾盡

莊浪志畧

卷十九 災祥

二

三十六年有年

三十七年秋八月雲中有龍吟聲大雨三日水衝田
百餘頃

三十八年螟螣食稼幾盡

四十年夏四月地震有聲逾月止

四十一年夏四月隕霜救禾 六月復霜年大飢

四十三年秋七月諸生杜孝南畝得瑞麥一本二穗
者一穎粟堅好當時好事者多賦詩以紀瑞 是
年冬十月不雪越明年乙丑夏五月始雨知縣賈

文有禱雨詞

四十四年秋九月朔越二十一日大星有柄自東北
飛隕西南光如燃炬頃叟空中有聲

萬歷十年大旱

十五年又旱人相食流亡過半

四十四年七月二十有五雷兩大作空中聞龍吟
聲

四十六年大飢掌篆馬政同知王袞申請移涇靈粟
以賑人始獲全

莊浪志畧

卷十九 災祥

三

天啟子甲四年夏五月十有九日夜漏二更地大震凡

十四晝夜山崩地裂城垣民舍多傾圮

崇正己巳二年十一月丁酉天鼓鳴如雷

十一年六月不雨蝗蟲食苗甚劇

十三年大旱人掘草根木皮充腹甚或易子而食折
骸而爨流亡殆盡時人有詩云水自東流日自斜
更無鷄犬有鳴鴉千村萬落如寒食不見人烟空
見花

十五年四月田鼠食禾幾盡移之倉廩時語云狸奴

竭而虛日孔熾秦蕪多而奎木繁盛

十六年春二月二日夜漏五更天鼓鳴于震方聲如雷
雷隨有星灼灼流西即巨盜李自成陷西安日也

國朝

順治己巳六年四月入夏後風霾大作翼日繁霜麥禾
盡萎知縣秦之銓有繁霜行云在城四月柳始放
顏色黯淡多惆悵大風揚塵吹白沙一夜繁霜青
山上繁霜繁霜爾何為大麥小麥皆已衰稟糧負
甌陽平月何處飛花不忍咨

莊浪志畧

卷十九 災祥

四

九年春三月瓢瓜星芒耀西方占者以為歲當大稔
教諭藺偉有五風十雨歌未錄

十一年夏六月十一日地大震秦隴以上至此山崩
木溢多傷人 是年十一月十九日地又震

十三年秋九月十一日暴風大作是夜雪花如翼平
明深數尺樹多摧折連日未消

十四年春二月朔越二十二日未刻飛沙眯目咫尺
不相辨

十五年六月廣盈里王文甫庄牛產驢駒

十六年冬十一月受家峽馬家庄杏花開結子如梅
康熙甲辰四年有年

五年六月朔庚戌日有食之是年三冬無雪越明年
丁未夏四月不雨 閏四月雨

康熙五十七年五月二十一日寅時地大震南城傾
塌西南鄉廣益里鞍子山崩壓陷居民千百餘口
河壅不流蒙

恩查賑

乾隆六年辛酉歲貢生楊國樸地有麥穗兩歧縣令

莊浪志畧

卷十九 災祥

五

黃公上其事

二十三年五月八日懷安里被雹甚詳請借籽口糧
翻種次年春部示奉

旨自十六年後民欠借糧至二十三年止槩行蠲免
二十四年夏普旱莊之北鄉尤甚蒙

恩普賑加賑銀糧並濟借糶兼行各城鄉廣設粥廠以集
流民故歲雖飢而民不害

二十五年大有秋

舊志知縣竇文曰春秋災祥必書示儆戒也莊邑稗官

野史漫無紀載故以前無所攷用加採訪得之父老
之口謹識如右用備邑乘然和氣致祥乖氣致異有
民社寄者不可不知

莊浪志畧

卷十九 災祥



莊浪志畧卷二十

藝文



藝文之有志自漢書始後人鍾而為之雖有志郡志縣志皆載焉非徒徵文亦以攷獻也然必有關於山川風俗政事人民足以備參攷否則徒騁才華猶是風雲月露之章耳率擯勿錄志藝文

序

莊浪縣舊志序

明上谷竇文
莊浪知縣

嘉靖甲子秋文以親命謁選銓部授知莊浪無間識

莊浪志畧

卷二十 藝文

一

不識間是邑名咸謂文危之越次年乙丑春既抵任進諸父老問曰邑何為敝至此哉余稱飢饉游繇賦役繁冗民不聊生因而亡去故至此文謂飢饉或然之數賦役惟正之供未必駭民盡去意者官吏失職蓋隱莫之言耳于是深惟素曠是懼凡可以為民計者罔不殫厥心力顧自分謫薄迄無成效惟見二三窮孽遠來復業荒蕪田土漸次開耕夫是所以解文素曠之園者乎政暇課諸生因詢邑志攷往哲觀民風為馬生負圖出抄本以應匪特前代事無之國朝

官職姓名遺佚甚多素既不具繪何以施皮之不存
毛將為玆令是邑者寧能辭厥咎哉迺輒忘腐陋爰
輯古蹟彙次成編授諸士君子校之咸謙讓為因冒
昧綴梓以示邑人備一方之缺典俾後有所攷耳若
日成書則文豈敢所望後之君子訂厥舛謬翻刻成
書則是誌也庶可備諸觀風大君子採焉嘉靖四十年三月
明金臺蘇九疇莊浪教諭

粵自疆理之制作天下始有分土由是各有志以紀
其人物風俗山川百貨與夫來吏于茲者悉載焉攷

莊浪志畧

卷二十 藝文

二

之莊浪元宋唐漢而上誌有無不可知迨我明垂二
百年亦無修之者誠為缺典嘉靖己丑上谷賓君侯
於厥邑覩茲百務俱廢深為慨嘆退食自公不遑寧
處奮然旁搜博採分門析類成編而又著為論斷以
發其蘊則久晦者始明而凡莊浪之所有者無不燦
然于天下矣後有作者踵而輯之以擴其旨則君啟
佑之功為甚偉而其嗣為昭典也不亦無疆也哉嘉靖
丙寅夏
四月

衛公續修莊浪縣志序

明晉忻王

璫

莊浪訓導

莊浪建設若僻邑小民疲觸目蕭條實不堪任茲
土者尋即致去萬歷歲丁丑夏四月衛公奉命宰是
邑弗良其難且疲惟既厥心惟慎厥事拉疏移裁冗
費宥醵贖省里甲嚴國稅以懲奸豪靖荒田以除侵
隱減兵壯以寬民力崇浚墉垣修整黌宮條陳民瘼
剔蠹去弊百方撫綏為民利者罔不殫心力而為之
越二年政通人和續修邑志鄉士大夫屬雍序之璫
嘉公循良之績弗毀諸梓則世遠年湮將無可徵矣
稽邑初屬鳳翔為州後更為縣向無志前邑侯竇公

莊浪志畧

卷二十 藝文

三

矚為之身搜遠攷綱目井然一邑之事概可知也已
弗復志矣竊謂志者記也載政體臚民隱備物軌彰
徃信來者也莫為之前雖美勿彰莫為之後雖威勿
傳俾哉我公續成斯志以昭示于來茲也風俗著政
治明彰瘴出繼自今司民社者蒞公之政思公之德
體公之心是則是倣豈不為莊邑疲瘵殘瘠之民用
造悠久無疆之福哉予因志公功梗槩云若夫公之
心術不苟操守真純處事精詳斷獄明允召杜之誦
見于民之口碑者信徵為弗能悉述也遂志錄諸梓

以垂不朽萬歷已卯

續修莊浪縣志跋

邑人杜良琨

予邑之有志矚自寶邑侯迨我衛父母以萬歷丁丑
歲夏四月下車莊治不逾月政教兼舉雖龔黃卓魯
無喻此矣掌教王公記其碑司訓王公序其事良琨
一林下山人耳感慕仁政悅服德教不揣固陋敢贅
于後先民有言聞人之善稱之不絕于口書之不絕
于手此物此志也夫萬歷已卯

莊浪縣志序

涇原梁聯馨吏部觀政

莊浪志畧

卷二十 藝文

四

天子者代天子民者也天下雖大合則天子分則守
令而令之于民尤親焉故曰父母曰赤子曰與眾曰
勿施詩書所載孰非體此而致之民者昔人所為辭
宗秩而卒就親民之官為素志也我

王公闔之溫陵世家生長巨邦以大儒發軔來牧于
莊初未及識荆辱公焚餘製二帙予讀而拍案曰此
其文學與濂閩洛閩並著其政事自必與卓魯龔黃
齊芳乎迨後接芝顏見風光日霽其心胸海濶天空
其氣宇鳳文麇趾其儀度玉振金聲其辭語余更躍

然曰允如茲知公大有造于莊之士與庶也丙午歲
大比甄拔生儒悉與文衡公符鑑又力為道遺諸生
請復衣冠秋公以禮經分校秦關一時名士多出其
門所謂一過而辟遂空者非耶且夫鴻儒經濟第博
一時之聲施無能為先後襮政教風俗流傳勿替亦
將貽君子羞公廣蒐志乘不難斟酌時政損益而更
張之爰能手闢經綸抒裁政要以為後來紀乘光亦
曠世有心人也顧予避巖崕峒竊訪軒轅故事莊之
士民過我于問道宮曰吾公之編志有成矣雖僻陋

莊浪志畧

卷二十 藝文

五

蕞爾教惟公也政惟公也他難悉述修學課士厥彰
彰已即如塩引國家大計不令煩擾民間至藟莢急
需而省軌運營房要務而先夫役莊之民所以無驛
騷轉輸之苦而愛生聚安全之樂者非公之誠求殫
力其孰能與于斯吾公教也吾公政也願藉以畀不
朽予惟仁者贈人以言予非仁人也乃為吏而有善
政善教以俾人不可忘而斯土斯民亦遂不能忘之
也是固昔者渾噩兩美之遺可以貽休用乘矣公諱
鍾鳴字侯書鼎庵其號也戊子鄉薦余實心折焉遂

不禁薰沐而為之叙

康熙
丁未

又

益津劉

瀾
兵憲

牙之于操也不相桐之材器不能工其音扁之于瘳也不審人之脉候不能神其劑君子之于治也不悉地之美惡民之利病不能善其政故古者列國風謠必掌于太史登之簡策藏之秘府而國史興焉今邑之有志猶國之有史也雖纖鉅不同而其攷古徵今博綜文献黜偽而正傳言以垂後期俾于政治則未之或異也莊浪之為邑地褊而確民孱且屢計其

莊浪志畧

卷二十 藝文

六

田賦戶口曾不逮中邑之什一雖甚陋也而朝廷之民社寄為教養之政事出焉又曷可以無志余猥以監司蒞是邦覩涼人之凋瘵也惻然靡寧思休養振起之而未得其要曰進諸父老子弟相諮詢且搜覽故籍而屬即邑志幸畧具唯莊浪志自明嘉靖中邑令賈公草創後至于今垂百餘年矣以邑貧故久未加輯鑄今令豐州王子故博洽通儒也余亟屬之居無何具稿以復觀其建置沿革田賦戶口官師及人物風俗物產靡不畢具且攷核詳稿博而有要簡

而能該余既喜且告之曰今之為是志者豈徒然哉
蓋將以資乎世也如彼操之有譜療之有方雖其因
應變化之妙內裁于心未嘗按圖而索然而察世相
方隨所宜而利導之卒未有出乎此也今沿革之時
代詳矣何者為利吾復之何者為弊吾除之必求所
以宜吾民山川之形勢具矣何者為險可以保聚何
者為易可以樹植必求所以安吾民田賦之條額定
矣何以均之無徧病何以勸之使樂輸何以墾之不
貽累必求所以存吾民戶口之多寡列矣通者何以

莊浪志畧

卷二十 藝文

七

來之居者何以安之流移者何以集之必求所以蓄
吾民官師人物之名蹟著矣尸祝者幾何人吾取瀛
為傳頌者幾何人吾表彰為必求所以儀吾民民風
物產之盛衰分矣俗即澆悟何以導之殖雖耗吾何
以阜之必求所以厚吾民形于言必見諸事垂于後
先徵諸今然則是志也庶其有裨矣乎不然徒具文
耳夫何賴之勉旃吾將觀成焉

又

雲間陸

荒
司平涼李

平屬莊邑延袤不二百里居隴坂萬山之中磽瘠較

他邑尤甚余讀凌谷趙中丞通志獨稱之曰崎嶇陋
邑云夫以莊之形勝美高峙其東六盤鎮其朔層巒複
嶽環翠而翔拱不亦岩邑哉既而索舊乘以觀他邑
秩如井如迺莊則嘉靖年間刻也木蠹簡蠹亥豕弗
辨嘻陋甚豈前之宰未之攷歟抑有作為而弗究究
歟或亟于獄訟錢穀而未遑他及也耶百年以來何
虜濶至是失今不修後有作者奚所據亦長吏之耻
也王令受事再越歲鳩其民人度其城郭諸政犁然
次第修舉遂以餘力修志志成而請叙余曰士習為

莊浪志畧

卷二十 藝文

八

史文事之修不數數見矣乃攷典故徵文獻董師儒
召匠氏斐然間作彬彬乎君子之選也雖然獨有進
夫食民之天也貨邦之本也教養之旗也信德之輿
也洪範八政察地利審天時盡人力為令者先能督
課農耒以足其食條禁山澤以阜其貨樽節制度以
盡其養信賞必罰以立其信而後鄙塾以比之弦誦
以播之菟乘以示之則治有基而進于古王令而能
是可以勒之金石光諸史冊已志云乎哉

又

渭上王承祖
給兵科

志文云乎哉聞之太史公曰有能正易傳繼春秋本
詩書禮樂之際意在斯矣志文云乎哉余令閩江時
家鼎庵君為名孝廉諳練典故識者知為盤錯利器
也秦叢爾邑莊號最我君治之三四年間百廢俱舉
又慮邑志絕續無以示來茲爰輯百年闕畧成書付
厥凡禮俗之真慝物理之競絀戶口之繁衰財賦之
盈虛職官人物之區別一一如刻眉指掌讀者或不
無滄桑之感而要其所極宜軫念者土瘠也民病也
吏難也蓋吏之難也捉襟露肘每有愛才况也莫助

莊浪志畧

卷二十 藝文

九

維勢使然欲于一籌莫展之地起樊維新求寧觀成
尤不少概見今竟得之我君矣異日

天子詔輜軒之採知必以告我

任曰莊土之瘠也有如是莊民之貧也有如是莊吏之難
也有如是是令能以經術勸吏治所謂正易傳繼春
秋本詩書禮樂之際意在斯乎意在斯乎夫秦越人
之不相及也不啻若風馬牛矣溫陵涓上家乘一源
海角天涯遂成隔世洎余由秦而令閩鼎君由閩而
令秦其間合而分分而合人乎天耶吾將問之且余

之令聞也際時艱我鼎君之令秦也值地薄邇蓬誠不
偶然哉如謂秦越人之視肥瘠漢不相聞焉將先民
之比心同此理同云云不幾成虛語耶故曰異地則
皆然志文云乎哉

又

溫陵王鍾鳴邑侯

間嘗讀三秦通志而嘆莊之人何不幸而至于此也
更嘆莊之吏亦何不幸而至于此也稽莊左為路為
州毋或其山川秀麗城郭修廣里戶之繁庶徭賦之
殷盛物產之豐盈可知也賢才良吏之駢蔚可知也

莊浪志畧

卷二十 藝文

十

政事之修舉可知也風俗之醇厚人心之忠愛亦可
知也不則昔何以隆今何以替歷展郡志暨靜隆諸
乘漢唐宋元以前皆班班可攷獨莊無傳焉莊之志
昉自明嘉靖四十五年丙寅邑令君賓公文而續在
萬曆七年己卯衛公東魯也雖二公之修輯未詳而
其時去古未遠文獻無存惟實公實心憂時訪故蒐
逸得馬生抄本彙而成編又從而論斷焉其言裁而
該廉而有本不可謂非留心治務者也乃考其所志
山川城郭猶古而里戶已非徭賦物產猶古而人心

已非賢才雖不大感而良吏未嘗乏也風俗雖不甚
敦而政事未嘗廢也維時官茲土者率多致去况今
日愈趨愈降不愈難存乎鍾鳴自癸卯秋八月初履
是邑見其人多鶉衣鵠面貧莫舉火者其村落皆穴
居野處寥寥不數家其士盡服耕隴畝不甚詩書禮
讓其田連阡荒蕪其戶口逃亡其事繁冗撫然嘆曰
莊之人何不幸而至于此而莊之吏抑何不幸而至
於此也此必其山川之改觀城郭之變制以致里戶
頽落徭賦物產俱索也或賢才不生良吏無傳而政

莊浪志畧

卷二十 藝文

十一

事不舉也或風俗澆漓而人心不古也不則昔何以
隆而今何以替耶于是偕大夫士陟原相土曲其水
道迴其山勢葺其城池署泮講武課藝宣化邑其庶
幾乎雖然厥志未修民不知方無所志也修邑志以
端民志有司者可勿講諸鍾鳴瞿然以修志為念百
餘年來亥豕魯魚是非莫辨乃翻閱省郡諸刻并取
舊志而叅較之而紳士改老荒碑野乘猶能傳其一
二簿書之暇綜輯稽核分門析類纂繹而尚論之凡
舊志所載者毋敢妄為增削疑者缺之信者詳之善

者錄之肯者掩之亦曰信以傳信疑以傳疑善與衆
共肯為人掩忠厚隱微之旨也倘以竇衛二公為未
詳而棄之則後茲者亦將以鍾鳴為未詳而並棄之
故鍾鳴于舊志錄二公之文與績而尤推美竇公者
為莊之志非竇公創之于先衛公何以續之于後而
鍾鳴今日又何從而更修之鍾鳴踈淺孤寡不敢漫
云修志也維紀其山川如此城郭如此里戶如此徭
賦物產如此賢才良吏如此政事風俗人心如此而
後次以典禮灾祥諸類使莊之士與民由今睹昔其

莊志畧

卷二十 藝文

十二

亦知所觀感而歸于厚乎是為序

又

寬州盧必培 司訓

嘗聞國有史野有稗乘所以紀一代之政治與夫
人物之臧否風俗之貞淫史即乘即名雖不同其義則
一志之所繫洵大矣哉故莊歷漢唐宋元而上志之
有無勿可知已至明垂治二百餘年亦無有修纂之
者誠為缺典嘉靖乙丑上谷竇公宰是邑覩文獻久
湮毅然以著述為己任乃旁搜博採分門析類輯而
成編自茲以還山川不異風俗更移賦稅增減人物

盛衰官師之賢否灾祥之倣告又荒缺廢墜漫無紀
續造我

朝定鼎二十四年來閩溫陵王公退食之暇深為慨嘆以
諸郡邑咸有纂乘獨在缺焉未請一旦輜軒採風將
何應于是悉心修飾細加辨核而論斷之爰蒐梨棗
授諸梓人以成數百年之載藉培叨與編彙將前之
紀乘罔敢或缺後之見聞攷據又靡敢不詳間有遺
忘亦疑以傳疑不敢妄為增會蓋志者紀也著因革
明彰瘴志其所志而觀者奮志其所不志而觀者亦

莊浪志畧

卷二十 藝文

十三

勵培雖謫劣窮效毫楮佐襄厥事使後之徵文攷獻
者有所証稽即

聖天子異日省方觀俗亦有所具以報焉僅曰一邑之志
也哉

又

邑人柳翹才

江蘇
治中

康熙六年五月莊浪縣志成翹才讀之不勝喜又不
不勝慨云夫所謂志者凡璣衡流峙疆域財賦官師
人物以及民風物產無不秩然具備撮其綱領不過
土地人民政事文獻四者而已今莊雖小亦有土地

為莊之土地久沒於荒寧望其壑畝碎疆無貶讓之
譏乎亦有民人為莊之民人久失于逃寧望其生聚
蕃息無哀鴻之嗟乎亦有政事為莊之政事久為荒
逃所弛尚其修廢舉墜為百里杜絕網乎亦有文獻
為莊之文獻久為荒逃所逸尚其人才駢蔚文章秀
麗為百代起衰乎揆厥所自竝役失均則莊之膏血
盡埋壑也贈則莊之骨力竭當衛公條陳五事之時
已早知其有今日矣惟吾父母王公蒞茲四載聞
見備悉痛民生凋瘵慮典籍之殘缺以其鴻才邃學

莊浪志畧

卷二十 藝文

十四

輯邑乘成編言足以暢所志文足以徵其實不辭煩
費授之梓人而 兵憲劉公 司李陸公更為序以
獎掖為言皆金石語多箴規軫念民瘼至諄切已然
為莊者急為于尚可為之前毋為于必不可為之後
蓋在當用武之時割靜寧之通邊威戎為屯兵地初
固為路實不及一堡也故其田磽角溝其產兔葵
燕麥嗣降為州實不及一市也茲值民窮力盡之餘
田以荒而益其荒民以逃而益于逃治則為縣實不
及一邨也雖屢蒙清丈編審十去其八似減之于無

可減而可減者猶在也似免之于無可免而可免者尚多也譬諸拱把之木不耐斧斤行潦之水不堪挹注非吾父母王公不惜為民請命均徭豁免使站役不擾捏墾不累致文徵獻諸政畢舉者邑其能邑乎後之人睹斯志開卷了然或亦念莊之苦更念作者之心也夫

又

邑人李敏盛 隱士

歛盛偷逸山巖近三紀矣聞莊邑父母以賢著者有之惟我王公痼瘼民隱庶政惟新前此者莫或過

莊浪志畧

卷二十 藝文

十五

已今四載于茲凡天時所生地利所宜人官之能物曲之利學校之污隆民俗之淳疵丁徭之多寡田賦之增減莫不夙夜維寅殫盡厥職間嘗捧讀政稿知其憂之深故言之切慮之遠故酌之詳也理治之暇又念莊之志乘久闕與學博盧先生明經李先生諸儒野老互相較輯復徵盛訂其未備盛應之曰傳不云乎立乎昭定以望隱桓遠矣所見異詞所聞異詞所傳聞又異詞夫昭定之去隱桓未久魯史具存修經猶有甲戌己丑紀子伯郭公之疑况莊千百年文

獻僅得之竇衛二公遺紀以增補缺畧不亦難乎公
曰吾子之言是也竇衛以前已邈難稽竇衛以後又
百年矣夫今不修久更難攷後之憾今不猶今之憾
昔耶或以離索寡聞草率應命而我王公編加採覽
蒐之野乘繹之斷碑訪之故老捐俸購梨三閱月而
書告成乃屬盛序感何敢贊蓋以公之序言言愷
惻至修邑志以端民志一語更為知本亦綦詳矣故
修邑志以見吾志見吾志以見百姓之志則物情事
理無不畢見將天地之大志之所維古今之遠志之


莊浪志畧

卷二十 藝文

十六

所持因其已志以修其所未志復因其所未志以思
其所必志則得解在志之先游神在志之外推此志
也雖志之所不能載千百年可旦暮過也又何病其
缺畧哉若乃乾坤志其所由生虛空志其所由始雲
物志其所頒布山川志其所流峙此大周法界也雖
大易仰觀俯察之奧春秋多稟有域之旨莫有踰此
而成病其寂寥迂濶斯殆幽人逸士曠覽遐觀不得
志于時者之為也曾何與于經濟哉惟茲志取資于
民社轉移于教化為後之臨民者勸採風君子臚面

觀之或亦愛諷愛度之助云



莊志畧

卷五 藝文

十七

莊浪志略卷二十

記

知縣張瑜捐創南門樓碑記

明楊廷璽

夫莊浪昉於古秦為北城郡漢為安定郡迄宋元為路我聖祖高皇帝龍飛淮甸奄有天下置為邑而隸諸平涼焉草創之初規模粗定城門樓墻狹隘矮踈無足觀者惟時邑宰後先相繼慮不及此見頽垣敗壁不勝狼狽以故套彘長駘絕無備禦之防劇賊猖獗時有剽掠之患士庶咸憂且病焉嘉靖己丑張公

莊浪志略

卷二十 藝文

十八

瑜錦衣巨族也以公大方家而宰是土顧邑雖小而政則煩民雖寡而訟獄征歛則不簡於他邑公規畫惟勤歷載餘百度俱興諗諸士大夫曰門傾如此脫有外患吾司牧民弗克辭責矣以是達諸總制少保唐公乃可其事由是慨然自任凡夫磚瓦木石累至鉅萬悉設法措置而民則弗與焉鳩工於嘉靖甲午之十三年春三月落成於是年仲秋高四丈五尺濶三丈二尺氣象弘遠制度森嚴非惟可以壯國威抑亦可以杜外伺覬覦之心矣故士庶相慶商賈相歌

農夫相誦憂而病者喜且愈焉公之事此若畢矣猶未也仁以存心慎以蒞事修學校以作士類寬力役以節民情潤倉舍以廣儲畜空囹圄以伸冤抑蔽胥吏以防壅蔽時徵期以便輸將置烽燧以禦邊警通有無以疏民財至勤巡按諸公獎勵優叙而聲譽不求而至矣而公赫然之功顧不度越於後先也耶是門之舉也教諭侯君濤典史杜君梅羽翼贊襄實與力焉成工鄉士夫命愚以記愚不敏無能悉公之績樂公之志有成而喜為邑人之道也於是乎記

嘉靖十三年

重修文廟碑記

明張國寶 邑侯

莊浪縣儒學初在縣治西北正德辛巳知縣劉潮移於城之東南隅事但草創僅三十餘年即頽敝嘉靖癸丑秋予叨知是邑至則諸生首以修學為言賓曰勞民傷財古人所慎既而分守大叅呂公行部諸生以言於賓者言於公公移檄甚懇郡太守姚公因而亦命改作為賓幡然曰有司者能民無他勞而勞於學非勞也能使財無他傷而傷於學非傷也大叅公勇於任事實顧可以細見自諉乎於是請諸二公

爰廣其隘北徙百餘步以就間曠驚其舊址之無用者以為費材必欲其稱工必欲其慎示可久也廟學成復於門之前易民居闢為廣衢東達縣治樹坊一曰興賢育俊與縣之承流宣化坊相峙示政教均重也廟門外樹二坊曰德配天地道貫古今示尊重也計其費鬻地之金當十之二三餘皆艱朴之贖二公信賓賓故敢以自信經始於甲寅春三月落成於乙卯秋八月於是集諸生而語之曰茲役也大叅太守公殫其心賓殫其力為二三子新為學之地矣然國

家設庠序以造士用世者皆此之選也是故窮而進德修業達而為國為民斯不負建學之意為已矣反是而口耳是尚匪藝是縱譬之植梧櫟而得檟棘養材者不亦可慨哉二三子其善辨諸大叅公名時中清豐人太守公名汝籽襄成人

又

明郡人趙時春都憲

洪武三年始以陝西鳳翔府之莊浪州為縣隸平涼府學校之備可知也經百八十餘載中間堯厄不知其幾迨嘉靖丁未楊生瀾等初請于巡撫都御史皖

谿謝公蘭移靜寧州庫帑白金八鎰委縣治之罔有
應之者甲寅歲左叅政大名呂公時中相土於縣之
良方維吉分巡汪公集太守姚公汝紆議以攸協乃
命尹福山張公國賓改爲之至乙卯落成聖師有殿
先賢有廡啟聖鄉賢良更有祠儒業有堂齋祭享絃
誦之所維瞻重門表襖垣墉維鞏學官郭君體仁等
爰述其故徵余老諸紳牲之碑云夫聖人之道大矣
皇明宣文之治偉矣故以在邑之巖塞小邑罔或漏
且遺焉至乞貸旁郡以政治之底於維新其儆惕於

政教不既叮嚀矣乎若以師與諸士者毋狃于安厥
居毋荒於甘歎養以時新厥心俾竹學日熙以大新
我聖道俾易晝不在西郊之成紀曰自我邑筮爲鳳
鳴不在東鄰之岐山曰自我罔儀爲巍巍乎堂堂乎
几烏被袞焉背湯肩之儀型若接于夢寐焉斯謂之
善新其學也庶幾新于庶姓瘦者蘇澆者靡尹得以
新厥政焉斯非所謂大學新民之術哉苟不求新于
其身而徒新于厥居土木是灾而德業是尤余于是
乎有深懼焉張尹齊魯諸生知向方矣必大有以新

之而來者為可繼不特新于學宮而已也余將以樂

觀厥成為嘉靖三十四年

邑令衛公德政記

榆林王 明 莊浪 教諭

粵稽輿圖志云關陝之地形勝富庶甲天下今時非古若矣乎薄郡閭閻愁苦不待言也莊為平屬民困於疲尤不可知國初太康顧公佐來牧是邑撫綏有方賢聲聞於朝擢為大中丞紀名臣錄厥後繼者絕響已明嘗會杜君良琨等燕語輒口邑侯衛公賢不置徵余為記明不佞叨屬公屬諭藝之役願從諸君峴

莊浪志略

卷二十 藝文

二十三

山之思甘棠之咏也夫太上立德其次立功其次立言此之謂不朽公于萬曆丁丑夏四月下車經政智炳空明之鑑法裁輕重之宜不越月而訟獄成稅糧均私謁杜奸弊剔糜費禁逃亡復狡偽息豪強斂迹此之謂立德者慮城工之役出朴贖以需之衛民保邦恃以為固念學宮廢弛捐俸以葺之要神育才煥然而維新此之謂立功者諸如條議之請裁冗兵除站役轄里甲正疆界減荒歲無非痛民隱憂民之憂者也此之謂立言者德至此謂純德政至此為純政

盤根而遇利器雖漢唐循良之德亦不過此是河陽
休風不在古而在莊邑也方今聖明在上超格羅賢
公產中州毓河洛之秀任親民之職垂三不朽於世
真顧公之婉後令之儀型予嘗聞先正程子有言曰
斯民之休戚係於守令之賢否吾知莊邑之休公得
程子淵源以治之也明等雖不韋不與顧公同時竊
仰休風幸猶得與公共時親沐雅化噫斯言也雖所
以揚公實為後進立標準耳不腆蕪辭因士民之頌
係為公諱東魯字淑望中州葉縣之世家近因其別

莊浪志略

卷二十 藝文

二十三

魏云萬曆
己卯

元帝廟碑

華州張光孝西華
知縣

三代以上論治道必稱天三代以下論吏事不言天
厥以為天道遠而人道邇蓋三代之君純乎因天惠
民之心也故不言天不足以明其奉心之實紛紛詩
書之說可攷而知矣三代以下之吏事既苟非惟不
知軍國子民之意而代天理物之責判然不侔昔人
謂軍國子民之意天地鬼神之寄也一念不合于鬼
神則一事不合于仁政而吏事何以能盡善乎我邑

侯李公藹地忠貞之至德負經濟之奇才試政荊浪
即以吏事為慎凡仁民愛物之政上以廣天子之德
意幽以贊鬼神之神化機以是民安物阜熙泰成襄循
良之名四海咸知之也忽齋閣感夢 元帝在草莽
中歷有年所俄以遵例清丈田畝至清林寺北有
元帝祠鄉人鑄像以祀儼然夢中所見侯以為 元
帝北天之神我奉吏事于北天之邑而可愬然乎於
是崇祀于游龍之山順鄉人之望而為之祠捐俸數
拾金諭吏目孫可畏舍人崔登雲鄉民王仲陽督工

襄以縉紳士大夫吏民之力闢九月而落成土人念
侯愛養元元裁減均徭以節民力且清丈田畝有法
百姓孚心蓋侯清廉之性得於天成而明決之才獨
超世望古云洗心以退藏於密齋戒以神明其德我
侯之素節也乃其夢之感神心之孚民豈非天性之
猶良時予纂志原州軍門承事蔣子勵為予誦之且
以徵記事之詞予惟愛翁乎天以活民荊浪民傾心
以戴主斯一時之感事也系之頌曰

轟矣龍山 四方之望 翁翳庇休 爰承靈貺

靈貺奠民 為神惠之 格神佑民 惟侯覬之

榮澤我侯 矯矯民生 治贊中興 光昭西土

崔瑗仁父 喬智神君 三秦懿頌 千載令聞

萬曆 壬午

邑令董公朱袞重修 文廟碑記 武全文 崇信知縣

先是令莊浪者吾梓里秦公之銓憫莊邑窮疲哀困
下車請勿屬靜寧繼則毅然以興起斯文為己任尋
告憂去居無何吾友綿川繡章董公來治茲土惻怛
慈惠若取彼子黎加諸膝又置諸懷時窮陬遠谷乃

莊浪志略

卷二十 藝文

二十五

有秦父董母之頌數年害畢草利畢興而菁莪作人
化尤茂著乃集諸儒謀蠲稍新廟舍曰凡吾與子雲
蒸狗變不苟安陋簡以遺後先羞者式如斯舉諸儒
欣然趨事時廣文先生蘭君偉益川人也復能共職
勸士身先勤渠督修正殿兩廡啟聖祠名宦鄉賢祠
中大門及彝堂兩齋敬一亭內室外門大端有具而
先生復以喬遷去崇一篲未成終由遺憾惟我董公
更捐俸而泮池魁星樓庖廩所垣宇丹堊之工始悉
備焉厥工舉于壬辰春落成于癸巳秋皆藉撫教殫

乃心力聿觀厥成聞莊人言吾儕前百年盱眙桂魯
說書敦禮罕其人迨後兵祲屢困計口難成甕牖繩
樞之不葺安問斧宮今賴我董公重農及士富矣斯
穀於乎都哉瑣尾之餘賦芹茆而識泮廡風雅相擅
政教旁溢百千萬祠難量焉咨尔髦士可遂志蹄竹
自筮所基乎不獨昔秦父卒拜成賜矣余聞風景慕
喟然曰甚矣良吏之大有造於人文而學校之興將
迄于世世也為紀錄以券將來

順治
癸巳

王鍾鳴

邑治土地神所以贊城隍佐縣變理者也故有縣治
城隍即有土地神祠莊之土地設在治內儀門左城
隍右不知創何年所想亦與治並建考自明萬曆二
十九年知縣李愷修葺迄今七十餘年棟瓦傾塌神
偶灑涿鍾鳴見之心惻慨然曰世間善信徃徃修舉
間祠此神為一方福主竟置勿問乎因曹氏廟于是
年五月成六月即為購瓦庀材以繕斯祠並像塑為
祠內墻地蔓草遇朔望有司露拜堦前於體甚熟今
於祠更構獻亭三楹官司有吉蠲之所紳士有尸祝

之區里胥有告度之地而神亦崇矣衆咸以為然不
科民財不須民力官捨俸役捨工翁然成之是為記

登游龍山記

王鍾鳴

游龍山居縣北可二里許古名北寺山余來涇是邑
登城北望遠眺荒山壁立草木蓊蔚度其中必有殊
勝于是偕諸友徒步而至至則山映溪底高高下下
果奇偉不可狀溪源從山下出流甚細聲甚微振衣
過之牡馬嘶風亂人心曲友將辭歸余告之曰龍山
將至勿復返矣語未畢左右謂山即屆焉乃暫止山

下無茂林修竹又寂無人聲其道險巖未許遽登徐
與諸同志步山側山迎人面蜿蜒而上匍匐僂偻爰
陟山顛俯瞰城若斗大戶烟雜霧而浮萬壑流青千
峯帶紫恍若置身天上吐霧而吞雲倏焉東山之陽
聚影如虹長隴疊嶂磅礴委蛇而來狀似龍游者然
噫此山靈啟扁鑰以揖我游也既至寺庭前兩樹干
霄蔽日鵲鵲爭巢及堦堦上苔痕綠草色青杳無人
跡寺亦古矣詢之山童寺久無僧間有游者亦勿記
寺創何年惟見法身剝落棟宇傾頽所餘虫鳥髣髴

唐宋人所留左轉翼廊皆婺女像嗣登玉皇閣旁立
女娥宛似廣寒宮四顧寂寥凜凜不可久居降望少
室飲于川原樹下酒酣興盡謂友曰觀止矣邑之勝
至此蔑加矣余于簿書之暇得偕二三君子酒酣耳
熱山因人而增色吏因山而失俗噫其殆不負斯游
矣或云山祖崆峒有李氏之遺故號猶龍並記之
署篆靜寧州別駕王公德政碑記 六盤 李庭訓 河南
汝班史載漢守令事甚悉予橫襟往牒思得一循良
以撫吾屬恨窮年注慕不復見漢官威儀甲寅春首

月有莊邑父老席來相榻栖鷺等百餘人具署縣事
靜寧州州判王公德政實蹟懇余為記將繪圖勒石
以志不忘余反覆詢其狀言者膾炙于口聽者兩腋
生風余勞告父老義甚高且喜其得賢父母也慨然
嘉尚其政而為之記曰秦關八郡疲癯則首平涼平
屬苦地又惟莊浪稱最當事者憐茲邑不堪再誤乃
慎署篆者之選辛亥六月推王公維持縣治公下車
歷問利弊密加調劑知政猛則民殘公則以至試流
愷悌政寬則民慢公則以渾厚發精明百姓苦收糧

重公則秋毫不忍多取苦豪強橫公則元惡必加重懲買辦不許扣剋行戶無分外之輸公費盡行革除收頭無額外之供署中惟有梯房已經頽圯公捐修鐘鼓樓一座門前並無遮欄風氣何聚公捐俸結構文昌閣三間並創建賓館以商確政事謀開東門以疏通地道而邦本於為永固以故士民騰歡頌聲載道竊恨得公晚矣以之間于當事者當事不快心哉行看剡書頻上不次之擢為吾民樹奈今日哺煦我雞邑者轉而為人之怙恃枳棘之所將安留與余今

莊浪志略

卷下 藝文

二十九

於公卜信宿之難再痛瞻依之何常特預貢俚言銘繪祿像而鐫之石庶幾民望公尺碑倣古漢人為王常立生祠以志思云公籍湖廣麻城諱大霖字澤世雨 其別號也萬曆甲寅 邑人杜唐吉 貢生 頌邑侯胡父母禱雨記 邑人杜唐吉 貢生

癸卯夏旱集市絕糧 邑侯胡公禱於 城隍廟未幾微雨不霑繼而齋居廟中夜宿不歸數日有雨分東西兩山而縣獨無 公曰人氣和則天地之氣和天地和則陰陽之氣和今東西有雨而縣川獨無

是司牧者德政未修上干天和則有罪百姓何事
乃自帶鉄索以待罪廟中莊之士民寢不安席越明
日感涕泣請開鎖公大哭終不肯開至三日大雨
乃降夫莊之遭旱者屢矣前之禱雨者亦多矣未有
如公今日者蓋公憂民之心甚則畏旱之心深
罪己之心切則哀痛焦勞不能自毛與成湯身代犧
牲唐太宗以口吞蝗事殊而同出一意也莊人感
公之德因留鉄索于廟中以為甘棠遺愛且冀夫後
之官斯土者觀茲鉄索或者謹天灾恤民隱不至置

莊浪志略

卷二十 藝文

三十

民瘼於度外也

癸正癸卯

頌邑侯黃父母禱雨靈應記

邑人王國臣

乾州司訓

邑侯黃公四川榮縣人也登康熙癸巳鄉榜雍正壬
子歲筮仕莊邑甫下車即詢民間生計知土田硠瘠
深為斯民慮別求一資生之數而不得意常喆然今
歲乙卯自播種之始以至立夏後西秦界邊赤地十
餘里公先齋禱禱之不雨即遍禱近縣諸神祠

又不雨訪諸父老求靈湫焉去莊一百八十里地名
中山峴有靈湫公即欲拜求之士民止之曰去此百

里間路皆下深壑上絕壁攀藤可登倚木可度且有
猛虎毒蛇穴其間 公為民父母不當履此險 公
曰正惟其為民父母也三日不雨則夏禾枯十日不
雨則秋禾盡民無食必死吏獨生可乎於是率士民
蹈不測之地身躋懸崖藜莽而禱靈以歸歸即雨莊
民于是有起邑為而無以報 公亦即以情不吾力
不勞公勸者報 公為然禱祀似幻而 公之精誠
則真為是不可以無記他日莊之後生覩斯記者皆
知其身為 公之賜應祝頌之不朽也 雍正
乙卯

頌邑侯卸父母禱雨靈應記 邑人李 恭 貢生
蓋聞道寒固歲序之常行禱亦變理之術而禱之應
與不應惟在牧民一心之誠偽分之丁丑夏六月天
道亢暘三旬不雨秋禾立稿民方殿屎 公齋沐禱
於 城隍廟早夜焚香遍告壇壝諸 神越三日密
雲不雨公心憂為爰是遍詢邑民求以善禱之術
有為之陳其歷驗者曰此去東南百有餘里山有靈
湫得之則雨但道崎嶇不克登高履險 公視民如
傷聞之即欲往拜士民勸阻不得於七月朔日布衣

徒行率眾入山拜禱是夜大雨即降莊邑境內四野
霑足父老子弟欣欣相告曰前之父母遇旱心憂拜
湫求水誠心感格者間亦有之然或三日而後雨或
五日而後雨未有如我公一念克誠蒼穹已感格
召之速應如捷響詩云樂只君子邦家之基其斯之
謂乎邑民享雨生之福食不朽之德歆報無由謹以
額言留愛效太室之藏倣凌烟之畫庶幾報公德
於萬一也是為記
乾隆
丁丑

書

莊浪志略

卷二十 藝文

三十三

與李敏盛書

王鍾鳴

市井不得與山林比高俗吏不得與高士比清先生
之風高矣清矣鳴濱澄鰕生風傾山斗欣承珂里得
近樓臺何白駒不賁恍景星慶雲之不時見又如祥
麟威鳳莫繫莫維也邑乘蠹已極去今不講久焉勿
傳敵仗名乎藉垂不刊

與呂奏夏書

莊邑廣文
辛卯孝廉

王鍾鳴

日來無事簿書之暇進以史韻每一放銜庭虛無人
僅一二昏皂如零落朝星點點可數雞門不如市而

心不得不如水也鬱悶間思與山林作伴隆冬堅冰
畏不敢出幸茲霽朗得邀諸同志携斗酒從禽逐獸
以問我疾苦何如

節婦牛王氏紀畧

葉芝

節婦牛王氏庠生牛學孔妻事姑孝止生三女年二
十七而寡家故貧茹荼鞠育惟薄田十畝竒敝廬三
楹族人以產業終將歸己也私鬻之已受值或以告
婦哭曰此固尔家物曷待吾死任尔為事遂寢病亟
令女坎屋地指飲食器數事使葬為曰汝父口澤所

莊浪志略

卷二十 藝文

三十三

存吾不敢用亦不忍用經今四十年完好如故使死
而有知吾其持此見汝父於地下言訖而歿自孀居
後男子非至親禁不得入垣童子踰十歲即距之有
悞入者聲色俱厲婦女惟老誠端重者許徃來餘悉
拒勿內余幼時過其門見數人感額于街曰又哭矣
余問其故曰此牛老嫗居也性善哭哭必竟曰吾鄰人
聞之心碎鼻酸每飲食不能下今不又哭乎余聽
其聲果悽楚悲哀甚第未識視華周杞良之妻何如
也

貞女節婦解後辨

邵陸

北地曹嫠少字隆民趙姓未婚聞夫亡欲往視歛請之父約歛畢即回及至願守節終身不得遂絕食死或謂其字靜民王姓自縊死嗚呼曹嫠女也非婦也其死也死于女之貞非死于婦之節也謂之節婦則不可謂之貞女胡不可而後谷作即志律之以三從繩之以六禮謂女子未嫁之夫胡死哉自經溝瀆耳因解之曰婚姻之禮不備則貞女不行行則非貞是之謂奔嗟乎貞女之事其夫忠臣之事其君一也果

莊浪志略

卷二十 藝文

三十四

若所言便於天下之懷二心以事者甚矣豈不謬哉按之六禮一曰納采二曰問名采已受名已通雖未成為夫婦而夫婦之分已自此而定非汎汎然未嫁曰女者比也曲禮不云乎女子許嫁笄而笄當是時父母許之耶父母命之矣豈不待父母之命鑽穴相窺踰牆相從者哉如其未成為夫婦也不宜死彼未成為君臣者不宜死益明矣即之戰隣童汪錡之死魯人何以欲勿殤孔子何以曰能執干戈以衛社稷是豈必食焉而後不辟其難哉曹嫠之為其夫而

死猶汪錡之為社稷而死也其於從一而終之義審矣豈必待一與之嫁然後終身不改哉且夫婚姻之禮不備則貞女不行不備而行則謂之奔此聘則為妻奔則為妾之所由來也以之刺淫奔之女則可以之刺奔喪之女可乎今其夫已死而猶曰備禮試思雁即可奠孰為奠之宰即當共孰為共之且其時奠雁共宰之禮即未備前此納采問名之禮不既備乎禮有經有權夷齊之耻食周粟經也管仲之不死而相桓權也子貢執經以論仲夫子猶取其功而許其仁

矣况其為視死如歸者乎然則曹嫫之死雖不得謂之禮未始非忘于禮者之禮也其動也中尚得作之為奔哉必如後谷之論為曹嫫者既無家可歸又無義可守使其父母歆奪而嫁之意惟是從親之命一字兩字乃為得乎栢舟之詩可以不錄豫讓之論可以不存噫人道幾何而不絕也

禱雨文

竇文

嘉靖四十三年甲子三冬無雪越明年乙丑夏四月
不雨知縣竇文為文籲禱既而靈雨沛然四野霑足
雖不能起夏禾於再造猶得卜秋實於有成因志以
示不忘云

辭曰惟此下邑屢值阻饑差繁賦重十室九虛老稚
輾轉相率流移去歲半熟民用少紓茲復亢旱火滿
郊墟職猥以微賤素餐於茲慨民生之未遂凜

天竟以難違爰竭誠悃仰告神祇果貪污而失職抑刻

莊浪志略

卷二十 藝文

三十六

酷以自恣或囹圄有寃抑或閭閻多怨咨愿速戾于
職身無殃及于黔黎雨露恩澤惟神是司哀此窮孽
早運靈樞雲油然于四野雷鼓動于天衢雨優渥以
霑足苗秀實而發舒禔咸有夫儲積斯周匱夫征輸
凡我官民待罪呼籲有淚潛如

戊寅二次禱雨文

邵陸

維神理幽維陸治明幽明雖殊治理則一故禦灾
捍患全賴神功而救溺拯飢專歸吏職設民有顛
連而莫告是陸疾視而勿救也陸固難違夫愆尤若

民有呼籲而勿聞是 神坐視而勿理也 神亦難
辭夫責備茲屆春暮正事西疇播種維告齊全而秋
禾未聞驛驛土膏亟須潤澤而甘雨不見祁祁遠近
農夫既憂心其如焚大小官吏更寢處之不安爰諏吉
而告虔已經十日共築壇而祈雨詎止萬家乃環跪
哀號率相與擊鼓鳴鈺而至而焚香頂祝竟勿獲耕
雲耨雨而因旱魃之為虐若斯靈雨之既零何日知
縣邱陸目擊心傷返躬自責竊念陸年五十有二自
乙亥仲冬將行筮仕即立官箴八十八條迨丙子季

夏來履是邦已凜官方二十二月每勉以供職惟
淡泊以明心不貪錢以暖民生不酷刑以剝民膚身
家置之不顧安樂付之無言聽斷出於再三惟恐民
究無訐訪察周乎民隱惟恐已過不知此實陸之素
心堪邀 神之明鑒者也苟閑吏治之多虧罪當專
責之縣令如係 神靈之難佑灾將分及于下民陸
竊憂之 神何忍為聞得縣城東南神湫顯應名曰
南亂石池去城一百餘里有求必應百姓咸奉以為
靈無感不通有司亦信以為實去秋朔日曾往禱於

其山當夜甘霖果沛降于我土在當日薄九天之化
雨既能利濟蒼生豈今日矢百念之精誠不足感通
神眷爰擇期于翌日仍徒步而前行伏望

尊神哀憐黎庶賜靈泉于一滴偏膏澤于四郊謹疏

己卯三次禱雨文

邵陸

竊陸涖任三年祈雨兩次仰邀 神眷立沛甘霖感

德到今望恩如昔不料今春又寒本縣親自祈求且

承 大憲傳宣益宜躬行步禱

時藩憲符批據稱固原得雨分寸已悉未

知莊浪曾一體得雨否如尚未站足還須賢大尹虔誠親禱也祇因他屬之監借難

莊浪志略

卷二十 藝文

三十八

寬以致本地之請求莫顧並蒙 尊神顯聖諭徃龍

池取湫自可得雨爰委典史率眾偕禱當荷雨師泛

灑已濕地皮無如風伯怒號終乾土性此非典史官

卑職小或致代禱之勿誠實因知縣舍己耘人不克

親祈之有過今于公回之日特秉夙夜之憂重設壇

於 隍廟再躬禱于神前竊念暮春無雨民尚安于

節氣之稍遲迄今仲夏猶晴民實憂夫收成之無日

際此軍需未息可憐民食維艱一至旱乾必填溝壑

嗟我百姓連年未獲豐年相彼三農今歲寧堪凶歲

仰惟

皇上心誠保赤方疊加普免之恩綸恭承 大憲念切拯
飢猶時施多方之撫卹况我

尊神權司保障豈忍旱魃為灾道濟蒼生應令商羊起
舞隴東各屬既思興雨祁祁北地偏疆更苦飄風發
發民皆疾首陸益傷心自非一官之涼德多慚何故
百室之盈寧無望敢對 神靈敬陳明誓與其灾備
加於百姓毋寧罪獨丁于我躬倘蒙 鑒微忱不靳
龍池之厚澤惟冀立興靈雨大慰田畝之魚思敢告

莊浪志略

卷二十 藝文

三十九

重修義學啟

耿光文

古昔子游宰魯雅尚絃歌孟氏策滕倡言學校詩書
化蜀漢有文翁理學課湖宋惟文定如斯往哲代有
傳人若彼名流指何勝屈余也五車多欠矮屋未克
擡頭八斗胡來周道終慚展足今啣

思維分理莊浪政譜究無聞三異哦松自况報云余不負
丞指棘興懷羞說才非百里詎敢望希前哲猥欲主
持風教也哉然余詠藻芹于泮水少年之盛遇難忘
緬鐘鼓于壁雍此日之殷懷若揭矧茲蕞爾非無慧

奪鷄碑顧此彈丸豈乏識通齊稭紀家之管夢詎皆
青瑣氏之宿衣寧無緣第大冶不爐南金鍊他山
無石抱璞終沉此余之切切于中而急欲為民興學
者也茲莊浪本城向有義學久經傾圮今思修整工
資缺如若任頽零寒士無藉嗟夫一犁化雨隴頭經
史批倪兩角懸書牛背烟霞烘李他如巨衝穿壁以
及車武囊螢侯僅然薪孫康映雪甚或飯藜不繼貧
甚茅客至若飲水療飢空如陋巷自昔文人類遭困
厄寧茲學者盡出豐亨此義學之所當汲汲也惟是

莊浪志略

卷二十 藝文

四十

余方蒞任載餘廉俸又白澹薄射鴨堂前懸魚有象
鳴琴室裏飯鶴無糧因再思維爰構小啟幸士民之
向化諒長吏之開誠今之數椽固費無多而義學之
滋基可定藉茲講義型仁戶敦孝弟夏絃春誦人盡
魯邠鵲起蟬聯上鳴

國家之威龍驤虎步不開閭里之光余也婆心多士更
宜踴躍衆力易舉醇民定自樂從此啟

邑侯耿公傳

邑廩生 崔懷珠

耿公者鎮江丹徒之名宿也諱光文字觀宸號晴齋以文行兼優著聞 京師偶攷方略館得議叙始銓大通期年政績卓茂因調繁要來蒞我莊下車之後政通人和百廢皆舉首尊義學示民所先者在學次修

萬壽宮

示民所學者

繼修社稷壇

示民所要在農

請兵駐防以固

吾國以衛民所謂本經術而措之政事者大抵崇實敦本以扶衰救弊為己任至卜筮韜略堪輿諸術雖公之餘事亦曾小試俱驗焉癸卯甲辰兩夏咸旱甚禾

莊浪志略

卷二十 藝文

四十一

苗將稿 公卜越三日及七日雨猶以精誠倍切率

民步禱于龍王祠高廟山至日雨果霑足五月朔回

猖獗百姓因承平日久心駭無措 公從容調劑應

變隨機設 法廿四條率民防守遂回知莊有備不

敢來攻而靜寧通渭等邑俱遭蹂躪惟莊不擾此猶

卓卓可紀者底定後復念我莊文教式微科第久脫

爰就東南城建奎樓樹文筆己苗遂有登武科者應

其兆 公之治理我莊也固已殫心竭力矣至其豈

第為心寬嚴得體九載之間所欲與聚所惡勿施意

澤之及人者口碑載道筆難殫述約舉數大端以見
公之梗槩云爾

頌邑侯耿父母禱雨靈應記

邑人李國範貢生

莊邑居亂山之中土脉寒冷雨雪徃徃愆期故涖茲
土者恒多為民祈禱于境之內外

尊神然有應與不應蓋以誠之有至與不至也癸卯夏
元陽殆甚人咸憂戚莫知所出

公甫下車步禱即雨民固何

天之庥而亦戴我公之福廕也越明年甲辰亦復彌

莊浪志略

卷二十 藝文

四十二

月不雨地龜坼秋種莫入土公也心中民瘼擇於
四月丁亥虔禱於

龍神祠越三日己丑大雨至庚寅巳刻晴霽四野霑足
三農歡忭非積誠有素曷能前後兩禱應若桴鼓哉
且時當大寒飢饉復告乃賑貸既發公恩普

雨繼沛民業胥安是公之豈第決乎民公之精
誠通乎神前之雨後之霖若相符契不得獨功
於冥冥而置

公德于不誌也爰為記

公紀邑侯 耿公捐修

萬壽宮碑文

粵若我

朝

列聖相承勵精圖治蓋以一身寄乎魏佛塲塲之上而以一心運乎勤勤勉勉之中故綱舉目張政通人和豈非惟勤足以集事哉然又必有慎以貫乎事之始終而後歷久而不替也余自癸卯秉鐸莊浪觀前後民牧體此意以出治者前得何趙二公繼得卯公今得

莊浪志略

卷二十 藝文

四十三

耿公為卯治之大口碑於今弗衰者首在經理城垣趙公在建立義學何公改大佛寺為

萬壽宮然其構椽三楹粗有模規洎今三十餘年矣 就傾圮不足以展愛戴之誠肅跪拜之儀至於義學僅存基址棟宇弗宏堂室未備 公喟然曰此皆為政之大者也苟怯屋廬楹桷之費不急為修葺雖有頽墻壞屋之尚可完者故材舊瓦之尚可 者什器衆物之尚可賴者亦皆失之而無存愛 廉俸於軍需旁午之後鳩工庀材興廢舉墜凡

壇廟之有藉于經營者亦皆繼是次第告竣其所算成咸
增其屋宇壯其觀瞻詩曰匪且有且匪今斯今書曰
既勤垣墉惟其望既茨既勤樸斲惟其望丹雘其是
之謂歟公曰子謂我有事於樸斲垣墉誠然若其入
朝班而凜

憲皇帝之諭潔己奉公實心盡職一邑之中興仁興讓教孝
教忠物阜民安刑清政簡更仰體

聖意造就人材使士肄義學而攻經史子氏之書講修齊
治平之道朝省暮習日就月將而又以敬為之主是

莊浪志略

卷二十 藝文

四十四

子所謂丹雘而墜茨也是吾夙夜匪懈斲以不悞吾
君下不負所學少盡父母斯民之責實皇皇為而未逮者
也余曰此

公謙讓之志也然不可以不識也因次第其言俾勒
諸石用規于後之為民牧者

儒學訓導劉臨椿撰

郭 盛 牛克嶷 馬國作

監學生員牛姿健 崔懷珠 石任藍等公誌

馬國鐸 李繡春 馬登雲

彭耿二公傳

隴西張通

余己酉夏於會垣因金城蔡公得謁

晴齋夫子仰見謙冲下士和藹慈祥心竊異之及請業於義理無不淵涵博雅純粹以精使後學者傾心悅服也因話及籍里方知為鎮江丹徒之名宿諱光文字觀宸號晴齋即在人共戴為耿青天者爰于是秋來莊署親炙文教兼訓諸賢即昆仲功課之暇偕莊庠王生偶步于署之西偏見廟顏曰

彭公祠登其堂瞻其像衣冠悉明制余心知為有益於

莊浪志略

卷二十藝文

四十五

民社而可祀者第未悉其名字與其事蹟為何如也王生莫能對惟曰此祠舊附於

武廟今耿父母以位置非宜移於此地者余以既莫之知遂弗問迨後得聞邑乘始知公諱乾蜀之永川人由賢書於明崇正五年在斯為課農勸學興利除弊者為一時循良之最邑乘甚詳茲不復贅獨當流寇猖獗時公與學博縣尉諸公悉力捍禦四月二日賊眾捲地而來攻圍一晝夜公應變随机寇不敢近乘其急突擊之賊敗去又料賊必再至益守

備復請總戎駐兵木頭溝以禦之二十日賊果悉眾
至鎮兵要擊之城田是得保五月以勞卒百姓如喪
考妣惜不及以其狀聞而在人思之不忘其祠之也
固宜余聞甲辰送回之變亦有越在七次之傳爰叩
彼時何以策之而得其不擾也而夫子太息久之
遂出其守莊之策一帙以示余捧讀之下知其保莊
之功為甚大修戰守之具為甚詳方送回之烏合而
來也起自底店距莊僅四十里燎之方揚咸謂滅此
而朝食耳且地鮮堅城人無寸鐵何時以無恐

莊浪志略

卷二十 藝文

四十六

天子於偵報之來備器械選材勇謀食謀守身親督率
殆與公之悉力以禦流寇者如出一轍耶古今人
同不同未可知也既而送回越莊以去靜寧通渭等
邑俱遭蹂躪而在獨全及俘獲詢所以舍莊故僉曰
五里外聞矢石聲鎗銃聲不知凡幾千萬莊知備矣
不可以犯所謂風聲鶴唳草木皆兵者大抵先聲之
張早有以寒送回之膽而却鋒鏑之危要皆

天子之韜畧素嫻虛者實之實者虛之不煩交鋒而保
封疆於無恙登黎庶于衽席者在人亦厚幸矣哉

夫思今日之莊較前明之莊其功有不可同年而語者何也

聖朝定鼎海宇昇平莊由縣治尋改為鄉以彈丸之區值
敕寧之久民不睹烽烟之形庫不貯攻擊之器而款
於倉卒之際計出萬全似亦難於前明耳於乎功之
偉矣策之善矣况斯時尉佐裁矣屯防革矣與

公之相助為理者其難易又較然矣 夫子以治績卓
茂聞于

朝廷行見高擢要津莊人士有保苗之不得者舉平昔之

莊浪志略

卷二十 藝文

四十七

課農勸學興利除弊及守城之策算後之人必援筆
而書沐手以讀垂之邑乘與 公先後媲美為余於
展拜 公祠之餘感 天子保莊之苦心勞績與
公必並傳于奕禩也因是連及書之

詩

秋至莊浪試諸生賦二首勉之

明王

藩知府

深山何處不芝蘭莫謂山深進道難
鷄曉正當春夢熟書燈多避客
窓寒頻將麴蘖常年友漫把衣衫半
世藍賢路坦如周道砥幾曾人去會遮攔

百十餘年養士風爾來無客到
瞻宮相延歲月多虛過豈是山川
不降鐘但使池塘生夢草不愁車馬看
花紅香秋到此無多日咨爾須加百倍功

郊行有感

西田馬文健

分史

莊浪志略

卷二十 藝文

五十五

邊城郊外一徘徊寥落那堪進酒盃
潦水盡時紅葉滿野田荒處白雲堆
朔風吹徹胡笳韻獵火燒殘塞草灰
寄語循良勤保障一官借此答涓埃

過關山三首

早發
晚過
關山

寶文

夜度關山月正圓光搖寒影一婵娟
四千里外司民社好把丹心並月懸

林樾風搖萬壑鳴峯巒壁立五雲橫
前人有淚悲難越今日真從險處行

蜀道聞歌行路難秦川莫作等閒看
千山萬水經遊

遍又過稜穉亂石灘

六盤山

竇文

六盤山上六盤道石徑岩堯通轉賒壽暑有風還透
骨芳春積雪不開花黃沙磧裡龍蛇窟白草坡前虎
豹家形勝萬年歸鎖鑰停驂絕頂望

京華

車遙遙

竇文

車遙遙陟險坡單牛獨拽可奈何筋出力盡頭皮磨
遍身鞭朴癢痕多安得周行不蹉跎此車轂輓徘徊
過爾牛亦得暫舒和

莊浪志略

卷二十 藝文

五十六

題苦水川

前人

茶味本自苦有時甘若飴茲水之味苦逝者恒如斯
計日惟決辰角登苦水涯因憶蒸民苦方水為過之
勤動自終歲征徭非寧期頻遇狼與虎噬盡膏和脂
滿眼觀荒蕪計口多沅移茲苦誰能悉悠悠勞我思

望夫石

前人

辛勤蕩子從軍久寂寞佳人望眼勞秦嶺雲連魚信
斷楚天霜冷雁聲高淚零巫峽千峯雨思入黃河九
曲濤一點貞心化作石年年吃立此山獨

杏岡晚照

前人下同

崇岡曾駐使君車古杏還舒滿眼花寄語邑人勿剪
伐虬枝留取帶紅霞

山寺春遊

春來原上騁春遊紛紛舉趾在田疇有耕欲補三農
匱吹蜡還期二麥收

筆架晴嵐

三峯突兀起南阜二坎真堪架綵毫文氣鬱葱千古
秀晴嵐縹緲九天高

莊浪志略

卷二十 藝文

五十七

屏風煙雨

誰把圍屏對面開化工造物亦奇哉怪底雲烟纒出
岫曾見漫天風雨來

石峽夜月

流水滌洄遶峽中懸岸磚礧接崆峒萬川月落知皆
仰此地清光總不同

麻岔丹楓

玉露飄零過塞寒金城遠戍授衣難同憐岔口丹楓
葉盡是征人淚點斑

青土效靈

青土山前百草齊
青土祠上五雲低
萬古效靈蔭下
域四時報賽走群黎

盤龍積雪

龍山深處雪氈氍
玉蕊瓊花滿目開
詞客有懷呵凍
筆遊人對景酌金壘

詠宋將軍吳玠吳玠墓

將軍昆玉擁干旌
笑指金人不足平
精衛有心填海
水鬱葱佳氣遶佳城

莊浪志略

卷二十 藝文

五十八

九日

九日登臺集眾賢
菊花新蕊到高筵
叢林葉茂經霜
落寒塞鴻飛避雪還
寥廓遠天山更密
荒涼滿地草
無邊登臨佳興成
悽愴民隱何由達

帝前

題王生奇書舍

讀書高趣宜清景
卜築無如此地佳
山色青青環翠
壁水流曲由淮蒔
葩幽窻蘭茁堪怡興
小閣雲深足
避諱肯向三餘通
百籍誰云綵筆不生花

頌衛公德政

邑人 崔鳳 貢生

當代循良幾許人，衛侯德政更超倫。一分寬賜一分
息，百樣裁成百樣仁。威制豪強刑自省，德沾良善俗
還醇。明朝只恐遷喬去，孺慕殷殷淚下頻。

又

邑人 李第 恩貢

獲鹿流膏已數年，再遷北地試才全。為存戶口陳時
政，却保民財止俸錢。頭上青天心可對，眼前赤子頌
成篇。近年只恐爭侯去，為豎豐碑奕世傳。

詠吳將軍

國朝 武全文 閩西
西晉 副使

莊浪志略

卷二十 藝文

五十九

古廟蕭涼白日曛，兒童解道宋將軍。丹心宵渡龍干
水，鉄胆晨飛德順雲。入夜烏鳶栖月影，經秋風雨護
蟠文。百年戰壘堆燐火，青史琳瑯姓氏分。

詠吳將軍步前韻

古 譙葉正 秦 平涼
司李

隴干祠外對斜曛，閑蜀以安此一軍。劍擊西來揮落
日，庭帟北望鎖愁雲。盈庭莫救和戎策，四壁空餘讀
史文。遺敵黃柑真快事，至今齒頰尚芳芬。

又

柳翹才

英雄百戰挽殘暉，應許當年伯仲軍。畫策已能定漢

室填胸終自恨燕雲旌旗落盡么麼胆廟貌尚餘太
史文名在乾坤通借色故園千載有餘芬

題北山寺

秦之銓

宮苑望處尊登臨瞰千尺煙花三月雨崖石生微碧
古廟繫苔蘚龍蛇隱虛壁自非懷謝眺步此反蕭索
昔年祓除興再整遊山屐雲水方浩蕩長風踈我魄
曠然怨遠期仰視太乙脉中有大覺人說偈萬百宅
俯世若螻蟻擾擾古阡陌眼前多所變瞿曇豈相隔

杏花岡

董朱衣

莊浪志略

卷二十 藝文

六十

蒼崖絕壁倚孤城碧漢烟霞入望平拂袂衣光搖岫
色開樽梅影落泉聲迎春鳥笑窺人狎秀日蘭香入
座清幽賞不妨天欲暮危岑好看聚星明

石峽夜月

周明新 平涼
司李

長川飛白湧蟾蜍萬頃波光一色如午夜玉壺藏峽
水半天明鏡墜衣裾非無月色分佳勝獨此清光占
太虛峭石兩崖門未鎖中流清見廣寒宮

又

柳翹才

碧空清瞰玉壺流前路迢迢憂更憂魄滿一輪圓似

蓋光搖四壁影同浮浴波初試嫦娥鐘梯石還登太
乙樓高興神君看不壓深山原是洞天秋
筆架晴嵐
柳翹才

文石無煩班匠勞人天偉器屬吾曹管當春笋抽麟
角穎際秋風見兔毛作就錐峰三片出書成山字五
雲高從今綽有生花夢不許旁人擅綵毫

盤龍積雪

前人

盤盤飛勢湧蛟龍玉甲瑤鱗積未溶秉氣九霄能變
水厲雲三尺預吹冬嶸山崗待迎仙侶瓊樹何曾轉

莊浪志略

卷二十藝文

六十一

岸容共嚼寒香沁肺腑吾當披覽效王恭

青土效靈

邑人柳英才貢生

當年禹貢載青黎迎接梁州是此堤勢踞秦川陸海
上居連天府隴卽西試磨寶劍成虹彩可報封章作
紫泥幾許古今成感慨不知靈傑待誰齊

春別王鼎庵之莊浪二首

楚黃盧

經

興化
司李

春花春柳夾行馳縱轡之官况自隆在昔入秦多取
相到今分陝却推公路經周道三千遠氣壯函關百
二重萬里岐雍皆沃野好將駟鉄振雄風

送君作宰向名區
途指梁山客路逾
不信龐才偏百
里
又看王鳥有
雙
見樹橫
渭北
思春曉
雲擁
關西
望
馬驅
從此折
梅頻
寄問
莫言驛使
隴頭無

康熙六年丁未七月七日早朝欣逢

今上親政賦以志喜

王鍾鳴

今宵牛女會
河間
群道九重
不掩
關銀漢
昭回
更漏
永五階
齊集
佩聲環
乍聞

帝子親機早
佇看
天孫織錦
還鳳闕
鵲橋
幸勿遠
千官繫
若賀朝班

莊浪志略

卷二十 藝文

六十二

登崆峒山

前人下同

問道宮前水
漾流
迄今古蹟
尚堪求
層層直上
雲深處
步步還隨
日下遊
豈是儒門
鮮道骨
莫非宦海
隔仙舟
周行天末
悲岐路
幸有廣成
說去留

詠盤龍山

本生東海復
遊西歛
甲歿鋒赴
小溪
八十一
鱗希
易數億
十萬載
與天齊
山頭帶
露聊潛
隱月角
興雲却
化泥
一旦點
睛破壁
去猶傳
此地有
龍霓

遊煖泉

平原湧出涓涓流揚解泛舟興更悠水滿池塘烟散
聚柳垂岸畔色沉浮參差閣影爭山秀上下水聲雜
鳥啁共挹太和無限趣敲詩繪景紀陪遊

頌王鼎庵父母德政

邑人李敏盛甲子舉人

竹馬迎來觀霽光已知福德曜吾莊松風韻調琴先
冷梅蕊詩成句亦香數卷圖書猶柱下滿城桃李即
河陽恩波浩浩無窮極惟見春風笑海棠

又

邑人李三讓同州學正

江花久賦重南金特借旬宣懷好音揮塵光風珍士

莊浪志略

卷二十 藝文

六十三

品隨車甘雨悅農心莊山秀聳翮蒼鶴浪水潺湲響
素琴循吏自來多瑞異行看翠竹下朱禽

頌王父母禱雨立應

邑人李興讓貢生

嗷嗷哀雁不堪聽適際今朝湛露零始稔精誠通

帝座緣知虔禱格

蒼冥誦聲已遍甘棠樹惠澤還苗

喜雨亭間道口碑傳盛事好將嘉績耀丹青

喜王公修志成

邑人李任楫庠生

福星臨照已多年花滿河陽色復妍循卓教名高五
嶽賢良政績著三邊擢辭未許推育左秉筆何曾讓

腐遷百襖斷章今始續願將蛩韻附瑤編

杏岡晚照

邑人王基鞏貢生

窮登絕頂到黃昏
杖影輕歎鎖寺門
杏吸斜陽滋笑
色峯吞散霞出啼痕
歸雲擁樹迷人徑
夕照還山動
客魂人去鳥稀形
影隻征夫至此吊無垠

山寺春遊

邑人王嗣曾庠生

催耕啼鳩向春求
躡屐登高恣野蒐
遠眺晴林弄晚
日細聞曲澗咽寒流
鐘聲已醒勞人夢
梵語還消思
歸愁乘興往還我自
得何如田舍問春疇

莊浪志略

卷二十 藝文

六十四

麻岳丹楓

邑人石毓尚環縣司訓

突兀山阿萬水橫
惟茲嘉植更爭榮
不隨柏葉經霜
茂獨似榴花照眼明
疑是晚霞和夕照
却非丹柰伴
朱櫻停車坐息楓林下
勝向武陵溪上行

屏風煙雨

邑人賈連璧貢生

嶒巒疊障好平鋪
一幅山光入畫圖
峯積晴煙雲物
澹岫含陰雨黍苗
蘇半天霖霖迷高下
一片蒼茫際
有無更待四郊霏
溉足相看父老醉醜醜

贈王邑侯

邑人杜昌楷貢生

古稱天府是關中，偏我荏浪賦大東。
民乏牽車愁養薄，士鮮通籍嘆途窮。
千家不及一家產，十室多成九室空。
無術點金官最苦，方知顧老後惟公。

櫻桃園

邑人石燕勳庠生

五月山城百卉鮮，風流無過此君妍。
青絲籠內香常滿，赤玉盤中體更圓。
豈是黃鶯啣去早，非關蹄馬喘來先。
平原一望增形勝，應有櫻桃詩百篇。

四歸

山陰胡賡昌 知縣

歸來買得小漁船，繫向前村楊柳邊。
箬笠笠破時貪看

莊浪志略

卷二十 藝文

六十五

月釣鉤直處，不求錢新盟。
鷗鳥為良友，盡把兒孫付。老天去上間，人誰以我花開。
蒼謝自年季。

歸來買得老犁牛，牽到河邊飲碧流。
過嶺健如騎快馬，渡溪穩似漾輕舟。
吹將短蘆飛花片，馱去殘陽換玉鉤。
興替不閑吾輩事，先天舜日一巢由。

歸來買得一區莊，半倚山崖半倚塘。
日射空庭梅影瘦，春生小圃菜花香。
東鄰過我占晴雨，鷄鴨從人覓稻梁。
又過江頭新酒熟，兒童催去早些嘗。

歸來買得一灣池，四季陰晴色色宜。
紫芋紅菱藏翡翠

翠青鷓白鷺浴玻璃通渠引水因澆菊揮柳成幃為
醜鷓携杖行吟尋好句半綿青草意連詩

賦得綠柳纒黃半未勻

郭德光 知縣

瞻彼如絲柳芳條獨露新黃金呈秀色碧玉煥丰神
已擅垂堤翠還爭上苑春風流凌白雪佳氣促晴勻

春日思歸

姚序美 知縣

夢裡魂飛道路奢傷春遊子客天涯白雲隱現千峰
外練水微茫午夜賒得句休誇池畔草蓬場那望錦
中花殘檠燒盡心猶火好逐靈輪到我家

莊浪志略

卷二十 藝文

六十六

雨後登樓眺莽蒼遠烟一抹鎖危梁鳥啣殘片穿山
徑風動新瓦拂女牆嶺外宦途臨地北閑邊吏籍是
潮陽草堂春色今何似遙祝慈年望故鄉

春透山城不染塵牡丹山下色如茵故園望斷音書
杳此地偏憐物候新宿宿官廚惟野菜番番花信統
愁人幾回翹首聞嗟秀珍重離思慰老親

金門奉詔到西邊苗竭冰心一片懸甘雨未沾於百
里春風虛度已三年非閑作吏思長往因憶倚閭望
早還

聖世鴻仁多遠布烏私應許放歸田

賦得白雪樓頭春已深

嶺南何廷楠知縣

白雪樓頭春已深
流光宛轉倍關心
林花爛熳風枝暖
松竹蒼涼歲月侵
過眼繁華空一瞬
放懷片刻擬千金
請看塞上纖纖月
又向黃昏照碧潯

蘭皋西望羽書駸
白雪樓頭春已深
細草青回砂磧迴
東風遙向玉關臨
龍旂雲捲環金甲
虎士宵眠臥綠沉
神笑

廟謨天廣大櫓槍一掃雪山陰

莊浪志略

卷二十 藝文

六十七

高閣何人撫玉琴
一彈三嘆有餘音
綠楊堤畔鶯初囀
白雪樓頭春已深
遠樹雲寒烟漠漠
疎簾花隱畫陰灞
陵千古風流在
回首銷魂自不禁

携樽遠上翠街陰
萬點風光亂客心
此日他鄉仍薄宦
十年故國動愁心
越王臺畔花將暮
白雪樓頭春已深
眺盡平蕪歸鳥沒
碧天無際海雲沉

今古茫茫百感侵
風情如月滿芳襟
籌邊遠愧金城策
投筆空懷玉塞心
一代殊勳開絕域
千秋殘照落寒碁
啼鶯莫喚春閨夢
白雪樓頭春已深

白雪樓頭春已深
宦遊萬里獨登臨
點衣柳絮隨風舞
壓帽梨花帶雨侵
夢繞鄉園穿遠塞
望窮天海數歸禽
韶光莫漫輕相擲
觸景低徊細細吟
意天涯芳草美
人心劇憐蝶影迷
青夢遙聽鶯聲出
上林把酒臨風歌
古調空山流水淡
孤襟山郭輕煙翠
靄沉雲連平楚
接却陰金昌門外柳
垂碧白雪樓頭春
已深繡陌花開他
夜雨草堂松暗故
園霖瓊欄極目雪
山遠誰寄春暉萬
里心

莊浪志略

卷下 藝文

六十八

簷垂綺樹碧森森
半捲湘簾草色侵
巖際落花浮石澗
溪流暗響繞雲林
清暉閣上酒初綠
白雪樓頭春已深
漫擬春光濃似酒
可堪暝色赴愁心

積翠浮空望遠心
片雲何意出高岑
關山有限因風雨
花鳥無情變古今
短笛吹殘楊柳曲
長河驚起水龍吟
何人倚劍崆峒上
白雪樓頭春已深

賦得早荷承湛露

前人

玉井園寒碧嫣然
出水荷含情舒繡
面帶笑飲天和
倒影雲衣濕凌空
水月磨明珠浮落
蒲曉鏡拭秋荷

未雨含芳潤因風漾綠波清楊垂袖舞厭池醉顏酡
擬鼓湘靈瑟還賡湛露歌息膏沉太液餘霽潤鸞坡
雲樓望月
甬上仇為柄

暑繞崇山結夜氛樓高月色得先分三年作客幾盈
縮八月飄香共見聞彩瀉冰輪濃似晝光吞銀漢淡
無紋姮娥欲真人歸路明鏡高懸照步雲

太白東風

平岡廣畝遠環空古廟疎林景不同羨浪晴揚君子
德銅烏清躍聖人風只堪兩袖輕携滿休為三時索

莊浪志略

卷二十 藝文

六十九

祭豐乘此扶搖歌舜陞南薰廣奏五絃中

石峽泉聲

疊嶂層巒別有天巉巉山麓水涓涓怒喧雨後驚林
鳥晴映霞時結暮烟彤役焦勞隨逝水心機活潑印
晴川生平探盡臨流趣北地應推第一泉

柳清鳥夢

垂條掩映夾渠溝音轉黃鸝夢未收漫說鳴禽矜出
谷豈勞啼鳥喚回頭輕烟鎖住金城色翠浪翻成鷓
鴒洲汀染綠衣眠不稳還聞枝外數教悠

北閔春杏

一林仙種足怡神色占蓬萊五里春蝶舞融霞嬌欲
暮鶯梭碎錦艷爭新聞來香濕沾衣雨歸去紅隨飛
馬塵遮柳間梅鄉園裡煙輕風暖促遊人

南庄秋菊

阿誰培植滿山庄間雅宜人遣興忙相襯紅英搖月
白間多紫藍錯金黃三秋潤足家鄉露五夜侵將客
地霜曾記淵明誇色好琴堂種得幾盆香

龍山晚鐘

莊浪志略

卷二十 藝文

七十

數間山寺踞青龍百八魚椎擊晚鐘深省可能驚朔
望遠遊何自計秋冬餘音風逆層巖外暮色花移皓
月濃回憶寒山間夜半一敲相叩一愁衝

却橋殘雪

素花錯落尚成癡詩思橋頭縱目寬半露青山雲罩
冷偏分白屋玉生寒逢人到處都言瑞閱歲他鄉又
欲殘却怪村林春色少幾枝凍雪作梅看亡督仇子
為柄寧郎
序生先姑夫滄柱先生族孫也在署數載尚稱八
首今作故人七年矣於篋中檢得之不覺泫然故附
末誌于

頌邑侯耿公

邑廩生趙 駿

清廉吟

民安自古願官清樂只廉風六計成冰入玉壺偏皎
潔人行金鏡倍分明四知謹凜財能散三善昭彰政
自平但願久留歌五袴均沾保障享豐亨

仁恕吟

草滿 公庭政務間已飢已溺總相關暖成瑞雪三
冬裡釀就甘霖六月間觀化杖鳩行子承

思竹馬舞迴還

莊浪志略

卷二十 藝文

七十一

輜軒若訪循良吏三異迎來喜

聖顏

崇文吟

重道崇儒治術高興修義塾寓薰陶詩書藉此宣
王化孝弟于茲勵士操問學久欽仰北斗李桃多蔚被恩
膏春風到處沾披拂快觀雲垂湧碧濤

耀武吟

文事修時武備強魁林密邇運籌當計嚴鎖鑰多增
壘慈濟生靈普賑糧法立守營全土宇令行回紇凜

王章我

公高擢知難挽誰作長城保此疆

恭祝

邑侯耿老夫子大人華誕

齋巖巖晴朗朗莊民四序樂寬裕莊士歷年蒙高啟
竹觀聽訟曲矜仁天心日月共欽仰石轉霹靂震星
河跳梁破胆不敢過回更時每夜令周城轉石豈惟
鳥鼠風雨除忠愛經濟煥巍巍我莫尚

萬壽宮經營義學德業崇無闕不勤媯皇補有虧吳憚神

莊浪志略

卷二十 藝文

七十二

禹功開緊要者無不修補今初念栽培深泮水即以
又以河水近城急改之

栽者培之題課士殷勤教誨不倦作養欲引翰苑通遙祝南山上盃

酒蘭桂鳳雛階前有夏璉商瑚耀巖廊地維天柱自
悠久雨若暘若晴復晴此齋端擬仁者壽

耿老父師榮署文篆起行時士民祖道幾至卧轍因

偕諸同人拈韻賦詩以留

廉駕云

貢趙 駿

文風丕振受恩深義塾思培翰苑林花 河陽分袂
去臨淮爭賦別離心

又

南金卞玉仰高深
德器薰陶偏士林
望重青雲輕紫綬
雙鳧還慰向葵心

又

廩生 趙允文

高軒過處感人深
景仰風流擬桂林
善政多方隨地布
可能返旆慰初心

又

增生 曹 鉞

作養膠庠屬望深
春風披拂遍儒林
絃歌從此成文雅
願賦鹿鳴答盛心

莊浪志略

卷二十 藝文

七十三

又

附生 程兆鳳

臨風把酒意何深
訓誨周詳在藝林
眼底杏花紅十里
馬前惆悵繫離心

耿老父師治文一載
旋來泣在士民恭
迓回衙分韻

賦詩以喜用造云

趙 燮

整理行旌到舊衙
歡騰六里士民家
欣看甘澍隨輪轉
重灌河陽滿縣花

又

程繼統

兩袖風清返柳衙
爭迎百里萬人家
懸魚尚在堂仍

舊還種赤城一縣花

又

鳳翔庠生 李澤長

為戀遙情角入衙素知公爾自忘家斷聽明允公堂
靜馴雉簷前樹滿花

又

程文曜

臨去風清草滿衙謳思爭頌鄴侯家春城棧樸芘芘
起盡是公門玉樹花

又

李澤長

鸞鳳還樓枳棘衙彩苞輝耀士農家分明此地非阿

莊浪志略

卷二十藝文

七十四

閑且看庭前幾樹花

莊浪八景七律

筆架晴嵐

知莊浪縣事印 陸

風塵俗吏托焦桐筆架山態氣象雄雲護霜毫浮翠
靄天憐雪案鑿玲瓏非秋垂露層巒在入夢生花疊
嶂逢莫爰此間文物少安排紫穎吐晴虹

杏岡晚照

前人

十里紅粧傍晚明岡頭初試馬蹄輕繁葩歷亂晴霞
散碎錦闌珊夕照橫鞦韆落成茵餘酒債花開無妓轉

鶯聲 上林春色誰先占惟有蓬萊仙種名

盤龍積雪

前人

靈巖秀谷暗青葱坐擁紅爐雪未融
樵徑平鋪銀作磴僧寮岑寂玉為宮
映書石室蝌文見整纒藍閑驥足空
寄語洛陽賢令尹東山高臥有袁公

山寺春遊

前人

芳郊晴日騁遨遊山寺春深分外幽
欵渡迷津尋寶筏將醒殘夢上鐘樓
雨餘砌畔苔痕碧風送枝頭鳥語柔
屐齒倦來吟興作不須把釣狎浮鷗

莊浪志略

卷二十 藝文

七十五

麻姑丹楓

前人

露下天高萬景空停車生愛是丹楓
脂疑琥珀千年碧霞綴人形兩岸紅
零落吳江鬼耐冷標題御苑欲窮工
能教二月花容淡為有山頭霜葉蓬

石峽夜月

前人

峭壁千晴晚景餘置身直如賡寒居
一池秋水開明鏡萬里圓輝落石渠
方愛樓高恣宴賞休愁竹短罷琴書
公餘探得空山勝盡興何勞取玉螭
屏風煙雨

前人

天懸圖畫布嶙峋一幅雲屏翡翠勻峰積曉煙紅樹
淡野含時雨綠苗新花苗起皺潛凝霧柳浪橫紋暗
鎖塵弥望青嵐明滅處不辭携杖踏芳春

青土效靈

前人

北地山川隸涓涇誰知厥土也惟青脉分黑水岡巒
秀神鑿蒼生盼靈掣電奔雷驅早虺行雲布雨樂
霓暉至今廟貌崇猶昔蓂蒿爭思明德馨

箴

臣下自警箴

張國賓

民不畏吾嚴而畏吾廉吏不畏吾能而畏吾公廉則
民不敢言公則吏不敢輕是故廉生威公生明書云
德威惟畏德明惟明治天下之道其庶矣况一郡一
邑乎

筮仕官箴八十八則

邵陸

勤以補拙儉以養廉清白以守家風慎重以理庶務
當兼聽以並觀勿輕喜而易怒忙裡易錯躁急宜除

莊浪志略

卷二十 藝文

七十七

小處易忘粗疎宜戒毋出言過激毋嫉惡太嚴利與
害隣當看得分明寧安乎貧毋以貪敗猛與寬濟當
用得恰當寧失於厚毋以酷止禮待幕友俾盡力以
匡扶慎選家丁勿假威而滋擾宅門乃咽喉之地當
峻其防閑買辦乃出入之人當杜其侵尅朔望則勤
宣

上諭早晚則速理詞訟誠敬以事上官謙和以待同事力
行保甲以弭盜賊嚴禁賭博以絕游閑密察奸邪以
正人心急遞公文以濟要務農桑乃百姓養命之原

當親加勸課書院乃人材出身之地當厚施栽培城郭所以資保障類者當築隄防所以資蓄洩地者當修水旱必當警心毋任灾黎失所積財必當設法當使賑糶有資勿擾催科令民樂輸勿濫刑罰令民息訟約束禁卒矜恤罪囚禁私鑄尤禁私銷禁私鹽尤禁私宰禁窩賊尤禁窩娼禁窩賭尤禁窩拐重拿地棍嚴究訟師設木柵以禁宵行警徂巡以緝匪類迎賽則令民安分火燭則令民小心購人須懸重賞不可食言間款總歸公用不可染指開誠心以曉頑梗

布公道以泯疑謗奸胥必懲樸誠者當好任之蠹役必褫能幹者當善馭之獨行可嘉必獎一以勸百積惡難寬必罰一以警百鄉紳說情可婉謝之其有能自重者可特隆體貌以風勵之青矜生事可明飭之其有能自愛者可特優甄拔以鼓舞之驛站須不時點查管驛者須禁其尅減以肥馬匹關津須不時諭司閑者須禁其苛索以便商民通解之防範必周守禦之巡邏必謹愚霸之色攬必懲代書之捏誣必治婦女當禁其入廟燒香僧尼當禁其私行披剃行

戶雖有應辦之官物但數目價錢不可尅削工匠雖有應值之公旬但飯食手工不可短少孤貧必如期親給毋許胥吏侵欺檢驗必確認傷痕毋許作朦混糧令自封投櫃可也重斂加耗不可也當按卯徵收以紓民力采取乾圓潔淨也可淋尖踢斛不可也當隨到查收以便民業潮銀短斂毋輕用差拘斗級羅夫毋聽行狼籍花戶之滾單宜立三連之串票宜覘頻清庫項以絕那移常開倉廩以防弊竇聽鞠當出以虛公毋作威而作福科斷當歸於平允勿畸重

莊浪志略

卷二十 藝文

七十九

而畸輕命案至重必以兇手兇器為憑盜案非輕必以真賊真贓為據三木不可濫加痛楚之下何求不得小杖亦難輕施刑傷之後貽玷無窮違疑獄必密訪其根由過究情必大伸其屈抑無辜之波累株連宜釋差捕之嚇詐逼勒宜懲教人以善而不從然後從而刑之則刑者于我無怨求人之生而不得然後從而死之則死者于我無尤養廉者有餘濟困賑窮固可廣推

君惠清俸如不足飲冰茹蘗亦當勉飭官箴

陸本庸才敢希良吏顧區區此心竊有不敏自菲薄者居常讀循吏傳每愛之慕之讀酷吏傳每痛之恨之蓋將半生于茲矣所愧者學淺才疎無能上進俸邀一命民社將膺漫同俗吏之為不過志在溫飽讀聖賢書所學何事空負乃爾古人有言立德立言立功自問此生無一樹立并此做一好官之志都立脚不定耶或曰托諸空言易見諸實事難余謂不然取法乎上僅得乎中作法於涼其弊猶貪藉此自勉或尚可以寡過况乎下民易虐上天難欺良心易昧國

莊浪志略

卷二十 藝文

八

法難逃善未必報惡無不應縱不思造福于百姓豈不怕貽禍于子孫一行作吏關係若斯宜何如凜凜也因箴以自警

乾隆丙子孟春甬上邵陸書於燕京旅邸

歌

勸民歌

邵陸

生逢

有道日

人樂太平春

輕徭兼薄賦

皇恩雨露均

抗糧為頑戶

安分是良民

子孫當盡孝
手足務相親
婚姻有定律
嫁娶莫厭貧
讓耕與讓畔
才見風俗淳
鄰族宜親睦
財帛尚分明
勿為錙銖較
轉成雀鼠爭
戒爾好訐訟
匍匐到公庭
破財且失業
理屈受官刑
居家務從儉
作事總須勤
好吃復懶做
生計自然寬
賭博最為害
賭窮即妄行
一旦入匪類
終身受惡名
少壯戒鬪毆
人命犯非輕
徒流已受罪
斬絞更傷生
若忍一時忿

莊浪志略

卷二十 藝文

八十一

安樂享昇平
萬鬼淫為首
邪念不可萌
婦女何所重
所重在守貞
當壚賣酒者
夫男必重懲
賊匪當稟究
奸宄須查巡
地方有邪教
最易惑愚氓
窩藏與狗隱
刑罰必臨身
士為四方首
鄉曲毋武斷


功令尤當遵

鄉曲毋武斷

詩書貴討論

名為鄉約長
凡事皆責成
奉公惟守法
正己可正人
化導及閭里
舊染也維新
勿謂相沿久
難將雅化更
俚語編成句

勸爾小民聽



漢書

卷之

七

莊浪縣志畧跋

邑乘初自前明竇衛二公康熙辛
丑溫陵王公踵修之經今百餘年
矣維時成化以前缺職官天啟以
前缺科目已多掛漏雍正初山陰
胡父師撰有續藁上接辛亥下迄
癸卯載近事頗詳悉芝於友人處
猶及見惜當時付託非人秘不以
跋

示又掌故勿嚴卒致踈失於茲此
今卽邑侯重纂所由慨嘆其難而
不敢自命為完書也夫作志之難
與作史同必淵源有自文章足徵
然後出其寸力學識而討論脩飾
之乃不至因陋就簡憾其未備邈
瀆談書固成尅志後漢刪取謝承
劉珍之遺晉書本之臧榮緒廬陵

唐書五代史多採吳兢劉煦之舊
此其大較也豈一人一手之烈哉
莊浪初為路尋降為州元時始著
其先固未有建置也浚谷先生府
志亦止稱唐宋屬渭州金屬德順
軍而未詳其為何地我邠邑侯嘗
疑之屢為芝言曰沿革始末皆可
攷如烏氏之為平涼鶻觚之為靈

臺隴干之為靜寧朝那之為華亭
臨涇之為鎮原孰非其影影者何
至莊獨闕如己酉秋守邠之暇廣
搜載籍思攷其從來不可得得元
史讀之沿革之闕益自明始宋潛
溪脩元史時已輟翰於無如何矣
况今日執公於是退而求之宋金
兩史參之以九域志一統志與甘

省通志乃得莊地之始固金世通
邊縣所領之靜邊寨也數百年之
殘缺一旦攷古證今而得之直可
補前志之所不逮矣雖間有關疑
夫何憾而猶名之為志略蓋深惜
其難而不敢自命為完書也噫好
學深思如是使故老猶存遺文尚
在得我公循流溯源而釐定之比
例嚴而取裁當古所稱事增於前
文省於舊者不在茲乎不在茲乎
己丑菊月邑人葉芝拜言

清史館舊藏乾隆間刻本

民國十七年二月國立北平圖書館鈔藏

